

Megjugorja  
Porositë e Mbretëreshës së Paqes

Përktheu:  
Gjon Kelmendi ida

Redaktor gjuhësor  
Prend BUZHALA

# POROSITË E MBRETËRESHËS SË PAQES

Përktheu: Gjon Kelmendi

## NË VEND TË PARATHËNIES

Një bashkësi e vogël famullitare, që nuk shquhej me diçka të veçantë, u bë më 25 qershor të vitit 1981 vendbashkim i miliona shtegtarësh. Emri i kësaj bashkësie famullitare – Megjugorje – u bë emër tregues edhe për famullinë edhe për lëvizjen shpirtërore që është e njohur dhe e përhapur sot në tërë botën e krishterë. Prandaj, të gjithë ata që kanë dëgjuar sado pak për Megjugorjen, e dinë menjëherë se për çka është fjala: sipas dëshmisë së gjashtë vegimtarëve, më 25 qershor të vitit 1981, në Podbrdo, mu mbi fshatin e quajtur Bijakoviç, u është dëftuar Virgjëra e Lume Mari. Sipas dëshmisë së vegimtarëve, dëftimet vazhdojnë.

Në dorë keni doracakun, i cili përmban porositë e Zojës, porositë e Mbretëreshës së paqes prej 1 marsit 1984. Porositë, që nga fillimi, barten nëpërmes të Marija Pavloviçit, tani e martuar Lunetti, së pari çdo të enjte, kurse nga janari 1987, për çdo 25 të muajit. Fjalët “Të dashur fëmijë...”, me të cilat i fillon të gjitha porositë, u drejtohen pjesëtarëve të famullisë Megjugorje dhe mbarë botës.

Përmbajtja e porosive është shumë e thjeshtë dhe në to nuk ka urdhëresa, hidhërim, kërcënim, frikësim ose gjëra të jashtëzakonshme, të panjohura deri tani. Ato janë nxitje e thjeshtë amnore, dëshira e nënës që fëmijët të mos shpërndahen, të mos harrojnë se të kujt janë, që të mos i harrojnë fjalët e saj nga Kana e Galileë: “*Bëni si t’ju urdhërojë ai!*” (Gjn. 2,5). Virgjëra e Lume, me modesti, me qëndrueshmëri dhe me dashuri, na drejton në jetësimin e ungjillit dhe në ndjekjen e Jezu Krishtit. Me këtë rast, nuk na qaset “nga lart”, por porosit jetë të thjeshtë shpirtërore: leximin e Shkrimit Shenjt, lutjen e Rruzares, lutjen para kryqit të Zotërisë, adhurimin e sakramentit Tejet të shenjtë të altarit, kremtimin e rregullt dhe të qëndrueshëm të meshës së shenjtë, lutjen familjare, sakramentin e pajtimit, kthimin. Të gjitha këto elemente janë rrugë, të cilat në brendësi japin fryte paqeje dhe aftësojnë për paqe. Duke i pranuar dhe duke i përjetuar ato, shumë njerëz kanë provuar se si e pamundura bëhet e mundur edhe në jetën individuale edhe në atë të përbashkët, dhe ajo që është thënë më se një herë në Shkrimin Shenjt: “*Për njerëz është punë që s’bëhet, porse Hyji mund të bëjë gjithçka!*” (krah. Mt 19,26), është e vërtetë sot.

Të dashur lexues dhe miq të Zojës, ua porosisim ta lexoni këtë doracak. Në të nuk ka zbulësë të re as Ungjill të ri. Por leximi i tij do t’ju çojë te Jezu Krishti, që është edhe dëshira e Zojës dhe kuptimi i ardhjes së saj tek ne.

Fra Ivan Llandeka

## HISTORI E SHKURTËR E DËFTIMEVE TË ZOJËS NË MEGJUGORJE

Në Megjugorje (Çitlluk, Bosnje e Hercegovinë) më se 25 vite, gjashtë dëshmitarë nën betim, me këmbëngulje, dëshmojnë, se, duke filluar nga 24. qershori 1981, pothuajse për çdo, ditë u dëftohet Virgjëra e Lume Mari, ose si e quan populli këtu – Gospa.

### *Dita e parë*

Ditën e cekur, rreth orës 18, fëmijët: Ivanka Ivanković, Mirjana Dragičević, Vicka Ivanković, Ivan Dragičević, Ivan Ivanković dhe Milka Pavlović kanë parë në vendin e quajtur Podbrdo (në kodrën Crnica) një grua të mrekullueshme me fëmijë ngrykë. Këtë herë ajo nuk u ka thënë asgjë, vetëm me dorë u ka dhënë shenjë që t'i afrohen. Por ata, të befásuar dhe të frikësuar, nuk i janë afruar, edhe pse menjëherë kanë menduar se ajo është Zoja.

### *Dita e dytë*

Ditën tjetër, më 25 qershor 1981, fëmijët, me marrëveshje, përsëri në të njëjtën kohë, janë nisur drejt vendit ku një ditë më parë u është dëftuar Zoja, me shpresë se do ta shohin përsëri. Dhe përnjëherë ka shkëlqyer drita. Dhe fëmijët kanë parë edhe Zojën në të, por pa fëmijë në duar. Ishe e bukur aq sa nuk mund të përshkruhet, e gëzuar dhe e buzëqeshur. Edhe atëherë u ka dhënë shenjë që t'i afrohen. Fëmijët janë trimëruar dhe i janë afruar. Menjëherë janë gjunjësuar dhe kanë filluar lutjen Ati Ynë, Të falemi Mari dhe Lumni Atit. Edhe Zoja është lutur me ta ,përveç “Të falemi Mari”. Pas lutjes ka filluar që të bisedojë me fëmijët. Fillimisht Ivanka e pyeti për nënën e saj, e cila kishte vdekur para dy muajsh. Megjithatë, Mirjana kërkoi nga Zoja ndonjë shenjë që do të vërtetonte se fëmijët nuk gënjejnë dhe nuk janë të çmendur, ashtu si i kanë cilësuar disa menjëherë.

Zoja në fund i përcolli fëmijët me fjalët: “Mirupafshim, engjëjt e mi!” Para kësaj, në pyetjen e tyre se a do t'u dëftohet përsëri nesër, pohoi me përkulje të kokës.

Kjo pamje, sipas dëshmisë së fëmijëve, ishte e papërshkrueshme. Atë ditë, në kodrën e dëftimit, nuk kanë qenë Ivan Ivanković dhe Millka Pavlović, kurse në vend të tyre kanë ardhur Marija Pavlović dhe Jakov Çollo. Qysh atëherë Zoja dëftohet rregullisht, sipas dëshmisë së këtyre fëmijëve, të cilët e kanë parë ditën e dytë. Kurse Millka Pavlović dhe Ivan Ivanković nuk e kanë parë kurrë më, edhe pse kanë dëshiruar dhe u janë bashkangjitur vegimtarëve të tjerë.

### *Dita e tretë*

Më 26 qershor 1981, fëmijët mezi kanë pritur atë kohë, rreth orës 18, kur u është dëftuar Zoja. Janë nisur përsëri drejt vendit të njëjtë. Ishin shumë të gëzuar, por ai gëzim ishte i përzier me frikë për shkak të pasigurisë se çka do bëhet nga gjithë kjo. Por e ndjenin se një forcë e brendshme i tërheq drejt Zojës.

Së shpejti, derisa fëmijët ishin akoma në rrugë, shkëlqeu drita tri herë. Kjo ishte edhe për ta, por edhe për ata që i përcillnin, shenjë se Zoja është aty. Kësaj here është dëftuar më lart se ditët e mëparshme. Për një çast u zhduk, por kur fëmijët filluan të luten, përsëri u paraqit. Edhe tani ishte e mrekullueshme, e kthjellët, e gëzuar dhe e buzëqeshur.

Para se të largoheshin nga shtëpia, sipas këshillës së grave të moshuara, njeri nga përcjellja kishte marrë me vete ujin e bekuar që fëmijët ta stërpikin dëftimin dhe kështu të mbrohen nga

djalli. Vicka kishte marrë ujin dhe e kishte stërpikur duke thënë: “Nëse je Zoja qëndro me ne; nëse nuk je largohu prej nesh!”. Zoja kishte buzëqeshur dhe kishte qëndruar me fëmijët. Mirjana e kishte pyetur se si e kishte emrin, kurse ajo është përgjigjur: “Unë jam Virgjëra e Lume Mari.” Të njëjtën ditë, derisa fëmijët po zbrisnin nga Podbrdo, Zoja u dëftua edhe një herë, por vetëm Marisë, dhe tha: “Paqe, paqe. Paqe – dhe vetëm paqe!”. Pas saj ishte kryqi. Pastaj me lot përsëriti dy herë: “Paqja duhet të mbretërojë në mes të njeriut dhe Zotit, por edhe në mes të njerëzve!”

#### *Dita e katërt*

Më 27 qershor 1981., Zoja u dëftohet fëmijëve tri herë. Me atë rast ata e pyesin për gjëra të ndryshme, kurse ajo u është përgjigjur. Për meshtarët ka thënë: “Meshtarët le të besojnë fort dhe le të ruajnë fenë e popullit!” Dhe përsëri Mirjana dhe Jakovi e lutën që të linte ndonjë shenjë, sepse kishte filluar të flitej se këta fëmijë janë gënjeshtarë dhe të droguar: Zoja u tha në lidhje me këtë: Ju mos keni frikë fare!” Para ndarjes e pyetën se a do të vijë përsëri, Zoja me përkuljen e kokës e pohoi. Kur zbrisnin nga Podbrdo, u shfaq edhe një herë dhe u nda nga fëmijët me fjalët: “Mirë u pafshim, engjëjt e mi! Shkoni në paqe!”

#### *Dita e pestë*

Më 28 qershor 1981, shumë herët filloi të tubohej një numër i madh njerëzish nga të gjitha anët. Deri në mesditë u tubuan rreth pesëmbëdhjetë mijë vetë. Atë ditë famullitari fra Jozo Zovkoi mori në pyetje fëmijët, përkritazi e, mbi të gjitha, për atë që kishin parë në ditët e kaluara. Në kohën e zakonshme Zoja u dëftua përsëri. Fëmijët u lutën me të pastaj e pyetën për disa gjëra. Vicka, për shembull, e pyeti; “Zoja ime, çka dëshiron prej nesh?” dhe “Zoja ime, çka dëshiron nga meshtarët tanë?”, kurse ajo u përgjigj: “Populli le të lutet dhe le të besojë fort”. Kurse meshtarët i porositi që të besojnë shumë dhe le t’u ndihmojnë të tjerëve në këtë. Atë ditë Zoja erdhi dhe shkoi disa herë. Në një rast fëmijët e pyetën pse nuk dëftohet në kishën e famullisë ku njerëzit mund ta shohin. Ajo ua ktheu: “Të lumët ata që nuk panë e besojnë!” Edhe pse dita ishte e nxehtë e njerëzit e shumë të bënin pyetje të ndryshme, fëmijët ndjeheshin si në parajsë.

#### *Dita e gjashtë*

Më 29 qershor 1981, fëmijët i dërguan në Mostar për kontrollim mjekësor, dhe pas marrjes në pyetje u shpallën të shëndoshë. Mjekja kryesore deklaroi: “Nuk janë fëmijët të marrë, por është i marrë ai që i ka sjellë këtu.”

Atë ditë në Kodër kishte më shumë njerëz se kurrë. Posa fëmijët erdhën në vendin e zakonshëm dhe filluan të luten, Zoja iu dëftua menjëherë. Në atë rast ajo i thirri të gjithë në fe: “Populli le të besojë fort dhe mos të frikësohet nga asgjë!”

Atë ditë edhe mjekja, e cila i përcillte fëmijët dhe i shikonte gjatë kohës së dëftimit, dëshiroi ta prekë Zojën. Dhe, kur sipas udhëzimit të fëmijëve, e preku krahun e saj, ndjeu si një lloj rryme që i përshkoi trupin. Ajo, e cila, përndryshe, është agnostike, vetë e pranoi më vonë me fjalët: “Ka diçka të çuditshme këtu!”

Atë ditë Zoja shëroi në mënyrë të mrekullueshme një fëmijë, Daniel Shetka, të cilin prindërit e kishin sjellë dhe ishin lutur që ta shërojë. Ajo u premtoi këtë me kusht që prindërit të luten, të agjërojnë dhe të besojnë fort. Pa kësaj djaloshi u shërua.

#### *Dita e shtatë*

Më 30 qershor 1981, dy vajza u propozuan vegimtarëve të vegjël që t'i shëtisin me makinë, por në të vërtetë donin që t'i largojnë nga vendi i dëftimit, në mënyrë që mos të gjenden aty në kohën e zakonshme të dëftimit. Mirëpo, edhe pse fëmijët ishin larg nga Podbrdo, në kohën e zakonshme të dëftimit, sipas një ndikimi të brendshëm, kërkuan që të dalin nga makina. Posa dolën dhe u lutën, Zoja u erdhi në takim nga Kodra e dëftimit disa kilometra larg dhe me ta bëri lutjen shtatë Ati Ynë... Kështu mashtrimi i atyre vajzave nuk pati sukses. Jo shumë kohë pas kësaj ndodhie, policia filloi t'i pengonte edhe fëmijët edhe popullin që të shkonte në Podbrdo.

## Dëftimet vazhdojnë

Edhe pse fëmijëve, e, më vonë, edhe popullit, nuk u lejohej që të shkojnë më atje, Zoja u dëftohej edhe më tutje në vende të fshehta, në shtëpitë e tyre dhe në fushë. Fëmijët u trimëruan, flisnin më hapur me Zojën dhe me kënaqësi dëgjonin këshillat e saj, vërejtjet dhe porositë. Kështu vazhdoi deri më 15 janar 1982.

Në ndërkohë, famullitari i te shtegtarët në kishë që të merrnin pjesë në lutjen e rruzares dhe në kremtimin e eukaristisë. Edhe fëmijët vinin dhe fillonin lutjen e rruzares, kurse Zoja u është dëftuar edhe aty disa herë. Edhe vetë famullitari fra Jozo Zovko e pa një herë Zojën në kohën e lutjes së rruzares. Në atë moment e ndërpreu lutjen dhe në mënyrë spontane filloi këngën "E bukur je, Virgjëra Mari". Të gjithë besimtarët vërejtën se me të po ndodh diçka e jashtëzakonshme. Më vonë e vërtetoi edhe vetë se vërtet e kishte parë Zojën. Dhe ai, i cili ishte deri atëherë i jo vetëm dyshues, por edhe kundër zërave për dëftimin, u bë mbrojtës i tyre, që, më vonë, e dëshmoi edhe para gjyqit e më në fund edhe me burg.

Që nga 15 janari 1982, fëmijët e shohin Zojën në një kthinë anësore të kishës së famullisë. Këtë mundësi ua krijoi famullitari për shkak të vështirësive dhe rreziqeve që u paraqitën, pasi që këtë paraprakisht e kishte miratuar Zoja. Që nga prilli 1985, me kërkesën e ipeshkvit të dioqezës, fëmijët e ndërruan kthinën anësore të kishës së famullisë me një dhomë të vogël në qelën e famullisë. Gjatë gjithë kësaj kohe, që nga fillimi i dëftimeve e deri më sot, janë vetëm pesë ditë kur askush nga fëmijët nuk e ka parë Zojën.

Zoja nuk dëftohej gjithmonë në të njëjtin vend, as në të njëjtën bashkësi, as vetëm individëve, dhe dëftimet e saj nuk kanë zgjatur gjithmonë njësoj. Nganjëherë paraqitej vetëm dy minuta, nganjëherë për një orë të tërë. Po ashtu, Zoja nuk është dëftuar gjithnjë sipas dëshirës së fëmijëve. Nganjëherë nuk u lajmërohej fare. Nganjëherë fëmijët luteshin dhe prisnin, por Zoja nuk lajmërohej në atë çast, por më vonë, dhe kjo ndodhte papritur dhe pa paralajmërim. Disa herë u paraqitej disave e jo të tjerëve. Nëse paraprakisht nuk kishte premtuar se do të dëftohej në kohë të caktuar, askush nuk mund të prognozonte se a do të dëftohej dhe kur do ta bënte këtë. Nuk u është shfaqur vetëm vegimtarëve të cekur, por edhe njerëzve të tjerë nga më të ndryshmit për nga madhësia, mosha, arsimimi, rasa dhe profesioni. E gjithë kjo flet se dëftimet nuk janë nën regjinë njerëzore, nuk varen nga koha, nga vendi, nga dëshira, as nga lutja e vegimtarëve dhe popullit, por nga vullneti i asaj që dëftohet.

# POROSITË

## Porositë e përgjithshme

Sipas dëshmisë së njëzëshme të vegimtarëve, me rastin e dëftimit, Zoja ka sjellë disa porosi të caktuara, të cilat ata do t'ua përcillnin njerëzve. Edhe pse këso porosish kishte shumë, pesë ishin kryesoret, sepse të gjitha i nënkuptojnë, kërkojnë ose promovojnë pikërisht ato të pestat.

### *Paqa*

Që në ditën e tretë Zoja ka paraqitur më të parën prej porosive të saj: “Paqe, paqe, paqe – dhe vetëm paqe!”, dhe së bashku me këtë porosi, dy herë ka përsëritur: “Paqja duhet të mbretërojë në mes të njeriut dhe Zotit, por edhe në mes të njerëzve!” Pasi që vegimtarja Maria e ka parë kryqin pas Zojës, derisa ajo e thoshte porosinë, është e qartë se ajo paqe vjen vetëm prej Zotit, i cili nëpërmes Zojës në Krishtin është bërë “paqja jonë” (Ef. 2, 14) Atë paqe “bota nuk mund ta japë” (Gjn. 14,27), prandaj Krishti u ka urdhëruar apostujve që ata t’ia përcjellin botës (krah. Mt. 10,11 etj)ashtu që të gjithë njerëzit të bëhen “bijtë e paqës” (Lk. 10, 6). Prandaj, edhe Zoja si “Mbretëreshë e apostujve”, në Megjugorje prezantohet si “Mbretëreshë e paqes”. Askush tjetër nuk e di sikur ajo dhe nuk mundet më mirë dhe më me sukses ta bindë botën e sotme, që është e ballafaquar me kërcënime, se paqja është e mira më e madhe dhe më e nevojshme për të.

### *Feja*

Porosia e dytë e Zojës është feja. Zoja e paraqet që në ditën e katërt, të pestë dhe të gjashtë të dëftimit, përndryshe e përsërit shpesh, që është e kuptueshme. Në të vërtetë, pa fe është e pamundur të arrihet paqja. Pra, feja është në vetvete përgjigje në fjalën e Zotit, në të cilën jo vetëm dëftohet Zoti, por edhe u dhurohet atyre. Në fe njeriu pranon fjalën e Zotit, e cila në Krishtin është bërë “paqja jonë” (Ef 2,14). Duke e pranuar, njeriu bëhet njeri i ri me jetën e Krishtit në vete dhe pjesëtarë i natyrës njerëzore (krah. Pt 1,4; Ef 2,18). Me këtë njeriut i sigurohet paqja me Zotin dhe me njerëzit.

Përsëri askush si Zoja nuk e njeh vlerën e fesë dhe sa është ajo e nevojshme për njeriun e sotëm. Prandaj, ua thekson vegimtarëve në çdo rast dhe i obligon që t’ua përcjellin të tjerëve. Ajo e paraqet para çdo gjëje që kërkojnë njerëzit dhe e vendos si kusht për plotësimin e të gjitha lutjeve, dëshirave dhe kërkesave, që kanë të bëjnë me shëndetin apo me çfarëdo nevojash të tjera njerëzore.

### *Kthimi*

Kthimi është, gjithashtu, porosi e shpeshtë e Zojës, duke marrë parasysh mungesën e fesë apo fenë e dobët tek njerëzit e së sotmes. Kurse pa të nuk është e mundur të arrihet paqja. Kthimi i vërtetë është “larja e fajeve të zemrës” (Jer 4,14), sepse zemra e prishur krijon dhe mbështet marrëdhënie të këqia dhe sisteme shoqërore, ligje të padrejta e struktura skllavërie. Pa ndryshime rrënjësore në zemër dhe kthim, nuk ka paqe. Prandaj, Zoja tërë kohën kërkon rrëfimin e sheshtë. Kërkesa u drejtohet të gjithë njerëzve pa dallim, “Nuk ka njeri të drejtë, as vetëm një...Të gjithë e lanë rrugën, së bashku u prishën” (Rom 3, 11-12).

### *Lutja*

Duke filluar nga dita e parë e dëftimeve, Zoja, pothuajse për çdo ditë porosit lutjen. Ajo kërkon

prej të gjithë njerëzve që të luten pa pra, pikërisht ashtu si ka kërkuar edhe Krishti (krah. Mk 9,29; Mt 8,38; Lk 11, 5-13...) Në të vërtetë, lutja ose të jep zemër ose të forcon fenë e njeriut, pa të cilën nuk ka raport të drejtë as me Zotin as me njerëzit tjerë. Pos kësaj, me lutje njeriu shfaq lidhjen jetësore të tij me Zotin: e njeh, e falënderon për dhuratat e pranuar dhe me besim pret prej tij edhe gjërat tjera që i duhen, e sidomos shpëtimin. Lutja e forcon këtë qëndrim në njeriun, dhe i ndihmon që të ketë raporte të drejta me Zotin, pa të cilat është e pamundur që të ruhet dhe të promovohet paqja as me të as me njerëzit.

Përligjja e lutjes, shihet sidomos në faktin se Fjala e Zotit i është drejtuar njeriut dhe nga nevoja që njeriu në të përgjigjet me fjalë. Përgjigje është feja me fjalë apo lutja, në të cilën feja, në të njëjtën kohë, të jep zemër, të përtërin, të forcon dhe të ndihmon ta mbështetësh vetveten. Pos kësaj, me lutje njeriu shpall Zotin dhe ungjillin dhe ndez fenë në të tjerët.

Fjala e lutjes, njëkohësisht, pastron njeriun dhe e formëson jetën e tij.

### *Agjërimi*

Që nga dita e gjashtë e dëftimeve, Zoja shpesh porosit agjërimin, sepse ai qëndron në shërbim të fesë. Në të vërtetë, njeriu kontrollon, vërteton dhe siguron pushtetin mbi vetveten. Vetëm njeriu, i cili sundon vetveten, mund të jetë i lirë dhe i aftë që veten t'ia lërë në dorë Zotit dhe të afërmit, ashtu si e kërkon feja. Agjërimi i garanton njeriut se dorëzimi i tij në fe është i sigurt dhe i sigurt. Ai ndihmon që të lirohet nga çdo robëri, para së gjithash nga mëkati. Ai që nuk është i vetvetes, ai është rob. Pastaj agjërimi i ndihmon njeriut në frenimin e dëshirës për kënaqësitë e tepruara, të cilat lehtë të çojnë në harxhimin e paarsyeshëm të të mirave kohore, të cilat përndryshe, u janë të nevojshme të tjerëve për mbijetesë.

Me agjërim ndahen të mirat, me të cilat mund të realizohet dashuria ndaj të varfërve dhe të mjerëve dhe ashtu, së paku, deri diku të zbutet dallimi në mes tyre dhe të pasurve. Ai shëron mungesën të njëra palë me tepicë e të tjetra me mungesë. Kështu, në njëfarë mënyre vendoset një formë e paqes, e cila është e rrezikuar sot, në mënyrë të veçantë me dallimet shumë të mëdha në mes të të pasurve dhe të varfërve (veriu dhe jugu).

Së këndejmi, prej porosive të Zojës del qartë se paqja është e mira më e madhe, kurse feja, kthimi, lutja dhe agjërimi janë kushtet e vetme, me të cilat ajo mund të arrihet.

### **Porositë e veçanta**

Së bashku me pesë porositë kryesore, do të thoshim, të cilat Zoja ia ka dhënë menjëherë në fillim mbarë botës, ajo filloi që nga 1 marsi 1984, çdo të enjte, kryesisht nëpërmjet të Maria Pavloviqit, të japë porosi të veçanta për famullinë e Megjugorjes dhe për shtegtarët që vinin në Megjugorje. Në të vërtetë, Zoja, përveç gjashtë vegimtarëve, i ka zgjedhur mbarë famullinë dhe shtegtarët për dëshmitarë e dhe bashkëpunëtorë të saj. Kjo është bërë e dukshme në porosinë e parë që ua ka drejtuar duke thënë: “Unë e kam zgjedhur këtë famulli në mënyrë të veçantë dhe dëshiroj ta udhëheq.” Këtë gjë e ka vërtetuar edhe një herë më vonë: “Në mënyrë të veçantë, e kam zgjedhur këtë famulli, të cilën e kam më të dashur se të tjerat, ku kam qenë me dëshirë, kur më ka dërguar i Tejetlarti.” (21 mars 1985.). Zoja ka dhënë edhe arsyen e kësaj zgjedhjeje: “kthehuni ju të famullisë. Kjo është dëshira ime e dytë. Kështu do të kenë mundësi të kthehen të gjithë ata që do të vijnë këtu.” (8 mars 1984). “Ju lutem, sidomos juve të kësaj famullie, që të jetoni sipas porosive të mia.” (16 gusht 1984.). Së pari, anëtarët e famullisë dhe shtegtarët duhet të bëhen dëshmitarët e dëftimit dhe të porosive të saj, që, së bashku me vegimtarët, të bashkohen



në realizimin e planit të saj për kthimin dhe pajtimin e botës me Zotin. Zoja i njuh mirë dobësitë e anëtarëve të famullisë dhe të shtegtarëve, me të cilët dëshiron të bashkëpunojë për shpëtimin e botës, dhe është e vetëdijshme se për këtë gjë është e nevojshme fuqia mbinatyrore. Prandaj, i drejton dhe ju prin në burimin e asaj fuqie. Në radhë të parë, kjo është lutja. Atë e porosit ngrohtësisht pothuajse në secilën vërejtje. Në mesin e lutjeve veçanërisht e vë në dukje meshën shenjte (7 mars 1985, 11 prill 1985), devotshmërinë e pandërprerë sakramentit të Tejetshenjtë të altarit (15 mars 1984), Shpirtit të Shenjtë (2 qershor 1984, 9 qershor 1984, 11 prill 1985, 9 maj 1985, 16 maj 1985, 23 maj 1985...) dhe leximin e Shkrimit Shenjt (8 tetor 1984, 14 shkurt 1985). Me këto porosi të veçanta, për famillinë e Megjugorjes dhe për shtegtarët, Zoja dëshiron që t'i thellojë, t'i sqarojë dhe t'i bëjë të pranueshme për të tjerët porositë e para që në fillim, të cilat ia ka drejtuar mbarë botës.

Që nga 25 janari 1987 Zoja jep porositë e saj çdo të 25 të muajit, nëpërmes të vegimtares Maria Pavllloviq. Kjo vazhdon edhe sot.

fra Ludevrit Rupçiq

## VEGIMTARËT SOT

*Mirjana Dragiçeviq-Soldo*

*U lind më 1965. Ka pasur dëftime të përditshme deri më 25 dhjetor 1982. Ditën e fundit të dëftimit, Zoja i ka thënë se gjatë tërë jetës do të ketë dëftime një herë në vit- në ditëlindjen e saj më 18 mars. Që nga 2 gushti 1987 me datën 2 të çdo muaji dëgjon në vete zërin e Zojës, kurse nganjëherë edhe e sheh, dhe lutet me të për ata që nuk besojnë.*

*Vicka Ivankoviq*

*U lind më 1964. Ka dëftime të përditshme edhe tash.*

*Jakov Çolo*

*U lind më 1971*

*Ka pasur dëftime të përditshme deri më 12 shtator 1998, kur Zoja i ka thënë se do t'i dëftohet tërë jetën me rastin e Krishtlindjes.*

*Marija Pavllloviq-Lunetti*

*U lind më 1965. Ka dëftime të përditshme edhe sot. Nëpërmes saj Zoja drejton porosinë e vet mujore, famullisë dhe botës, më 25 të çdo muaji.*

*Ivanka Ivankoviq-Elez*

*U lind më 1966. Dëftime të përditshme ka pasur deri më 7 maj 1985. Atë ditë Zoja ia ka besuar fshehtësinë e dhjetë dhe i ka thënë se gjatë jetës së saj do të ketë dëftime një herë në vit, në përvjetorin e dëftimeve më 25 qershor.*

*Ivan Dragiqeviq*

*U lind më 1965. Edhe tash ka dëftime të përditshme.*

**Takimi i fundit i rregullt me Zojën  
i vegimtares Mirjana Dragiçeviq  
në Krishtlindjen e vitit 1982.**

Takimi im i fundit i rregullt me Zojën, ndodhi për Krishtlindje më 25 dhjetor 1982. Me atë rast Zoja ishte me mua për 45 minuta. Zoja më përgatiti një muaj për këtë takim. Në mënyrë amënore m'i sqaroi të gjitha. Më tha se e kisha kryer atë për çka i jam dashur. Më tha se jam mjaft e vetëdijshme, se duhet të kuptoj që duhet t'i kthehem jetës së përditshme normale, si edhe moshataret e mia. Duhet të vazhdoj të jetoj pa udhëzimet amënore të saj, pas bisedave aq të nevojshme me të. Ajo më premtoi se do të jetë gjithmonë pranë meje, se do të më ndihmojë në situatat më të vështira të jetës. Për sa kohë që do të jetoja me Zotin, ajo do të më ndihmojë. Më tha se kjo është biseda jonë e fundit e rregullt, por më la një dhuratë: se do ta shoh për ditëlindje deri sa të jem gjallë.

Ky takim i fundit me Zojën ishte i vështirë për mua. Është e pamundur që me fjalë të përshkruhet ajo dhembje që ndjeva në shpirt, se nuk do të kem më vegime të rregullta. Kjo është sikur ta kuptosh, se para do kohe ke fituar gjënë më të bukur në jetë dhe të njëjtën tani e humb. Zoja

dinte për vuajtjen dhe dhembjen time; dhe që të më gëzojë, u lut me mua, kërkoi nga unë që të lutemi dhe të lavdërojmë Zotin. E thashë lutjen që gjithmonë e thosha kur isha vetëm me të,”Të falem Mbretëreshë”.

Gjithmonë i kam në mendje fjalët e Zojës: “Mirjanë, të kam zgjedhur dhe t’i kam thënë të gjitha gjërat e nevojshme. T’i kam thënë edhe shumë gjëra të tmerrshme që duhet t’i bartësh me dinjitet. Mendo për mua dhe për atë se sa lot derdhi për to. Gjithmonë duhet të jesh trimëreshë. Shpejt i kuptove porositë e mia, kështu edhe duhet të kuptosh se mua më duhet të shkoj. Bëhu trimëreshë...!”

Të tjerat që m’i tha Zoja, ishin personalisht për mua.

P. S.: Muajin e parë e kisha vërtet vështirë. Edhe Zoja ma tërhoqi vërejtjen për këtë.

Bija në depresion të rëndë. Ikja prej të gjithave, mbyllesha në dhomën time, ku gjithmonë pritja Zojën. Qaja dhe e thirrja. E ndjeja ndihmën e saj dhe prisja ditëlindjen time...

Që nga 2 gushti 1987, çdo muaj, më 2 të muajit, e dëgjoj në vete zërin e Zojës, e nganjëherë edhe e shoh, dhe, së bashku me të, lutem për ata që nuk besojnë.

*Mirjana Dragičević – Soldo*

## Takimi i fundit i rregullt me Zojën i vegimtares Ivanka Ivanković në Megjugorje më 7 maj 1985.

Në mbrëmjen e 6 majit 1985 kishin vegime: Ivani e Jakovi. Ivankës i zgjati afër 8 minuta – gjashtë minuta më gjatë se të tjerëve. Gjatë këtij vegimi Zoja ia besoi Ivankës fshehtësinë e dhjetë, përfundoi deklaratën për të ardhmen e botës. Zoja i tha që nesër ta presë e vetme, pa vegimtarë tjerë.

Më 7 maj 1985, Ivanka kishte paraqitje në shtëpi. Fra Sllavko Barbariqit i dorëzoi letrën në të cilën shkruante:

“Ashtu si ditët tjera, Zoja erdhi dhe më përshëndeti me : ‘Kjoftë lëvduar Jezusi’, unë u përgjigja me: ‘Gjithmonë, Jezusi dhe Maria!’ Kurrë më të bukur nuk e kam parë Virgjërën e Shenjtë Mari se sa sonte. Ishte aq e butë dhe e bukur! Kishte fustanin më të bukur që kam parë ndonjëherë në jetë. Ai fustan shndriste në argjend e flori. Të tillë ishin velloja dhe kurora. Me të ishin dy engjëj. Kishin të njëjtën veshje si Zoja. Zoja ishte aq e bukur si engjëjt, unë këtë nuk di ta them me fjalë. Kjo duhet vetëm të përjetohet. Zoja më pyeti se çka do të dëshiroja. Unë e luta që ta shoh nënën time tokësore. Zoja buzëqeshi dhe pohoi me kokë. Atëherë aty për aty u duk nëna ime. Ishte e qeshur. Zoja më tha që të ngrihem. Unë u ngrita. Nëna më përqafoi, më puthi dhe tha: “Jam aq krenare për ty!” Nëna më puthi dhe u zhduk. Pastaj, Virgjëra e bekuar Mari më tha : ‘Fëmija im i dashur, sot është takimi ynë i fundit. Mos ji e pikëlluar, sepse do të të vij në çdo përvjetor, përveç këtij. Fëmija im, mos mendo se ke gabuar diku, se për atë shkak nuk paskam për të të ardhur. Jo, nuk ke gabuar! Planet që kishim Biri im dhe unë, ti i ke pranuar dhe kryer me gjithë zemër. Gëzohu, sepse unë jam Nëna jote që të do me gjithë zemër. Ivanka, të falem nderit që i je përgjigjur thirrjes së Birit tim, ke qenë e qëndrueshme dhe gjithmonë ke qëndruar pranë tij, derisa Ai këtë e ka kërkuar prej teje.

Fëmijë, thuaju shokëve të tu se Biri im dhe Unë jemi gjithmonë me ta kur të na kërkojnë dhe thërrasin. Ato që ti kam thënë gjatë këtyre viteve dhe për FSHEHTËSITË, askujt mos ia thuaj, derisa unë të them. Ivanka, huret që keni fituar ti dhe vëllezërit tu, askush nuk i ka fituar deri tani

në botë!”

Pas këtyre fjalëve e kam pyetur Zojën se a mund ta puth? Ajo vetëm pohoi me kokë. E putha. E luta për bekim. Më bekoi, buzëqeshi dhe më tha: ‘Shko në paqen e Zotit!’

U largua ngadalë, me të shkuan edhe dy engjut. E Lumja Virgjër Mari ishte shumë e gëzuar. Qëndroi me mua një orë.”

*Ivanka Ivankoviq – Elez*

### Takimi i fundit i rregullt i vegimtarit Jakov Çolo me Zojën më 12shtator 1998

Nga udhëtimi i tij nëpër Amerikë, vegimtari më i ri i Zojës nga Megjugorja Jakv Çolo, të shtunën më 12 shtator, i ka dërguar Zyrës famullitare në Megjugorje tekstin që pason: “Të premten më 11 shtator, në takimin e rregullt Zoja më ka thënë që me lutje të përgatitem në mënyrë të veçantë për takimin e nesërm, sepse do të ma besojë fshehtësinë e dhjetë. Të shtunën, më 12 shtator, Zoja erdhi në 11 e 15 minuta (sipas kohës lokale). Kur erdhi, më përshëndeti si gjithmonë me ‘Kjoftë levduar Krishti’. Derisa ma besonte fshehtësinë e dhjetë, ishte e pikëlluar. Pastaj me një buzëqeshje të lehtë më tha: ‘Fëmijë i dashur! Unë jam nëna jote dhe të dua pa kushte. Prej sot nuk do të dëftohem çdo ditë, por vetëm në Krishtlindje, në ditën e lindjes së Birit tim. Mos u pikëllo, sepse si nënë unë do të jem gjithmonë me ty, dhe, si çdo nënë e vërtetë, nuk do të të braktis kurrë. Ti edhe më tutje vazhdo të ndjekësh rrugën e Birit tim, rrugën e paqes dhe dashurisë dhe përpiku që të qëndrosh në misionin që ta kam besuar. Bëhu shembull i njeriut, i cili e ka njohur Zotin dhe dashurinë e tij. Le të shohin në ty njerëzit, gjithmonë, se si Zoti ndikon në njerëz dhe se si Zoti vepron nëpërmes tyre. Unë të bekoj me bekimin tim amnor dhe të falënderoj që i je përgjigjur thirrjes sime.’ Dëftimi përfundoi në 11 e 45.”

*Jakov Çolo*

## AGJËRIMI – ARSYET DHE EFEKTET

Le ta provojmë në këtë artikull të shkurtë të mendojmë së bashku për agjërimin. Është fakt se vegimtarët në emër të Zojës na kanë përcjellë thirrjen për agjërim. Së pari ishte thirrja që të agjërohet një ditë, të premten, kurse më vonë, më 14 gusht 1984, erdhi porosia që të agjërohet dy ditë në javë. Sipas vegimtarëve, agjërimi ideal do t' ishte ai që të jetohet dy ditë në javë vetëm me bukë dhe ujë, të mërkurën dhe të premten.

### *Thirrja e Mbretëreshës së profetëve*

Nuk duhet që këtu t'i sjellim të gjitha arsyet biblike që ta kuptojmë atë thirrje. Ne e dimë mirë se të gjithë profetët e vërtetë kanë folur në emër të Zotit. Kanë folur në kohëra të ndryshme, por me të njëjtën detyrë: që populli të kthehet te Zoti. Mjetet kryesore, të cilat i kanë porositur, kanë qenë pikërisht agjërimi dhe lutja. Rruga gjithmonë ka qenë ajo e kthimit, dmth. Kthimi te Zoti dhe, me anë të këtij kthimi ose dalja nga situatat e rrezikshme ose ruajtja prej tyre. Nëse këtë gjë në mënyrë të guximshme e kanë bërë profetët në emër të Zotit, duke premtuar pas përgjigjes së popullit PAQEN dhe SHPËTIMIN, atëherë e kuptojmë se MBRETËRESHA E PROFETËVE e bën këtë në mënyrë të veçantë dhe duhet ta bëjë. Mund të supozojmë me të drejtë, se edhe Ajo vetë, qoftë si bijë besnike e Izraelit, qoftë si pjesëtare e kishës (më vonë), ka agjëruar dy ditë në javë. Si hebreje, Maria ka agjëruar të hënën dhe të enjten, kurse si e krishterë ka agjëruar të mërkurën dhe të premten. Dhe nëse ajo është jo vetëm Mbretëreshë e profetëve, por edhe Nëna e Kishës, atëherë është e kuptueshme që në mes nesh dëshiron t'i ripërtërijë mjetet, nëpërmes të të cilave ose mund të dalim nga situatat e rrezikshme ose të ruhemi prej tyre.

Rregullat e Kishës e kanë reduktuar agjërimin në një masë çuditërisht të vogël. Kërkoet agjërim vetëm në të mërkurën edhe të Premten e Madhe. Ndoshta nuk është problem pse nuk agjërohet, por pse kuptimi i agjërimin ka humbur gati krejtësisht.

Edhe Jezusi ka agjëruar dhe i ka dhënë rëndësi të madhe agjërimit. Një herë ka thënë se ka shpirtra të këqij, të cilët mund të dëbohen vetëm me lutje dhe agjërim, dmth. vetëm me lutje dhe agjërim njerëzit mund të lirohen.

### *Buka dhe uji*

Buka është ushqimi kryesor i njeriut, së këndejmi edhe simbol i jetës. Uji është, po ashtu, i pazëvendësueshëm në jetën e njeriut. Sidomos vlen si shenjë e pastrimit shpirtëror. Në këto dy realitete dhe shenja, qëndron porosia: kthehuni jetës dhe jetoni, dilni nga papastërtitë tuaja dhe pastrohuni.

E thënë në mënyrë të thjeshtë, jemi të thirrur që me vetëdije të plotë të jetojmë dy ditë në javë vetëm me bukë dhe ujë. Ky është agjërim ideal. Mirëpo, kush mund ta kuptojë dhe të jetojë pikë për pikë kështu, me siguri i bën mirë shpirtit edhe trupit, por megjithatë duhet të merret parasysh edhe jeta jonë e përditshme, problemet dhe vështirësitë. Prandaj, nëse merret çaji në vend të ujit, ose nëse pihet kafja në ditët e agjërimit, nuk duhet të pyetemi me ankth, a bën dhe a guxojmë. Përndryshe, në këtë thirrje secili duhet të përgjigjet në liri dhe përgjegjësi të plotë.

### *Të lumët ata që ndiejnë nevojë për Zotin*

Ne, të krishterët e sotëm, e dimë kërkesën e Jezusit që të lutemi gjithmonë, pa ndërpre. Në anën tjetër, janë të përditshme arsyetimet se nuk ka kohë për lutje, se jeta është e tillë dhe nuk mund të lutemi etj.

Mirëpo, bërthama e problemit nuk qëndron në faktin se a kemi apo nuk kemi kohë për lutje, por

a e ndiejmë nevojën apo jo për lutje, dmth. për takim me Zotin. Sa më shumë që të kemi dhe sa më shumë që të dëshirojmë të kemi, aq më pak ka hapësirë dhe kohë për lutje. Kështu përherë e më shumë bëhemi ateistë të vërtetë, të cilët kënaqen kur kanë sa më shumë dhe më mirë të hanë e të pinë dhe të cilët janë të bindur se të gjitha problemet mund t'i zgjidhin vetë. Këso lloj sjelljesh dhe bindjesh përjashtojnë mundësinë dhe nevojën e lutjes, përveç, ndoshta, në rastet kur asnjë nga njerëzit dhe as teknika e krijuar prej tyre, nuk mund të na ndihmojnë.

Agjërimi, megjithatë, ka një efekt të veçantë: duke agjëruar, përherë e më mirë e ndiejmë të vërtetën personale dhe të vërtetën e të gjitha gjërave. Njeriu e kupton, përherë e më mirë, se nuk i mjafton vetvetes, se as mbarë bota nuk mund t'i kënaqë dëshirat më të thella të zemrës së tij. Kështu hapet rruga e ndjenjës së re dhe e një bindjeje të re e të thellë, se njeriut i duhet Zoti. Prandaj, ajo lumturia e parë: Të lumët të varfrit në shpirt, sepse e tyre është Mbretëria e qiellit, mund të përkthehet: të lumët ata që kanë nevojë për Zotin. Njeriu, i bindur se i mjafton vetes, se asgjë më shumë dhe asgjë më e lartë nuk i duhet, nuk është "i varfër" para Zotit, dmth. jeton me bindjen se Zoti nuk i duhet. Këtu qëndron problemi i lutjes. Por, duke agjëruar, nga pak "zërthehet" ajo bindje dhe njeriu bëhet më i hapur për lutjen, gjegjësisht për takim me Zotin.

Nga kjo që u tha, mund të përfundohet se kemi shumë nevojë për agjërim që të kemi mundësi të rritemi në lutje përgjithësisht, e, sidomos, tek lutjen me zemër. Gjithsesi, më lehtë mund të agjërojmë nëse lutemi dhe më lehtë lutemi nëse agjërojmë.

Është e njohur fjala e urtë, se barku plot nuk mëson gjë. Nuk e kundërshtojmë kuptimin e kësaj fjale nëse ndryshohet pak dhe thuhet: me barku plot as nuk lutet.

Nevoja për lutje nuk është kundër dinjitetit të njeriut. Përkundrazi, ajo e vërteton dinjitetin e tij. Njeriu është i krijuar për Zotin. Edhe Zoti është këtu për shkak të njeriut. Vetëm kur janë bashkë, "ndjehen mirë".

Nëse zemra jonë para Zotit varfërohet, atëherë më lehtë e dëgjon fjalën, më lehtë e bën kontaktin, më gëzueshëm e realizon takimin.

### *Agjërimi dhe eukaristia*

Edhe pse e dimë se kungimi i parë ka qenë në Darkën e Mbrame, fill pasi që kanë ngrënë, nuk është aspak e habitshme pse gjithmonë në Kishë kërkohet agjërimi para kungimit. Tani është një orë para kungimit, për të sëmurë edhe më pak. Në kohët e shkuara, siç thonë të vjetrit, agjërohej prej mesnatës deri në kungim. Në traditën e Kishës ortodokse kërkohet agjërim gjashtë ditë, dmth. tërë javën. Në anën tjetër, e dimë se e Enjtja është dita e eukaristisë në mënyrë të veçantë. Është, po ashtu, dita e meshtarisë. Megjithatë, ndoshta nuk është e rastësishme pse kërkohet agjërim të mërkurën dhe të premtën si përgatitje për ditën e eukaristisë dhe si falënderim dhe përpjekje të të jetuarit më të thellë me bukën eukaristike. Gjithsesi, është interesant, se në gjuhën kelte, e cila edhe sot flitet në Irlandë, në Skotlandë dhe në disa nga ujdhesat e tyre, tri ditë në javë quhen sipas eukaristisë.

E përkthyer fjalë për fjalë, e mërkura është dita e agjërimit të vogël, e enjtja është dita në mes të agjëtimeve, kurse e premtja është ditë e madhe e agjërimit. Kjo është shenjë e agjërimit të dikurshëm, i cili ka qenë aq i rrënjosur në popull, sa që edhe ditët e javës janë emërtuar sipas tij. Thirrja në agjërim nga Megjugorja nuk ka tjetër qëllim, përveç që më mirë ta zbulojmë eukaristinë, që ta zbulojmë dhe përjetojmë më thellë takimin me Jezu Krishtin, në meshë.

Nëse lutja jonë thellohet me lutje, edhe takimi eukaristik do të jetë më i frytshëm. Prandaj, është e kuptueshme pse kërkohet agjërimi me bukë, ose më mirë, jeta me bukën e përditshme që të zbulojmë më mirë bukën qiellore. Kjo është edhe mënyra e edukimit, me të cilën edhe Jezusi i ka edukuar apostujt e vet. Së pari ka bërë mrekullinë e bukëve, ka folur për bukën që ka zbritur prej

qiellit, e pastaj e ka thënë shumë qartë se ajo bukë është trupi i tij për ne.

### *Të jesh shtegtar*

Është shumë e rëndësishme që të mendojmë edhe për efektin e mundshëm të agjërimit që do ta përmendim tani. Me agjërim zemra jonë bëhet më e pastër; më lehtë i vërejmë gjërat, më lehtë e zbulojmë dhe e gjejmë rrugën tonë. Më mirë shohim çka kemi dhe çka duhet e çka nuk duhet. Lirohemi nga presioni i brendshëm se u dashka të kemi më shumë, duke harruar atë që tanimë e kemi.

Shumë njerëz në botë, sot do të ishin tejet të lumtur sikur të kishin, së paku, kulm mbi krye dhe pak bukë për çdo ditë. Me agjërim njeriu i sheh më mirë gjërat kryesore në jetë. Prandaj, është i rëndësishëm në rrugën e pajtimit, në rrugën e rritjes së dashurisë ndaj Zotit dhe ndaj të afërmit. Dhe nëse do të takohemi me njerëz të tjerë, si ata që takohen në rrugë, si kërkues të Zotit, nuk do të kemi kohë për konflikte, për urrejtje dhe për lufta. Do të jemi të lirë, që, në liri, t'i takojmë të tjerët. Shumë të krishterë janë si të mbërthyer për këtë botë dhe nuk lëvizin, grinden dhe shkatërrohen për gjëra të vogla, dhe i humbin të mëdhatë. Shtegtari nuk mund t'ia lejojë vetes këtë, sepse është i vetëdijshëm se është kalimtar në këtë tokë.

Duke u rritur në njohjen e të rëndësishmes dhe të të parëndësishmes, na hapet zemra për nevojtarët dhe mund të flasim për të arriturat shoqërore të agjërimit. I njoh më lehtë nevojat shpirtërore dhe trupore të vëllaut tim, nëse vetë nuk jam i preokupuar me dëshirën që vetëm unë të kem, dhe me bindjen se kurrë nuk kam mjaft.

### *Agjërimi dhe shëndeti*

Shumë të rinj pyesin: ç'është me mua? A mundem dhe a duhet të agjëroj? E thënë shkurt, çdo njeri mund të agjërojë. Të sëmurët, në marrëveshje me mjekun ose kujdestarin, mund të gjejnë për vete mënyra të përshtatshme agjërimi. Ka sëmurje madje që shërohen me agjërim.

Në bisedë me mjekët, të cilët përveç mjekësisë shkollore, si metodë shërimi merren edhe me metoda të tjeram, si homeoterapia, kam mësuar se agjërimi është shumë i dobishëm, para së gjithash, si parandalim i çdo sëmurjeje. Kurse, pastaj, ashtu si lejon sëmurja edhe si mjet shërimi...

Veçanërisht, në këtë kuptim porositet jeta me bukë.

### *Agjërimi me zemër*

Në porosi hasim në nxitje që të agjërojmë me zemër. Kjo nuk është asgjë tjetër, veç se ajo që e ka thënë Jezusi që të mos agjërohet vetëm për shkak të agjërimit! Ai i ka gjykuar ata, të cilët janë lutur dhe kanë agjëruar, kurse në jetë nuk kanë ndërruar asgjë. Ose, për shkak të kësaj kanë konsideruar se kanë të drejtë të thonë për vete se janë më të mirë se të tjerët.

Agjërimi me zemër, pra, do të thotë, rritja në dashuri ndaj Zotit dhe të afërmit, por gjithsesi edhe ndaj vetvetes.

Kjo gjithashtu do të thotë rritja në përvujtëri para Zotit dhe në marrëdhënie me të tjerët, dhe për fjalën e Zotit, e cila me agjërim më lehtë fiton hapësirë në zemrën tonë.

Gjithsesi, thirrja në agjërim pikërisht në kohën e sotme është shumë e rëndësishme, dhe shumë më e rëndësishme është që të marrim guximin dhe të fillojmë të agjërojmë.

*Fra Sllavko Barbariq*

# LËVIZJA SHTEGTARE NË MEGJUGORJE

## Nga terri në dritë

Me kremtimin eukaristik në kodrën Krizhevac, në mëngjesin e 6 gushtit 1996, përfundoi Takimi i shtatë ndërkombëtar i lutjes së të rinjve me temën “Nga terri në dritë”. Morën pjesë mbi 6000 të rinj nga të gjitha kontinentet. Sidomos kishte shumë çekë që erdhën me 30 autobusë, sllovakët me 20 autobusë, numër i madh ukrainasish, rumunësh, bullgarësh, dhe grupe nga Libani, si dhe nga larg, nga Kepi i Shpresës së Mirë.

Fillimisht ligjëratën e mbajti motra Elvira, themeluese e nja tridhjetë bashkësish për shërimin e vartësve nga droga. Pasuan ligjëratat: “Drita që ofrohet” me procesion eukaristik të dritës në natë nëpër famullinë Megjugorje, “Takimi me dritën” në sakramentin e rrëfimit, “Bëhuni dritë” me dëgjimin e fjalës së Zotit, si dhe ligjëratat përmbyllëse “Maria, Nëna e Dritës”. Vartësit e bashkësisë së Megjugorjes “Cenakollo” shfaqën veprën skenike “Nga terri në dritë”, në të cilën treguan rrugën e vet të kërkimit të të vërtetës dhe dritës. Në një mbrëmje, pjesëtarët e popujve të ndryshëm, kënduan këngë për nder të Zojës, secili në gjuhën e vet. Për çdo ditë ishte lutja e përbashkët nga ora 9 deri në 10 dhe nga 12 deri në 12 e 30 minuta. Në mbrëmje, nga ora 18 deri në 21, lutej rruzarja dhe kremtohej eukaristia sipas programit të përbashkët të mbrëmjes. Gjatë tërë kohës krijohesh mundësia e adhurimit të eukaristisë. Pasi që kaluan një javë në shoqërim intensiv në lutje dhe në këngë, të rinjtë u shpërndanë nga Krizhevac nëpër botë, duke bartur porosinë mbi “Diellin që nëpërmes meje po lind në botë”.

## Vendi i tubimit

Janë tri vende të favorizuara të tubimit të shtegtarëve në Megjugorje:

### *Kodra e dëftimit*

Kështu quhet tani vendi mbi fshatin Podbërdo në Bijakoviqi, ku vegimtarët e kanë parë në fillim Zojën. Kjo ndodhi nga fundi i qershorit të vitit 1981. Qysh atëherë në atë vend tubohen shtegtarët për të lutur rruzaren. Ditën dhe natën mund të takohen grupe shtegtarësh, duke u ngjitur në kodrën e dëftimit të parë. Vetë vendi është i shënuar me një grumbull gurësh me kryqin e padukshëm, të ngulur. Në shtegun hyrës janë vendosur në vitin 1989, reliefët e shenjave të gëzimit dhe të mundimit të rruzares, veprë e prof. Carmelo Puzzola nga Firenca.

### *Krizhevac*

Krizhevac është një kodër mbi Megjugorje. Në vitin 1934, në atë vend, banorët e Megjugorjes, në kujtim të 1900-vjetorit të vdekjes së Jezusit, kanë ngritur Kryqin e betonit, të lartë tetë metra. Grupe besimtarësh dhe individë bëjnë devotshmërinë e udhës së Kryqit në atë vend, duke shkuar nga ndalesa në ndalesë. Në vitet e para, ndalesat ishin të shënuara me kryq të drunjtë. Në vitin 1988, pranë këtyre kryqeve, janë vendosur reliefët e bronzit – ndalesat e udhës së Kryqit, veprë e skulptorit italian Carmelo Puzzola. Krizhevac u shndërrua në një vend të favorizuar të nderimit të



mundimit të Krishtit dhe është bërë Kalvari i shenjtërores së Megjugorjes.

### *Kisha e famullisë*

Kisha e famullisë dhe hapësira rreth kishës, është vendi i kremtimit të eukaristisë dhe I jetës sakramentale. Kisha e vjetër e famullisë, e ndërtuar nga fundi i shekullit 19, u rrënuar nga tërmeti. Kisha e re u përfundua në vitin 1969. Kisha, ashtu si edhe famullia, i është kushtuar Shën Jakobit, të vjetrit, apostullit dhe mbrojtësit të shtegtarëve. Pranë kishës, në vitin 1991, është ngritur altari për kremtim të jashtëm, së bashku me njëzet rrëfyestore. Është ndërtuar edhe kapela për adhurimin eukaristik me kthinat për ligjërata dhe për biseda shpirtërore. Janë ngritur edhe dy tenda për kremtime rasti. Ndihet nevojë e madhe për hapësira të reja sakrale.

### **Koha e tubimit**

Mund të flitet për tubimin ditor, javor dhe vjetor të shtegtarëve. Gjatë ditës, shtegtarët në Megjugorje tubohen për kremtime eukaristike nacionale.

#### *Në gjuhën kroate*

Ditëve të punës në ora 7,30

Të shtunden në ora 7,30 dhe 13,00

Të dielen në ora 8,00 dhe 11,00

#### *Vendet e lindjes*

Ditëve të punës në ora 8,00

Të dielen në ora 7,00

#### *Në gjuhën gjermane*

Në ora 9,00 ditëve të punës dhe të dielën

#### *Në gjuhën angleze*

Në ora 10,00 ditëve të punës

Në ora 12,00 të dielën

#### *Në gjuhën italiane*

Në ora 11,00 ditëve të punës

Në ora 10,00 të dielën

#### *Në gjuhën frënge*

Në ora 12,00 ditëve të punës

Në ora 13,00 të dielën

*Popujt tjerë kremtojnë eukaristinë me marrëveshje.*

Tubimi i shtegtarëve në mbrëmje gjatë dimrit fillon në ora 17, kurse verës në ora 18, me lutjen e

shenjave të gëzimit dhe të mundimit, si përgatitje për kremtimin eukaristik që fillon në ora 18 (19) dhe vazhdon me falënderime dhe meshenjat e lumturisë deri në ora 20 (21).

Ka mundësi të ketë meshë edhe në tjetër kohë, në marrëveshje me personelin e zyrës famullitare.

Si tubime të përbashkëta javore mund të përmenden:

\* Lutja e rruzares në kodrën e dëftimit të dielën në ora 14,00 (verës në 16,00)

\* Lutja e Udhës së Kryqit në Krzhevac të premten në ora 14,00 (16,00)

\* Adhurimi i Jezusit në sakramentin Tejet të shenjtë të altarit të mërkurën dhe të shtunën në ora 21,00 (22,00)

\* Adhurimi eukaristik të enjten si falënderim pas meshës së mbrëmjes

Tubime më të mëdha vjetore janë:

\* Në festat e mëdha të Zojës si psh. Zoja Nunciatë, Zoja e Madhe, Zoja e Vogël;

\* Në festat e mëdha të Zotërisë si psh. Krishtlindja, Viti i ri, Pashkët, Rëshajët;

\* Tubimet janë më të shumta në muajin maj dhe tetor

\* Tubimi më i madh vjetor është me rastin e përvjetorit të dëftimit (25 qershor) dhe Ngritjen e Kryqit të shenjtë (Java e parë pas Zojës së Vogël)

Kurse si tubime të jashtëzakonshme vjetore mund të radhiten

\* Pritja alternative e Vitit të Ri

\* Shëtitja ndërkombëtare e paqes nga Humac në Megjugorje më 24 qershor;

\* Takimi ndërkombëtar i meshtarëve prej 30 qershor deri më 6 korrik;

\* Takimi ndërkombëtar i të rinjve prej 31 korrik deri më 6 gusht.

### *Përmbajtja e kulteve të tubimeve*

Në Megjugorje nuk ndodh, në dukje, asgjë e jashtëzakonshme. Çdo gjë është si në vendet tjera të shtegtitimit. Kremtohet mesha (a), Shtegtarët i qasen sakramentit të pendimit (b), lutet rruzarja (c) dhe udha e Kryqit (d), lutet për të sëmurët (e). Megjithatë, është e ndryshme mënyra e kremtimit. Ajo që ndikon në gjendjen shpirtërore të shtegtarit, nuk është qëndron në rrjedhën e jashtme të ceremonisë, por në anën shpirtërore që i përshkon.

a) Kremtimi eukaristik i mbrëmjes është në thelbin e tubimit të përditshëm të të gjithë shtegtarëve të Megjugorjes. I prin lutja e përbashkët e shenjave të gëzimit dhe të mundimit të rruzares, kurse e përcjellin shenjat e lumturisë. Mesha kremtohet sipas kalendarit liturgjik dhe Mesharit Romak. Ungjilli lexohet në gjuhët e bashkësive që marrin pjesë në atë kremtim. Predikimi është rregullisht ai i ungjillit ditor i përditshmërisë në kroatishte, nganjëherë i përmbledhur në ndonjë gjuhë botërore. Një pjesë e lutjes eukaristike bëhet në latinisht. Shpesh këndohet koral latin. Kungimi i shenjtë ndahet sipas dëshirës së besimtarit në gojë ose në dorë. Menjëherë pas meshës lutet në gjuhë Besojma dhe shtatë Ati ynë, Të falemi Mari dhe Lavdi Atit, pason bekimi i gjërave, lutja për të sëmurë dhe shenjat e lumturisë së rruzares. Së bashku me kremtimin e përbashkët eukaristik të mbrëmjes, grupet e veçanta gjuhësore kremtojnë meshën e shenjtë me këngë dhe homeli në gjuhën e tyre nacionale.

Nga viti në vit, përherë e më shumë, zhvillohet adhurimi i përbashkët dhe individual i Jezusit në sakramentin e Tejetshenjtë të altarit. Adhurimi i përbashkët mbahet çdo të enjte pas meshës së shenjtë të mbrëmjes, si dhe të mërkurën dhe të shtunën nga ora 21-22 (22-23) si formë e veçantë e tubimit. Ekziston edhe kapela e adhurimit, në të cilën shtegtarët luten në qetësi para Misterit të Shenjtë, që ekspozohet në adhurim nga ora 13-17(18) çdo ditë.

b) Me sakramentin e rrëfimit të shenjtë, Megjugorja në këtë kohë është e njohur në tërë botën. Njerëzit vijnë në Megjugorje prej të gjitha anëve, që të pajtohen me veten, me Zotin dhe me njerëzit rreth vetes. Aty gjejnë numër të mjaftueshëm rrëfyestarësh, të gatshëm që t'iu kushtojnë vëmendje, të dëgjojnë nevojat e tyre dhe t'ua hapin thesaret e mëshirës së Zotit. Shumë njerëz, me të drejtë e quajnë Megjugorjen rrëfyestore të botës. Vetë rrezatimi i Megjugorjes shumë njerëzve u ndihmon, që, në takimin sakramental, të përjetojnë kthimin, një kthesë të vërtetë në jetën e tyre të besimtarit. Kësaj i ndihmon edhe përgatitja e përbashkët për rrëfim në formën e shërbesës pendestare ose në tjetër formë, por më së shumti biseda e hapur me rrëfyestarin.

c) Rruzarja është njëra ndër lutjet më të dashura të shtegtarëve të Megjugorjes. Në programin e përbashkët të lutjes, në mbrëmje lutet rruzarja (shenjat e gëzimit, mundimit dhe të lumturisë) me hyrje të shkurtë për secilin mister të veçantë, sipas mundësisë- në më shumë gjuhë. Lutja ndërpritet shpesh për të kënduar këngë të thjeshta të Zojës. Rruzarja si formë e veçantë e përshtirësisë së shtegtarëve, lutet në Kodrën e dëftimit çdo të diele në orën 14 (16). Grupet e shtegtarëve lusin rruzaren, duke shkuar nga ndalesa në ndalesë, e këtë e bëjnë edhe individët shtegtarë. Në çdo kohë të ditës dhe natës mund të takohen grupe të vogla ose të mëdha rreth kishës, nëpër vend ose nëpër kodra me rruzare në dorë në lutje të zëshme ose të heshtur.

d) Udha e Kryqit bën pjesë gjithashtu në repertorin e lutjeve të shtegtarëve të Megjugorjes. Secili që mund të ngjitet në kodrën e rrëpirët të Krizhevcit, e lut duke u ndalur para ndalesave. Ai që nuk mund të ngjitet në Krizhevc, ka rast që të thellohet në misterin e mundimit të Jezusit në kishë para reliefëve të artistit të famshëm Peppino Sacchi. Duke medituar vuajtjet e Jezusit, shtegtari bashkon me to edhe vuajtjet e veta dhe vuajtjet e të gjithë atyre me të cilët është i lidhur jetësisht, si dhe ata që janë për të ose ata për të cilët është ai vetë kryqi i jetës. Si formë e posaçme e devotshmërisë së përbashkët, Udha e Kryqit lutet çdo të premte në ora 14 (16), si dhe të premten dhe të dielën gjatë kohës së kreshmëve në kishën e famullisë.

e) Lutja për të sëmurë në Megjugorje përfshihet brenda programit të lutjes së mbrëmjes dhe është e vendosur në falënderimin e kremtimit eukaristik. Emri zyrtar i saj është lutja për shërimin e shpirtit dhe të trupit. Njeriu, e, në mënyrë të veçantë, shtegtari, kërkon shëndetin në kuptimin e plotë të fjalës, atë që përcakton fjala latine salus – që përfshin shëndetin trupor dhe shpëtimin e shpirtit.

## Gjeneza e tubimit të shtegtarëve në Megjugorje

Gjithçka zuri fill nga fundi i qershorit të vitit 1981, kur gjashtë fëmijë pohonin se u ishte dëftuar Zoja, e prezantuar si Mbretëresha e paqes, se e kishe ftuar botën në paqe dhe pajtim. “Paqe, paqe, paqe, paqe me Zotin dhe paqe mes njerëzish.” Kjo thirrje e ka bërë Megjugorjen jo vetëm të njohur në mbarë botën, por edhe burim hiresh të jashtëzakonshme, vendtakim i miliona

shtegtarëve të të gjithë popujve dhe racave: burrash, grash, fëmijësh, të varfërish dhe të pasurish, të sëmurësh dhe të shëndoshësh, të pakthyerish dhe të thjeshtësh, mëkatarësh dhe shenjtërish. Lumi i pakëputur i shtegtarëve nga dita në ditë bëhet më e madhe, interesimi për të përherë e më i thellë, reagimet përherë e më intensive, më të shpirtërore dhe më masive (Rupçiq: Megjugorja në historinë e shëlbimit, Duvno 1998., faqe 5).

Në dëftimet më të fundit Zoja me këmbëngulje thërret në kthim, dmth në ndërrimin e qëndrimit ndaj Zotit me lutjen e përforcuar të zemrës, ndërrimin e qëndrimit ndaj vetes me agjërimin fizik i cili liron nga të gjitha varësitë, si dhe në ndërrimin e qëndrimit ndaj njerëzve rreth nesh me falje, pajtim dhe me veprat e dashurisë.

Duke lënë menjandë çështjen e të mbinatyrshtes të dëftimeve dhe të porosive të Zojës, nuk mund të anashkalohet fakti se kremtimi i mistereve të shpëtimit, ashtu si zhvillohen sot në Megjugorje, shkallë shkallë është formësuar pikërisht në bazë të porosive të Zojës. Në porositë Zoja kërkon pjesmarrjen konkrete në meshën e shenjtë që duhet të bëhet qendra e jetës së krishterë të secilit të krishterë dhe të bashkësisë së krishterë. Dëshira e Zojës është që “mesha juaj të jetë përjetim i Zotit” (16 qershor 1985). “Dëshiroj t’ju thërras në përjetimin e meshës së shenjtë” (3 prill 1986). “Le të jetë mesha e shenjtë jetë për ju” (25 prill 1988).

Zoja thërret në adhurimin e Jezusit në sakramentin Tejet të shenjtë të altarit. “Adhuroni vazhdimisht sakramentin Tejet të shenjtë të altarit. Unë jam gjithmonë e pranishme kur besimtarët adhurojnë. Atëherë fitohen hire të veçanta.” (15 mars 1984). “Sot ju thërras që të dashuroheni në sakramentin Tejet të shenjtë të altarit. Adhuroni atë, fëmijë, në famullitë tuaja dhe ashtu do të jeni të bashkuar me tërë botën... Kur adhuroni jeni edhe afër meje” (25 shtator 1995)

Në prag të festës së Të ngjiturit të Zojës në qiell më 1984, Zoja ka porositur nëpërmes të Ivan Dragiçeviqit: “Dua që bota të lutet këto ditë për mua, sa më shumë. Që të agjërojë të mërkurën dhe të premten. Të lusë çdo ditë së paku rruzaren: shenjat e gëzimit, të mundimit dhe të lumturisë” (S. Barbariq: Lutuni me zemër, Megjugorje 1994, faqe 41) “Lutuni rruzaren çdo mbrëmje” (8 tetor 1994) “ Ju thërras që t’i thirrni të gjithë në lutjen e rruzares! Me rruzare do t’i mundni të gjitha vështirësitë të cilat djalli dëshiron t’ia shkaktojë kishës Katolike. Lutuni rruzaren të gjithë meshtarët! Kushtoni kohë rruzares” (25 qershor 1985).

“Të dashur fëmijë! Sot, më shumë se kurdoherë më parë, ju thërras të luteni. Lutja juaj le të jetë lutje për paqe... Nëse dëshironi, luteni rruzaren! Një rruzare mund të bëjë mrekulli në botë dhe në jetën tuaj.” (25 janar 1991)

Zoja parapëlqen lutjen para kryqit (30 gusht 1984): “Sidomos lutuni para kryqit, prej të cilit dalin hire të mëdha” (12 shtator 1985)/ “Mendoni për mundimin e Jezusit dhe në jetë bashkohuni me Jezusin” (25 janar 1986).

### *Analiza teologjike e tubimeve të kultit*

Kisha, si popull i Zotit, prej të gjitha kombeve dhe gjuhëve, tubohet në Shpirtin e Shenjtë në Megjugorje. Në secilin kremtim të mbrëmjes, përjetohet katoliciteti i një Kise të shenjtë dhe apostolike, ku “ai i cili banon në Romë, ndjen se një indian është gjymtyrë e tij” (krah. LG 13.m, Gjon Gojarti, homilia në Ungjillin e Gjonit, 59,361) Aty, kisha shtegtare, duke hapëruar në mesin e përndjekjeve të botës dhe ngushëllimit të Zotit, shpall kryqin dhe vdekjen e Zotërisë, derisa Ai të vijë (LG).

Kremtimi i mistereve të shpëtimit është në thelbin e tubimit të kultit. Të gjitha devotshmëritë

marrin udhë kah kremtimi eukaristik, që vazhdon me adhurimin eukaristik. Nëpër sakramentin e pajtimit, individi hyn personalisht në misterin e pajtimit dhe Kisha çdo herë e më tepër lirohet për kremtim në Shpirt dhe në të vërtetë.

Maria, në Megjugorje është dëftuar me Fëmijën në dorë, duke u afruar tek njerëzve si dhuratë. Biri i Zotit mori prej trupit të Marisë trupin e vet dhe u bë njeri në kraharorin e saj. “Maria fëmijën e vogël e ushqeu me gjakun e vet, e ngrohu me ngrohtësinë e trupit të saj të Virgjër, ajo ishte ciboriumi i parë dhe tabernakulli i vërtetë i Jezusit tonë eukaristik. Ajo ishte altari i parë dhe kisha e parë e Jezusit në botë” (T. Shagi-Bunick, Nëna e eukaristisë Tejet të shenjtë, “Kana” 6/1987, faqe 12). Maria merr pjesë në kremtimin eukaristik në Megjugorje, që e përgatit dhe e përcjell (rruzarja para meshe dhe pas saj, nga Kodra e Dëftimit tregon Krizhevcin dhe kishën, u prin shtegtarëve drejt burimit të hireve).

“Eukaristia është boshti i vërtetë, rreth të cilit sillet bota e re, burim nga i cili rrjedh paqja. Ajo nuk mund të mendohet pa Zojën, as Zoja pa përgatitjen e gostisë eukaristike, me të cilën të kunguarit bëhen fëmijë të saj dhe ‘bashkëtrashëgimtarë me Krishtin’ (Rom 8,17). Prandaj, është e kuptueshme përse Zoja në Megjugorje, pa u lodhur, i thërret njerëzit në kremtimin e eukaristisë” (Rupçiq). Duke nderuar Marinë si Nënë e Zotërisë, shtegtarët u hapen hireve të shëlbimit, i pranojnë ato dhe marrin pjesë edhe më tepër në misterin e shëlbimit. Dhe kështu rritet Kisha në Shpirtin e Shenjtë.

Në letrën apostolike “Tertio Millennio adventiente”, Gjon Pali II e sheh Koncilin e Dytë të Vatikanit si “ngjarje provanie”, i përqendruar në misterin e Krishtit dhe të Kishës së tij dhe, njëherësh, i hapur ndaj botës (18). Nënvizon në mënyrë të veçantë, se bota e sotme “më shumë se kurrë ka nevojë për pastrim, për kthim (18). Koncili, sipas Papës, me forcë të re ua ka rrëfyer njerëzve të sotëm Krishtin, qengjin e Hyjit, i cili i merr përsipër mëkatet e botës; Shëlbuesin e njeriut, Zotërinë e historisë” (19). Pasuria e madhe e përmbajtjes dhe toni i ri, i panjohur më parë, në paraqitjen konciliare të asaj përmbajtjeje, e bëjnë, pothuaj, shpalljen e kohëve të reja. Etërit e koncilit kanë folur me gjuhën e Ungjillit, me gjuhën e Predikimit në mal dhe të Lumturive. (20).

Shumë ipeshkvij dhe teologë shohin në ngjarjet e Megjugorjes realizimin e ngjarjes provanike të Koncilit, tonin e ri dhe shpalljen e kohëve të reja në gjithë thjeshtësinë e porosisë ungjillore.

### *Vlerësimi pastoral*

Njëri ndër teologët pastoralë, ndër më të njohurit në kohën e sotme, profesori vjenez Paul M. Zulehner, në verën e vitit 1988 fenomenin e Megjugorjes dhe konstatimet e veta i ka publikuar në ligjëratën “Medjugorje eine mystagogische Lektio” (Hrsk.Medjugorje Zentrum, “Medjugorje eine mystagogische Herausforderung?”, faqe 72-100). Ai niset nga pohimi, se dëftimet e Zojës janë për kohën tonë të rëndësishme dhe të pakontestueshme (79). Për porositë e Zojës thotë se janë “katekeze shumë e mirë” dhe “udhëzim i shkëlqyeshëm në porosinë e Shkrimit Shenjt” (82). Dhe pikërisht kjo është për të njëri ndër kriteret më të rëndësishme teologjike; Megjugorje nuk fillon nga Shkrimi Shenjt, por shkon drejt tij dhe Maria nuk është stacioni i fundit, por udhërrëfyese. Puna pastorale në Megjugorje, mënyra e predikimit dhe kremtimi i eukaristisë, i çon në thelbin e fesë, njerëzit që shkojnë atje. Përpjekjet e kujdestarëve shpirtërorë janë të orientuara në kahet që njerëzit ta jetojnë fjalën e Zotit, që ta jetojnë Shkrimin Shenjt dhe të kremtojnë Eukaristinë. Është e vlefshme edhe lidhja e këtij pastorali me Koncilin (82). Nga Megjugorja shtegtarët marrin me vete dhe sjellin në kishat e vendit devotshmërinë e thellë të

Shkrimi Shenjt dhe të Eukaristisë.

“Veçanërisht më mahnit, dhe këtë e konsideroj një aspekt të madh pozitiv, që kujdestarët shpirtërorë të atjeshëm nuk përpiqen që njerëzit t’i nxjerrin nga Kisha normale, por pikërisht dëshirojnë që t’i kyçin në jetën e përditshme të Kishës së vendit” (82-83). Profesor Zulehner mrekullohet që në Megjugorje tubohet Kisha e të vegjëleve. “Atje mund të shkojë secili, nuk ka pengesa që do të duheshin kapërcyer. Ai vend është i hapur për të gjithë. Edhe ata që nuk i konsideroj virtuoze religjioze, “këmbësoria” e thjeshtë e kishës”, aty ndjehet si në shtëpi... Unë gëzohem kur shoh se të vegjlit vijnë në Megjugorje, se aty ngriten, se ju kthehet shpresa për jetën, se kthehen me kokën lart në shtëpi... Për mua këto janë frytet e Shpirtit, që, pavarësisht në dëftimet, faleminderit Zotit, është i pranishëm çdo kund, sepse kudo që vepron Shpirti, aty është Kisha e pranishme, sepse qëllimi i Zotit qëndron në ngritjen e njeriut”.

Në ngjarjen e Megjugorjes profesori Zulehner zbulon “mistagogjinë”, sjelljen e njeriut para misterit, ku Zoti hap zemrën nga përbrenda si tek Lidia në Vap. (krah. 16,14). Zoti me hirin e tij ecën para veprimit tonë kishtar. Caku i vërtetë i pastoralit, sipas Zulehnerit, qëndron në ndihmën ndaj njeriut, ta zbulojë misterin e veprimit të Zotit në jetën e tij personale dhe, në dashuri të lirë, t’i dorëzohet atij misteri. “Kam frikë se ne, në Kishën e sotme, e kemi humbur dimensionin mistik të fesë. Prandaj, rrezikojmë shndërrimin e Ungjillit në moral. Nëse zhduket mistika, nuk mbetet asgjë tjetër. Do t’ishte dëm, nëse në Megjugorje do të mbeteshin vetëm porositë morale. Ky nuk është qëllimi. Kuptimin e porosive do kërkuar në ripërtëritjen e mistikës, në përvojën e përbashkët të njeriut me Zotin. Kjo është ngjarje që i prin çdo veprimi dhe çdo morali. Pa këtë themel mistik, askush prej nesh nuk mund të veprojë në mënyrë të moralshme. (96-97). Teologët dhe njerëzit e Kishës janë të prirë që ta shpjegojnë misterin. Mirëpo, unë në teologjinë time kam mësuar se misteret e fesë nuk ekzistojnë që t’i shpjegojmë, por që të banojmë brenda tyre, që të qëndrojmë brenda tyre si në shtëpinë tonë. Kisha do të jetë e shpëtuar, nëse përsëri do të mësojmë të banojmë personalisht në mistere, me vendosmëri dhe guxim” (98-99). Kjo është Megjugorja sipas Zulehnerit: mistagogjia, futja e njerëzve normalë në misterin e përditshëm të Ungjillit.

Alfons Sarach thotë: “Kisha në Megjugorje është vetëdijesuar se nuk është organizatë, se nuk është krijesë e përsosur e dorës njerëzore, ose instrument i fuqisë njerëzore, ose vetëshërbim sakramentesh, se nuk është opium as drogë, se nuk është diçka e punuar, por pikërisht ‘mister’. Vetëm kur kjo të forcohet në mbarë Kishën, njerëzit do të gjejnë përsëri rrugën për tek ajo, do të ndihen të sigurt në të dhe do të adhurojnë, të lirë dhe të papenguar”. (Porosia e Megjugorjes për Zotin që shërben, Megjugorje, 1995., faqe 143

### *Rëndësia ungjillëzuese*

Kremtimi i mistereve të shpëtimit, gjithsesi është përjetimi më mbresëlënës i shtegtarëve të Megjugorjes. Kjo është përmbajtja kryesore e qëndrimit të tyre në shenjtërore. Përvojën e takimit me misterin e fesë ata do ta marrin me vete në jetë, të vetëdijshëm apo jo, se vlen të jetohet në përditshmërinë e hirtë.

Drejtimin kryesor e caktojnë predikimet e kretimeve eukaristike, porosinë e Zojës, me të cilat janë takuar, devotshmëritë, të cilat i kanë kënaqur.

Në Megjugorje predikohet në mënyrë krejtësisht të thjeshtë. Ungjilli është sipas kalendarit liturgjik dhe bëhen përpjekje që të tregohet rruga e realizimit të tij në jetën e njeriut bashkëkohor. Theksi bie në kthimin si rrugë drejt paqes, në lutjen, agjërimin, në faljen dhe në kryerjen e

veprave të dashurisë. Këto dhe porosi të tjera të Zojës, bazohen në porosinë e saj nga Ungjilli i Gjonit: “*Bëni gjithçka t’ju thotë!*” (2,5).

Porositë janë thirrje të nënës dhe lutje, ato respektojnë lirinë e njeriut dhe përpiqen që ta motivojnë për mirë. Ka për qëllim nxitjen e individit për kthim personal, dhe, më vonë, mund të pasojnë fryte të tjera.

Edhe predikimet, ashtu si porositë, me përmbajtje dhe me formë, shprehin thjeshtësinë e të gjitha trajtave të përjetimit religjioz në Megjugorje.

Megjugorja është pranuar nga një numër i madh njerëzish nga mbarë bota, si fenomen religjioz dhe e ka tejkalaru lëvizjen religjioze të përmasave të gjera, në mes tjerash, edhe për shkak të thjeshtësisë së porosisë.

Shtegtarët e Megjugorjes nuk mbesin pasivë pas kthimit në bashkësitë e veta. Ata, së pari, përpiqen t’i jetësojnë në jetën e vet porositë dhe Ungjillin dhe të marrin pjesë më aktivisht në jetën e Kishës së vendit. Kështu lindin bashkësitë e lutjes, të cilat jetojnë sipas frymës së porosive dhe sipas opsionit të Marisë për të varfër. Thirrja e Marisë u drejtohet të gjithëve, që sikurse Abrahami, të nisen kah e panjohura, kah fushat e pahulumtuara të fesë, të prirë nga thirrja e Zotit në liri.

Efekti i dëftimeve të Zojës në botën e sotme është vështirë të vlerësohet. Megjithatë, një gjë është e sigurt: atë që barinj të Kishës nuk marrin guximin ta përmendin, e bën Shpirti i Shenjtë nëpërmes të dëftimeve të Marisë dhe të porosive të saj drejtuar botës. Bota e të vegjëlve e kupton dhe e pranon fjalën e Marisë. Feja e Shkrimit Shenjt dhe përvoja e Shkrimit Shenjt, përsëri bëhen të pranishme dhe të gjalla. Nëpërmes të Marisë Zoti përtërin Kishën dhe botën.

### *Përfundim*

Në Megjugorje prej ditës në ditë tubohet Kisha e shtegtarëve – një, e shenjtë, katolike dhe apostolike prej të gjithë popujve dhe gjuhëve, që të kremtojnë misterin e shpëtimit në Shpirtin e Shenjtë. Kremtimi i misterit të shpëtimit qëndron në thelbin e të gjitha tubimeve. Maria, Nëna e Zotërisë, i tubon në atë kremtim, ajo është e pranishme si nënë e kujdesshme dhe edukatore e sprovuar. Ajo thërret butësisht dhe njëherësh falënderon (Të dashur fëmijë, fëmijëz...Ju falem nderit që ju përgjigjët thirrjes sime!), por në të njëjtën kohë, është edhe kërkuese: lutuni, agjëroni, bartni paqen dhe krijoni paqen, kremtoni meshën, ungjillin jetoni. Nuk jeni vetëm. Çdo gjë mund ta arrini, nga terri ju thërret në dritën e vet të mrekullueshme. Ajo, Nëna e Dritës, na ofron Birin e vet, Diellin e drejtësisë. Dritën që shndrit çdo njeri dhe krijon mundësinë që të bëhet drita e botës.

Në këtë kuptim, takimi i 7-të ndërkombëtar i lutjes së të rinjve, ishte i rëndësishëm për ngjarjet e shpëtimit në Megjugorje. Gjashtë mijë të rinj, të përforcuar nga shoqërimi me Krishtin, nën udhëheqjen e Marisë, u shpërndanë nga Krizhevci, duke bartur porosinë për “Diellin që lind në botë nëpër mua”.

# DËFTIMET E ZOJËS

## Dëftimet

Kur flitet për konceptin “Dëftimet e Zojës”, zakonisht mendohet për Guadallupe Lourdes, Fatima dhe në kohën më të re Megjugorje. Ata që kanë lexuar literaturën mbi dëftimet, e dinë se ekzistojnë edhe disa vende në të cilat është dëftuar Zoja. Përkundër gjithë kësaj, vend i dëftimit në teologjinë katolike, gjegjësisht për kishën, akoma është goxha e dyshimtë. Prandaj këto dëftime pranoen vështirë.

Në qëndrimin e sotëm teologjik në shumëçka ka ndikuar shkenca, e cila në mënyrë racionale u qaset gjërave rreth vetes. Dëshiron që të imponohet qëndrimi, se ajo që nuk është e dokumentuar në mënyrë të arsyeshme, thjeshtë, nuk mund të jetë objektive. Me këtë rast harrohet se një dukuri nuk bart në vete vetëm objektivitetin, por edhe subjektivitetin. Nuk mund të shpjegohet çdo gjë vetëm me anë të arsyes. Dhe këtu zemra luan rolin e vet.

Nëse shikojmë Shkrimin Shenjt, atëherë shohim se dëftimet aty nuk janë diçka e huaj. Në Besëlidhjen e vjetër për dëftimet flitet në shumë vende. Kjo është më e rrallë në Besëlidhjen e re, nëse përjashtohen Veprat e apostujve. Përshpirtëria e krishterë shënon dëftimet e shumë shenjtërve.

## Çka janë dëftimet

Thënë shkurt, dëftimi është shfaqja e dukshme e të pëртејshmes. Zoti i padukshëm i dëftohet njeriut, në mënyrë që ai të ketë mundësi, së paku deri diku, ta arrijë me anë të arsyes së vet. Këtu nuk kemi të bëjmë me shpallje të re, sepse ajo ka përfunduar me vdekjen e apostullit të fundit. Qëllimi i dëftimeve është nxitja e fesë, ndriçimi i shpalljes së dhënë në kushte të reja... Dallojmë, pra, shpalljen themelore dhe shpalljet e veçanta.

Pasi që dëftimet bëjnë pjesë në sferën e shpalljeve personale, këtu do të merremi me të pak më shumë. Shpalljet personale, në formën e vet, nuk dallojnë nga shpalljet publike, edhe pse nga aspekti teologjik u takon një kuptim tjetër. Mund t'i ketë dy forma: 1. Personi që dëftohet është i pashëm në trup (dëftimi në kuptimin e ngushtë),

2. Ndikimi Hyjnor është i drejtuar në imagjinatën e njeriut (dëftimet imagjinate).

Në rastin e parë dëftimi vërehet me organet e jashtme, kurse në rastin e dytë me organet e brendshme ndijesore. Mund të flitet edhe për dëftimet, gjegjësisht për dukjet mistike ose profetike. Ato mistike kanë të bëjnë vetëm me jetën personale të individit, shndrisin shpirtin e tij. Kurse ato profetike kërkojnë nga profeti që porosinë ta përcjellë më tutje si vërejtje, si kërkesë ose paralajmërim për të ardhmen.

Ata që kanë dëftime, nuk janë qenie të ndryshme prej nesh. Janë ashtu si të gjithë ne. Ashtu, si të gjithë ne, u takojnë udhëtarëve (status viae), dhe jo të lumturve (status gloriae). Prandaj, u nënshtrohen vështirësive tokësore, çështjeve të besimit.

## Qëndrimi i Kishës



Edhe pse shpallja publike është e mbyllur, Zoti edhe më tutje u shfaqet njerëzve nëpërmes shpalljeve. Është plotësisht e gabueshme të mendohet se të folurit e tij ka pushuar me vdekjen e apostullit të fundit. Të folurit e vazhdueshëm të Zotit ka të bëjë me esencën e Kishës, si edhe të gjitha të tjerat gjëra që janë bërë institucionale. Për këtë gjë flet edhe Koncili i Dytë i Vatikanit. Karl Rahner, për disa teologu më i madh i ditëve tona, thotë në një vend se Shpirti i Shenjtë rezervon mundësinë dhe të drejtën që të ë Kishën, por asisoj, në mënyrë që ato nxitje nuk rrjedhin gjithmonë nëpërmes organeve zyrtare kishtarë. Prandaj, Kisha nuk guxon të mbetet anash kundruall dëftimeve dhe shpalljeve. Zyrtarët e saj m jo vetëm se duhet t'i durojnë, por edhe duhet t'i kultivojnë. Që moti Shën Pali ka thënë se të krishterët kanë shumë karizma.

Megjithatë, gjithmonë ka mbizotëruar qëndrimi i kujdesshëm i Kishës për dëftimet. Kjo rrjedh, kryesisht, nga dëshira që të ruhet tërësia e besimit, si dhe tërësia e drejtimit të Kishës. Sepse, ka ndodhur që dikush nën ndikimin e dëftimeve të këtilla ose të atilla, provojnë që të ndërrojnë përmbajtjen e besimit ose të shpallin një mënyrë të re të udhëheqjes së Kishës. Prandaj, Kisha ua ndalon meshtarëve që t'u prijnë shtegtimeve në disa vende dëftimesh për deri sa nuk është e pranuar nga ana e Kishës. Megjithatë, edhe koncilet kishtarë kanë thënë se autoriteti nuk do të guxonte kurrë që ta shuajë Shpirtin.

Përshpirtëria e krishterë rekomandon dallimin e shpirtave. Shpalljet private nuk do të duhej kurrë që të vihen në të njëjtin rrafsh me Shpalljen hyjnore që na e ka sjellë Krishti, që është në Shkrimin Shenjt, e të cilën na e përcjell tradita e Kishës. Kuptimi i dokumenteve kishtarë kundruall dëftimeve private, synon që të arrihet deri tek e vërteta. Të gjitha dukuritë duhet shikuar në harmoni me autoritetin kishtar.

Kundruall dëftimeve private, më së shpeshti gabohet duke besuar lehtë. Kjo, sidomos, ndodh në kohëra të trazuara dhe të pasigurta. Me atë rast, harrohet se kriteri themelor do të duhej të jenë frytet e dëftimit. Në të vërtetë, është obligim i individit katolik, si dhe i Kishës, të ketë qëndrim të kujdesshëm. Për jetën shpirtërore të individit nuk duhet të jenë vendimtare përjetimet subjektive dhe as përjetimet e të tjerëve. Duhet t'i nënshtrohen shpalljes publike dhe udhëheqjes së Kishës. Shpallja individuale kurrë nuk është e detyrueshme për kënd do qoftë, madje as atëherë kur e ka vërtetuar Kisha. Kurrë nuk bën që të harrohet qëllimi i shpalljes individuale: nxitja në përputhje më të fortë me shpalljen publike, dhe jo zëvendësimi i saj.

## Dëftimet e Marisë

Më të shpeshtat janë sot dëftimet e Marisë. Kjo nuk duhet të na çudisë. Sipas teologjisë, pasi që ajo është më e afërta Krishtit, është më e afërta edhe për gjymtyrët e tjerë të trupit mistik në bashkësi me shenjtërit. Ajo është Shërbëtorja e Zotërisë, Nëna e Zotit, Nëna jonë, e ngritur në qiell. Zoti e dërgon që t'i ruajë karizmat në Kishë. Para Zotit ajo ndërmjetëson për ne. Duke ardhur në tokë, na e tërheq vërejtjen për mirësi, për devotshmëri të vërtetë, t'i shkojmë pas Jezu Krishtit. Porositë që na i sjell, e përmbajnë këtë mendim.

Duke ecur me Marinë dorë për dorë, më lehtë do të ngadhënjëjmë mbi të keqen, e cila na rrethon për çdo ditë. Me të i mundim armiqtë e Kishës, e përtërijmë jetën e vërtetë besimtare dhe ushtrimet e devotshmërisë së vërtetë besimtare. Zoja na mëson, se, nëse dëshirojmë t'i arrijmë të gjitha këto, na duhet të fillojmë pëndësën dhe lutjen. Kjo është dera nëpër të cilën hyhet në jetën e re. Në mesin e atyre, të cilët mbesin në terr, para derës, dhe atyre që do të dëshironin të hynin brenda, qëndron, pra, Virgjëra e Pamëkatë Maria. Nëpërmes Saj gjithmonë shkohet te Jezusi dhe i kthehemi gjithmonë atij.

Gjithmonë është gabim, që, cila do qoftë paraqitje e Zojës, të ngrihet në aso shkalle, sa të mos kemi kurrfarë kujdesi për të gjitha të tjerat që na i ofron krishterimi. Po ashtu, është gabim që dëftimet e Zojës të kuptohen si shenja të kohëve të fundit, që, ja, paskan arritur.

Dëftimet e Zojës gjithmonë kanë ndikuar në kohën kur kanë ndodhur. Po ashtu, gjithmonë kanë kaluar nëpër dy filtra: shpjegimit zyrtar dhe shpjegimit popullor. Megjithatë, këto dy shpjegime gjithmonë janë përshkuar mes veti.

Njeriu bashkëkohor njih vetveten te Maria. Kupton se është i përfshirë në përpjekjet e Zotit, i cili dëshiron që ta bëjë pjesëmarrës efikas në këtë botë. Besimi për të nuk është traditë që duhet ta bëjë, por është vetë jeta. Sillet si Maria, e cila ka ditur në përvujtëri ta jetojë jetën e vet. Duke shikuar Marinë, njeriu merr detyrën që të zhvillojë atë formë jete e që është në harmoni të plotë me vullnetin e Zotit. Maria nuk ka folur shumë, ajo ka vepruar.

Devotshmëria ndaj Marisë ka pasur gjithmonë jehonë në planin shoqëror. Që në shekujt e parë të krishterimit fillojnë të zhvillohen iniciativa të ndryshme karitative nën ndikimin e saj. Ndërtohen spitale për të varfrit dhe të moshuarit, jepen kontribute për atë qëllim. Në shekullin e mesëm paraqiten rregullat, të cilat i kushtohen veprimtarisë karitative. Gjëra të ngjashme ndodhin edhe sot.

## Shtegtimet dhe shenjtëroret

Shtegtimi si formë devotshmërie, sot është i pranishëm në çdo hap. Një kohë u duk se u shua nën vërshimin e ndryshimeve kulturore.

Gjatë gjithë rrjedhës së historisë njerëzore, të njohur për ne, shtegtimet paraqesin përvojë personale dhe të përbashkët të religjiozitetit. Është i pranishëm në të gjitha religjionet.

Në thelb, shtegtimi bëhet që të shkohet në një vend të largët që të qëndrohet atje një kohë. Shtegtar është ai i cili shtegton, edhe pse qëndron një kohë, duke vazhduar ecjen e tij. Tek ai është e bashkuar jeta shpirtërore dhe askeza. Është i gatshëm të mohojë shumë gjëra, duke mos u kursyer as në flijime.

Shtegtarin gjithmonë duhet shikuar në raport me shenjtoren. Shtegtimi dhe shenjtoria gjithmonë paraqesin takim dhe pjesëmarrje në të shenjtën. Kështu krijohet njësi trupore në mes të turmës njerëzore, e cila është në ecje dhe praninë së Zotit. Megjithatë, duhet kujdes që shenjtëroren të mos e konsiderojmë rojtare të së shenjtës ose roje të forcës së shpëtimit. Po ashtu, nuk bën që në to të kërkojmë me çdo kusht ngjarje të mrekullueshme ose shfaqje të mrekullueshme.

Nga themelet e shtegtimeve tona, synojmë që të nxjerrim nga Zoti ndonjë hir. Nganjëherë vlera e një shenjtëroreje matet me faktin se sa mrekulli kanë ndodhur aty. Po ashtu, shkohet në një shenjtërore për pendesë të mëkateve.

Shtegtimi duhet të përgjigjet në ofertën e mëshirës dhe dashurisë së Zotit. Është e qartë se Zoti është atje ku njerëzit rrëfihen dhe luten. Përgjigja e Zotit ndodh gjithmonë në të tashmen, përballë vështirësive të sotme dhe kurrë kah e kaluara. Ajo që ndodh në një vend shtegtimi, gjithmonë do të duhej drejtuar kah ndërtimi i Kishës, dhe kurrë në rrënimin e saj.

Shtegtimi Marian i përmban gjithmonë shenjat personale. Shkohet te Maria që të shkohet më lehtë tek Zoti. Ajo i tërheq të krishterët t'i sjellë te Krishti, e, nëpërmes tij, te Ati. Fytyra e Marisë është e shndërruar me dritën e Zotit. Rruga që çon nëpërmes Marisë, qëndron në themelin e shtegtimin bashkëkohor. Mund të thuhet se është bërë shenja kryesore e tij. Në të vërtetë, Zoja nuk qëndron e shurdhër për rrugën e Kishës dhe të nxënësve të Jezusit. Pasi para nesh e ka kaluar rrugën deri te Zoti, ajo nuk është vetëm shembull, por edhe prijëse dhe ndihmëse gjatë

rrugëtimit. Nderimi i Zojës në shenjtëroret mariane duhet të zhvillohet sipas rolit të saj në historinë e shëlbimit. Zbulohet, po ashtu, roli i saj në jetën e individit, si dhe në jetën e Kishës. Ata jetojnë me të rrugën e fesë.

Famullia Megjugorje, në kohën e fundit, është bërë shenjtërorja më e njohur mariane. Që nga 24 qershori 1981 e kanë vizituar më shumë se 20 milionë njerëz. Karakteristika kryesore e kësaj shenjtëroreje, është sakramenti i pendesës. Duke shkuar aty, njeriu pajtohet me veten dhe Zotin. E gjithë kjo e vërteton rolin e saj në Kishë.

## Përfundim

Nuk është puna jonë që të parashohim rrjedhën e mëtutjeshme të dëftimeve të Zojës. Ajo që ne, si besimtarë, duhet të bëjmë, është që me kujdes të obliguar, në harmoni me sjelljen e Kishës, të mendojmë për ato ngjarje dhe t'i mbështetemi veprimit të Zotit. Është e pakuptimtë, që gjithë këto ngjarje, thjeshtë të mos pranohen ose të përzihen me diçka që nuk ka asnjë lidhje me to. Kohërat e sotme janë të vështira, por kjo nuk do të thotë u dashka të dëshirohemi. Zoja dëshiron të na prijë në jetën tonë besimtare. Le t'ia japim mundësinë!

*Fra Milenko Stojiq*

# POROSITË E ZOJËS

*Porosia më 1 mars 1984.*

“Të dashur fëmijë!

Unë e kam zgjedhë këtë famulli në mënyrë të posaçme dhe dëshiroj ta udhëheq. E ruaj me dashuri dhe dëshiroj që të gjithë të jenë të mijtë. Ju faleminderit që keni ardhë sonte. Dëshiroj që gjithmonë të jeni në numër sa më të madh me mua dhe me Birin tim. Çdo të enjte do të them porosi të veçantë për ju.”

*Porosia më 8 mars 1984.*

“Ju faleminderit që ju përgjigjët thirrjes sime! Të dashur fëmijë, kthehuni ju të famullisë. Kjo është dëshira ime e dytë. Kështu do të ketë mundësi të kthehen të gjithë ata që do të vijnë këtu.”

*Porosia më 15 mars 1984.*

“Edhe sonte, fëmijë të dashur, u jam posaçërisht mirënjohëse që jeni këtu. Ta adhuroni pandërprerë Sakramentin e Shenjtë të Altarit. Unë jam e pranishme gjithmonë kur besimtarët adhurojnë. Atëherë fitohen hire të veçanta.”

*Porosia më 22 mars 1984.*

“Të dashur fëmijë!

Sonte ju thërras që në mënyrë të veçantë gjatë kreshmëve të nderoni plagët e Birit tim, që i ka fituar nga mëkatet e kësaj famullie. Bashkohuni me lutjet e mia për famullinë, që vuajtjet t’i ketë të durueshme. Ju faleminderit që ju përgjigjët thirrjes sime! Përpiquni të vini në numër sa më të madh!”

*Porosia më 29 mars 1984.*

“Të dashur fëmijë!

Dëshiroj t’ju thërras sonte në mënyrë të veçantë në qëndrueshmëri në sprovë. Mendoni se si I Gjithëpushtetshmi edhe sot e kësaj dite vuan për shkak të mëkateve tuaja. Dhe, kur të vijë vuajtja, paraqitjani Zotit si fli.

Ju faleminderit që ju përgjigjët thirrjes sime!”

*Porosia më 12 prill 1984.*

“Të dashur fëmijë!

Sot ju lus që të mos merreni me thashetheme dhe të luteni për bashkimin e famullisë. Sepse unë dhe Biri im kemi plane të veçanta me këtë famulli.  
Ju faleminderit që ju përgjigjët thirrjes sime!”

*Porosia më 15 prill 1984.*

“Të dashur fëmijë!

Sot ju lus në mënyrë të veçantë që ta nderoni Zemrën e Birit tim Jezusit. Bëni sadsifacion për plagën e shkaktuar Zemrës së Birit tim. Ajo zemër është e lënduar me mëkate të ndryshme.  
Ju faleminderit që keni ardhur sonte!”

*Porosia më 19 prill 1984.*

“Të dashur fëmijë!

Bashkëndjeni me mua. Lutuni, lutuni, lutuni!!!”

*Porosia më 26 prill 1984.*

Zoja nuk ka drejtuar kurrfarë porosie.

*Porosia më 30 prill 1984.*

Vegimtarja Maria e ka pyetur Zojën: "E dashur Zojë, përse nuk më ke dhënë të enjten porosinë për famulli?" Zoja u përgjigj kështu: “Nuk dua ta detyroj askënd për atë që nuk e ndjen dhe nuk do, ani se kam pasur për famullinë porosi të veçanta, me të cilat kam dashur ta zgjoj fenë e secilit besimtar. Por një numër shumë i vogël i ka pranuar porositë të enjten. Në fillim kishte mjaft. Por sikur për ta u bë diçka e përditshme. E tani, në kohë të fundit, disa pyesin për porositë të nxitur nga kureshtja dhe jo nga feja e nga devotshmëria ndaj Birit tim dhe ndaj meje.”

*Porosia më 10 maj 1984.*

Shumë besimtarë janë ndjerë të goditur me porosinë e fundit të Zojës. Disa kishin ndjenjën se Zoja nuk do të japë porosi për famullinë. Por sonte ajo e tha këtë:  
“Unë ju flas dhe dëshiroj të flas edhe më tutje. Ju vetëm dëgjoni udhëzimet e mia!”

*Porosia më 17 maj 1984.*

“Të dashur fëmijë!

Sot jam mjaft e gëzuar, sepse ka mjaft të tillë që dëshirojnë të më kushtohen. Ju faleminderit! Nuk jeni mashtruar. Biri im Jezu Krishti, nëpërmes meje dëshiron t’ju ndajë hire të veçanta. Biri im është i gëzuar për shkak të kushtimit tuaj. Ju faleminderit që ju përgjigjët thirrjes sime!”

*Porosia më 24 maj 1984.*

“Të dashur fëmijë!

Ju kam thënë tashmë se ju kam zgjedhur në mënyrë të posaçme, të tillë çfarë jeni. Unë, Nëna, ju dua të gjithëve. Dhe, në çdo çast kur e keni vështirë, të mos keni frikë! Unë ju dua edhe atëherë kur jeni larg meje dhe Birit tim. Ju lutem, mos lejoni që zemra ime të qajë me lot gjaku për shkak të shpirtave që humben në mëkat. Prandaj, fëmijë të dashur, lutuni, lutuni, lutuni! Ju faleminderit që ju keni përgjigjur thirrjes sime!”

*Porosia më 31 maj 1984.*

Ishte festa e TË NGJITURIT TË JEZUSIT NË QIELL. Kishte shumë njerëz të ardhur. Zoja nuk drejtoi porosi për famullinë. I tha vegimtares Maria se do të japë porosinë të shtunën, që të thuhet të dielën në meshën për popull.

*Porosia më 2 qershor 1984.*

“Të dashur fëmijë!

Sot dëshiroj t’ju them që në këtë nëntëditësh të luteni për derdhjen e Shpirtit të Shenjtë në familjet tuaja dhe në famullinë tuaj. Lutuni, nuk do të pendoheni. Zoti do t’ju japë dhurata, me të cilat do ta lavdëroni deri në fundin e kësaj jete tokësore. Ju faleminderit që ju keni përgjigjur thirrjes sime!”

*Porosia më 9 qershor 1984.*

“Të dashur fëmijë!

Nesër mbrëma lutuni për Shpirtin e të vërtetës. Sidomos ju të famullisë. Sepse keni nevojë për Shpirtin e të vërtetës që t’i përcillni porositë aso çfarë janë, pa iu shtuar as pa iu munguar çfarëdo qoftë, ashtu si i kam thënë. Lutuni që Shpirti i Shenjtë t’ju frymëzojë me shpirtin e lutjes, që të luteni më shumë. Unë, Nëna juaj, ju them se luteni pak. Ju faleminderit që ju përgjigjët thirrjes sime!”

*Porosia më 14 qershor 1984.*

Nuk është drejtuar asnjë porosi e veçantë.

*Porosia më 21 qershor 1984.*

“Lutuni, lutuni, lutuni!  
Ju faleminderit se ju përgjigjët thirrjes sime!”

*Porosia më 28 qerrshor 1984.*

Nuk ka pasur porosi të veçantë për famullinë.

*Porosia më 5 korrik 1984.*

“Të dashur fëmijë!  
Sot dëshiroj t’ju them që të luteni para çdo pune dhe me lutje përfundoni punën tuaj. Nëse bëni kështu, Zoti do t’ju bekojë edhe ju edhe punën tuaj. Këto ditë po luteni pak, kurse punoni shumë. Prandaj lutuni! Në lutje do të pushoni. Ju faleminderit që ju përgjigjët thirrjes sime!”

*Porosia më 12 korrik 1984.*

“Të dashur fëmijë!  
Këto ditë djalli dëshiron që t’i pengojë planet e mia. Lutuni që plani i tij të mos realizohet. Unë do ta lus Birin tim Jezusin, që t’ju japë hirin për të ndjerë Fitoren e Jezusit në tundimin e djallit. Ju faleminderit që ju përgjigjët thirrjes sime!”

*Porosia më 19 korrik 1984.*

“Të dashur fëmijë!  
Këto ditë e keni ndjerë se si vepron djalli. Jam gjithmonë me ju dhe mos i keni frikë tundimet, sepse Zoti gjithmonë mbikëqyr. Kurse unë jua kam dhënë veten dhe me ju bashkëndiej edhe në sprovën më të vogël. Ju faleminderit që ju përgjigjët thirrjes sime!”

*Porosia më 26 korrik 1984.*

“Të dashur fëmijë!  
Edhe sot dëshiroj t’ju thërras në lutje të qëndrueshme dhe në nënshtrim. Sidomos rinia e kësaj famullie le të jetë më e zënë me lutjet e veta. Ju faleminderit që ju përgjigjët thirrjes sime!”

*Porosia më 2 gusht 1984.*

“Të dashur fëmijë!

Sot jam e lumtur dhe ju falënderoj për lutjet. Lutuni këto ditë edhe më shumë për kthimin e mëkatarëve.

Ju falem nderit që ju përgjigjët thirrjes sime!”

*Porosia më 11 gusht 1984.*

“Të dashur fëmijë!

Lutuni sepse djalli edhe më tej dëshiron që t’i pengojë planet e mia. Lutuni me zemër dhe në lutje t’ia besoni veten Jezusit!”

*Porosia më 14 gusht 1984.*

Kjo paraqitje ishte e papritur. Ivani lutej në shtëpinë e tij. Pastaj filloi të përgatitej që të shkojë në kishë për shërbesën e mbrëmjes. Papritmas ju paraqit Zoja dhe i tha që t’ia përcjellë këtë porosi botës:

“Do të doja që bota të lutej këto ditë me mua. Sa më shumë! Të agjërojë rreptësisht të mërkurën dhe të premten; ta bëjë së paku lutjen e rruzares për çdo ditë: shenjat e gëzimit, të mundimit dhe të lavdisë.”

Zoja kërkoi që këtë porosi ta pranojmë me vullnet të fortë. Në mënyrë të veçantë i luti për këtë anëtarët e famullisë dhe besimtarët e vendeve për rreth.

*Porosia më 16 gusht 1984.*

“Të dashur fëmijë!

Ju lutem, sidomos juve të kësaj famullie, që të jetoni sipas porosive të mia dhe t’ua përcillni të tjerëve, cilin do që ta takoni.

Ju falem nderit që ju përgjigjët thirrjes sime!”

*Porosia më 23 gusht 1984.*

“Lutuni, lutuni!”

Maria thotë se e ka thirrur popullin, e, sidomos të rinjtë, që të mbajnë rend gjatë meshës.

*Porosia më 30 gusht 1984.*

“Të dashur fëmijë!

Edhe kryqi ishte në planin e Zotit kur e ndërtouat. Sidomos këto ditë shkoni në Brdo (kodër) dhe



lutuni para kryqit. Më duhen lutjet tuaja.  
Ju falem nderit që ju përgjigjët thirrjes sime!”

*Porosia më 6 shtator 1984.*

“Të dashur fëmijë!

Pa lutje nuk ka qetësi. Prandaj ju them, të dashur fëmijë, lutuni para kryqit për paqe.  
Ju falem nderit që ju përgjigjët thirrjes sime!”

*Porosia më 13 shtator 1984.*

“Të dashur fëmijë! Edhe më tutje më duhen lutjet tuaja. Pyeteni: përse kq shumë lutje. Shikoni rreth vetes, fëmijë të dashur, dhe do të shihni sa është mëkati që ka nënshtuar këtë vend. Prandaj lutuni, që Jezusi të fitojë. Ju falem nderit që ju përgjigjët thirrjes sime!”

*Porosia më 20 shtator 1984.*

“Të dashur fëmijë!

Sot ju thërras që të filloni të agjëroni me zemër. Ka mjaft njerëz që agjërojnë por pse agjërojnë të gjithë. Është bërë adet që askush nuk dëshiron të ndërpresë. E lus famullinë që të agjërojë në shenjë falënderimi që Zoti më ka lejuar të mbetem kaq gjatë në këtë famulli. Të dashur fëmijë, agjëroni dhe lutuni me zemër!

Ju falem nderit që ju përgjigjët thirrjes sime!”

*Porosia më 27 shtator 1984.*

“Të dashur fëmijë!

Me lutjet tuaja më keni ndihmuar që të realizohen planet e mia. Lutuni edhe më tutje që planet të realizohen plotësisht. I lus familjet e famullisë që të lusin rruzaren familjare.

Ju falem nderit që ju përgjigjët thirrjes sime!”

*Porosia më 4 tetor 1984.*

“Të dashur fëmijë!

Sot dëshiroj t’ju them se më gëzoni shpesh me lutjet tuaja, por ka mjaft të tillë në famulli që nuk luten dhe zemra ime është e pikëlluar. Prandaj, lutuni që t’ia paraqes të gjitha sakrificat dhe lutjet Zotërisë.

Ju falem nderit që ju përgjigjët thirrjes sime!”

*Porosia më 11 tetor 1984.*

“Të dashur fëmijë!

Ju faleminderit që krejt mundin tuaj ia leni në dorë Zotit – edhe tani kur Ai ju sprovon nëpërmes të fryteve që i mblidhni. Dijeni, fëmijë të dashur, se ju do, prandaj ju sprovon. Lërxani gjithmonë të gjitha ngarkesat tuaja Zotit dhe mos u brengosni.  
Ju faleminderit që ju përgjigjët thirrjes sime!”

*Porosia më 18 tetor 1984.*

“Të dashur fëmijë!

Sot ju thërras që në shtëpitë tuaja çdo ditë ta lexoni Biblën. Dhe le të jetë në vend të dukshëm, që t’ju ë gjithmonë ta lexoni dhe të luteni.  
Ju faleminderit që ju përgjigjët thirrjes sime!”

*Porosia më 25 tetor 1984.*

“Të dashur fëmijë! Lutuni në këtë muaj. Zoti më lejon çdo ditë që t’ju ndihmoj me hire, që të mbrohëni kundër të keqes. Ky është muaji im. Unë dëshiroj t’ua jap. Ju vetëm lutuni e Zoti do t’u japë huret që kërkoni. Unë do t’ju ndihmoj në këtë gjë. Ju falem nderit që ju përgjigjët thirrjes sime!”

*Porosia më 1 nëntor i 1984.*

“Të dashur fëmijë!

Sot ju thërras që të përtërinini lutjen në familjet tuaja. Punët mbaruan. Tani t’i kushtoheni lutjes. Le të jetë lutja në vend të parë në familjet tuaja.  
Ju faleminderit që ju përgjigjët thirrjes sime!”

*Porosia më 8 nëntor 1984.*

“Të dashur fëmijë!

Nuk jeni të vetëdijshëm për porositë, të cilat nëpërmes meje ju dërgon Zoti. Ju jep hire të shumta e ju nuk kuptoni. Lutnie Shpirtin e Shenjtë për shndritje. Sikur ta dinit sa hire u jep Zoti, do të luteshit pa pushim.  
Ju faleminderit që ju përgjigjët thirrjes sime!”

*Porosia më 15 nëntor 1984.*

“Të dashur fëmijë!

Ju jeni popull i zgjedhur dhe Zoti ju ka dhënë hire të shumta. Nuk jeni të vetëdijshëm për secilën porosi që jua jap. Tani dëshiroj të them vetëm: lutuni, lutuni, lutuni! Nuk di çka t’ju them tjetër, sepse ju dua dhe dëshiroj që në lutje ta njihni dashurinë time dhe dashurinë e Zotit.

Ju falem nderit që ju përgjigjët thirrjes sime!”

*Porosia më 22 nëntor 1984.*

“Të dashur fëmijë!

Këto ditë jetoni sipas porosive kryesore dhe rrënjosini në zemrat tuaja deri të enjten.

Ju falem nderit që ju përgjigjët thirrjes sime!”

*Porosia më 29 nëntor 1984.*

“Të dashur fëmijë!

Jo, nuk dini të doni dhe nuk dini që me dashuri të dëgjoni fjalët që jua jap. Vetëdijeshohuni, të dashurit e mi, se unë jam Nëna juaj dhe kam ardhë në tokë t’ju mësoj që të dëgjoni nga dashuria, të luteni nga dashuria, dhe jo nga detyrimi sepse barti kryqin. Me kryq, lavdërohet Zoti nëpërmes të çdo njeriu. Ju falem nderit që ju përgjigjët thirrjes sime!”

*Porosia më 6 dhjetor 1984.*

“Të dashur fëmijë!

Këto ditë ju thërras në lutjen familjare. Kam dhënë porosi në emër të Zotit shpesh herë por nuk më keni dëgjuar. Kjo Krishtlindje do të jetë e paharrueshme për ju vetëm nëse pranoni porosinë të cilat jua drejtoj, fëmijë të dashur, mos lejoni që dita e gëzimit të jetë për mua dita më e pikëlluar. Ju falem nderit që ju përgjigjët thirrjes sime!”

*Porosia më 13 dhjetor 1984.*

“Të dashur fëmijë!

E dini se po afrohet koha e gëzimit, kurse pa dashuri nuk do të arrini asgjë. Prandaj, së pari filloni të doni familjen tuaj, të gjithë në famulli, e atëherë do të krijoni mundësi t’i doni dhe t’i pranoni të gjithë ata që vijnë këtu. Kjo javë le të jetë java kur duhet të mësoni të doni.

Ju falem nderit që ju përgjigjët thirrjes sime!”

*Porosia më 20 dhjetor 1984.*

“Të dashur fëmijë!

Sot ju thërras që vërtetë të bëni diçka për Jezu Krishtin. Dëshiroj që secila familje e famullisë të sjellë nga një lule deri në ditën e gëzimit, si shenjë të dorëzimit Jezusit. Dëshiroj që çdo anëtar i familjes të ketë nga një lule pranë grazhdit që Jezusi të vijë dhe të shohë dorëzimin tuaj atij!

Ju falem nderit që ju përgjigjët thirrjes sime!”

*Porosia më 21 dhjetor 1984.*

*-Porosia për Krishtlindje nëpërmes Jelene Vasilj:*

“Dëshiroj që të jeni lule që do të lulëzojnë për Jezusin për Krishtlindje. Dhe lule që nuk do të pushojnë të lulëzojnë kur të kalojnë Krishtlindja. Dëshiroj që zemrat tuaja të jenë barinj të Jezusit!”

*Porosia, 27 dhjetor 1984.*

“Të dashur fëmijë!

Për këtë Krishtlindje, në mënyrë të veçantë djalli, ka dashur që të pengojë planet e mia. Ju, të dashur fëmijë, edhe në vetë ditën e Krishtlindjes e keni njohur djallin. Por Zoti ngadhënjeu në të gjitha zemrat tuaja. Dhe le të jenë zemrat tuaja edhe më tej të gëzuara.

Ju faleminderit që ju përgjigjët thirrjes sime!”

*Porosia më 3 janar 1985.*

“Të dashur fëmijë!

Këto ditë Zoti ju ka dhënë hire të shumta. Kjo javë le të jetë falënderuese për të gjitha hiret që Zoti jua ka dhënë!

Ju faleminderit që ju përgjigjët thirrjes sime!”

*Porosia më 10 janar 1985.*

“Të dashur fëmijë!

Edhe sot dëshiroj t’ju falënderoj për të gjitha sakrificat, e sidomos faleminderit atyre që janë të dashur për zemrën time dhe të cilët vijnë me dëshirë këtu. Ka mjaft njerëz nga famullia, të cilët nuk i dëgjojnë porosinë, por për shkak të atyre që janë të afërt zemrës sime në mënyrë të veçantë, i drejtoj porosinë për famullinë. Edhe më tutje do t’i drejtoj, sepse ju dua dhe dëshiroj që ju t’i përhapni porosinë me zemër.

Ju faleminderit që ju përgjigjët thirrjes sime!”

*Porosia më 17 janar 1985.*

“Të dashur fëmijë!

Këto ditë djalli lufton fshehtas kundër kësaj famullie. E ju, të dashur fëmijë, dremitni në lutje dhe vetëm disa prej jush shkojnë në meshë. Qëndroni në ditët e sprovës!

Ju faleminderit që ju përgjigjët thirrjes sime!”

*Porosia më 24 janar 1985.*

“Të dashur fëmijë!

Këto ditë e keni ndjerë ëmbëlsinë e Zotit nëpërmes përtëritjeve që kanë ndodhë në këtë famulli. Djalli dëshiron të punojë edhe më fort për t’ia rrëmbyer secilit gëzimin e tij. Me lutje mund ta çarmatosni krejtësisht dhe t’i siguron vetes gëzimin. Ju faleminderit që ju përgjigjët thirrjes sime!”

*Porosia më, 31 janar 1985.*

“Të dashur fëmijë!

Sot dëshiroj t’ju them që t’ia hapni zemrat tuaja Zotit si lulet në pranverë, të cilat ashtu dëshirojnë diellin. Unë jam nëna juaj dhe gjithmonë dëshiroj të jeni më afër Atit dhe ai gjithmonë t’u dhurojë zemrave tuaja dhurata të shumta. Ju faleminderit që ju përgjigjët thirrjes sime!”

*Porosia më, 14 janar 1985.*

*- Porosia e Zojës nëpërmes Vickës:*

“Të dashur fëmijë!

Djalli është aq i fortë dhe dëshiron me të gjitha forcat t’i pengojë planet të cilat me ju i kam filluar. Ju lutuni, vetëm lutuni dhe mos u ndalni për as një çast. Edhe unë do ta lus Birin tim që të realizohen të gjitha planet e mia që i kam filluar. Jini të durueshëm dhe të qëndrueshëm në lutje! Dhe mos lejoni që ai t’ju shkurajoi. Ai vepron shumë në botë. Jini të kujdesshëm!”

*Porosia më 7 shkurt 1985.*

“Të dashur fëmijë!

Këto ditë djalli çfaqet në mënyrë të veçantë në këtë famulli. Lutuni, fëmijë të dashur, që të realizohet plani i Zotit dhe që çdo veprim i djallit të përfundojë në lavdinë e Zotit. Unë kam qëndruar kaq gjatë që t’ju ndihmoja në sprova. Ju faleminderit që ju përgjigjët thirrjes sime!”

*Porosia më 14 shkurt 1985.*

“Të dashur fëmijë!

Sot është dita për t’ju përcjellë porosinë për famulli. Por, jo e gjithë famullia i pranon porositë dhe jeton sipas tyre. Unë jam e pikëlluar, të dashur fëmijë, dhe dëshiroj të më dëgjoni, dhe të jetoni sipas porosive të mia. Secila familje duhet ta bëjë lutjen familjare dhe të lexojë Biblën! Ju faleminderit që ju përgjigjët thirrjes sime!”

*Porosia më 21 shkurt 1985.*

“Të dashur fëmijë!

Prej ditës në dit'ju kam ftuar në përtëritje dhe lutje në famulli, por ju nuk pranoni. Sot ju thërras për herë të fundit. Tani janë kreshmët dhe ju si famulli në kreshme mund të lëvizni për dashurinë e thirrjes sime. Nëse këtë nuk e bëni, nuk dëshiroj t'ju drejtoj porosi. Zoti ma lejon këtë. Ju faleminderit që ju përgjigjët thirrjes sime!”

*Porosia më 24 shkurt 1985.*

*Në vigjilje të lajmërimit të Marisë*

“Sot dëshiroj t'ju thërras në rrëfim të gjithëve edhe po qese jeni rrëfyer para disa ditësh. Dëshiroj që festën time të gjithë ta përjetoni në brendinë tuaj. Dhe nuk mund ta përjetoni nëse nuk i ia besoni veten Zotit plotësisht. Prandaj, ju thërras të gjithëve në pajtim me Zotin

*Porosia më 28 shkurt 1985.*

“Të dashur fëmijë!

Sot ju thërras që këtë javë të jetoni sipas fjalëve: 'Unë e dua Zotin!' Të dashur fëmijë, me dashuri do t'i arrini të gjitha, madje edhe atë që mendoni se është e pamundur. Zoti dëshiron nga kjo famulli që plotësisht t'i takoni atij. Këtë edhe unë e dëshiroj. Ju faleminderit që ju përgjigjët thirrjes sime!”

*Porosia më 7 mars 1985.*

“Të dashur fëmijë!

Sot ju thërras në përtëritjen e lutjes në familjet tuaja. Të dashur fëmijë, nxitni më të vegjlit në lutje dhe që fëmijët të shkojnë në meshën e shenjtë. Ju faleminderit që ju përgjigjët thirrjes sime!”

*Porosia më 14 mars 1985.*

“Të dashur fëmijë!

Të gjithë e keni përjetuar dritën dhe terrin në jetën tuaj. Zoti bën që çdo njeri ta njohë të mirën dhe të keqen. Unë ju thërras në dritë, të cilën duhet t'ua dërgoni të gjithë njerëzve që janë në errësirë. Prej ditës në ditë në shtëpinë tuaj vijnë njerëz që janë në errësirë. T'ua jepni, të dashur fëmijë, dritën. Ju faleminderit që ju përgjigjët thirrjes sime!”

*Porosia më 21 mars 1985.*

“Të dashur fëmijë!

Dëshiroj t’ju drejtoj porosi, prandaj sot ju thërras që t’i jetoni dhe t’i pranoni porositë e mia. Të dashur fëmijë, ju dua dhe në mënyrë të veçantë e kam zgjedhur këtë famulli, e cila është për mua më e dashur se të tjerat, ku kam qëndruar me dëshirë kur më ka dërguar i Tejetlarti. Prandaj ju thërras – më pranoni, fëmijë të dashur, që edhe ju të jeni mirë. Dëgjoni porositë e mia!  
Ju faleminderit që ju përgjigjët thirrjes sime!”

*Porosia më 24 mars 1985.*

*- Vigjilja e dëftimeve të Marisë*

“Sot dëshiroj t’ju thërras në rrëfim të gjithëve, edhe sikur të jeni rrëfyer para disa ditësh. Dëshiroj që festën time të gjithë ta përjetoni në brendinë tuaj. Dhe nuk mund ta përjetoni nëse plotësisht nuk ia leni veten në dorë të Zotit. Prandaj të gjithëve ju thërras në pajtim me Zotin!”

*Porosia më 28 mars 1985.*

“Të dashur fëmijë! Sot dëshiroj t’ju thërras: lutuni, lutuni, lutuni! Në lutje do të njihni gëzimin më të madh dhe daljen nga çdo fatkeqësi që është pa rrugëdalje. Ju faleminderit që keni filluar të luteni! Secilin prej jush e kam për zemër dhe ju falënderoj të gjithëve, atyre që në familjet e tyre kanë nxitur lutjen.

Ju faleminderit që ju përgjigjët thirrjes sime!”

*Porosia më 4 prill 1985.*

*- E Enjtja E Madhe*

“Të dashur fëmijë!

Ju falënderoj se keni filluar të mendoni më shumë për lavdinë e Zotit në zemrat tuaja. Sot është dita kur kam dashur që të pushoj së drejtuari porosi, sepse disa nuk më kanë pranuar. Famullia ka lëvizur dhe dëshiroj që t’ju jap porosi si kurrë ndonjëherë më parë që të ketë ndodhur në histori prej krijimit të botës.

Ju faleminderit që ju përgjigjët thirrjes sime!”

*Porosia më 5 prill 1985.*

*- E Premtja e Madhe –*

Porosia është drejtuar nëpërmes Ivankës.

“Ju, anëtarët e famullisë keni kryq të madh dhe të rëndë, por të mos keni frikë ta bartni. Këtu është Biri im i cili do t’ju ndihmojë”

*Porosia më 11 prill 1985.*

*“Të dashur fëmijë!*

Sot dëshiroj t'ju them të gjithëve në famulli që, në mënyrë të veçantë, t'i luteni Shpirtit e Shenjtë për shndritje. Prej sot Zoti dëshiron që famullinë ta sprovtojë në mënyrë të veçantë që ta forcojë në fe.

Ju faleminderit që ju përgjigjët thirrjes sime!”

*Porosia më 18 prill 1985.*

“Të dashur fëmijë!

Sot ju falënderoj për çdo hapje të zemrave tuaja! Gëzimi më përfshin për çdo zemër që i hapet Zotit, sidomos në famulli. Gëzohuni me mua! Të gjitha lutjet t'i bëni për hapjen e zemrave mëkatare. Këtë gjë unë e dëshiroj. Këtë e dëshiron Zoti nëpërmes meje.

Ju faleminderit që ju përgjigjët thirrjes sime!”

*Porosia më 25 prill 1985.*

“Të dashur fëmijë!

Sot dëshiroj t'ju them që të filloni të punoni brenda zemrave tuaja, ashtu si punoni në ara. Punoni dhe ndryshoni zemrat tuaja, që, në zemrat tuaja, të zërë vend shpirti i ri prej Zotit.

Ju faleminderit që ju përgjigjët thirrjes sime!”

*Porosia më 2 maj 1985.*

“Të dashur fëmijë!

Sot ju thërras në lutjen me zemër dhe jo lutje nga shprehia. Disa vijnë dhe nuk dëshirojnë të lëvizin në lutje. Prandaj, dua t'ju tërheq vërejtjen si Nënë: lutuni që lutja të mbisundojë në zemrat tuaja në çdo çast.

Ju faleminderit që ju përgjigjët thirrjes sime!”

*Porosia më 9 maj 1985.*

“Të dashur fëmijë! Jo, ju nuk dini sa hire jua jep Zoti. Ju nuk dëshironi të lëvizni këto ditë, kur Shpirti i Shenjtë vepron në mënyrë të veçantë. Zemrat tuaja janë të kthyera kah gjërat tokësore dhe ato ju preokupojnë. Ktheni zemrat tuaja kah lutja dhe kërkoni që Shpirti i Shenjtë të derdhet në ju.

Ju faleminderit që ju përgjigjët thirrjes sime!”

*Porosia më 16 maj 1985.*

“Të dashur fëmijë!



Ju thërras në lutje më të angazhuar dhe dëgjimin e meshës. Dëshiroj që mesha juaj të jetë përjetim i Zotit. Sidomos dëshiroj t'ju them të rinjëve: hapuni për Shpirtin e Shenjtë, sepse Zoti dëshiron t'ju tërheq kah vetja këto ditë kur djalli vepron!  
Ju faleminderit që ju përgjigjët thirrjes sime!”

*Porosia më, 23 maj 1985.*

“Të dashur fëmijë!

Këto ditë në mënyrë të veçantë ju thërras që t'i hapni zemrën Shpirtit të Shenjtë. Sidomos këto ditë Shpirti i Shenjtë vepron nëpërmes jush. Hapni zemrat dhe besojani jetën tuaj Jezusit që ai të veprojë nëpërmes zemrave tuaja dhe t'ju forcojë në fe.  
Ju faleminderit që ju përgjigjët thirrjes sime!”

*Porosia më 30 maj 1985.*

“Të dashur fëmijë!

Përsëri ju thërras në lutjen me zemër. Fëmijë të dashur, le t'ju jetë lutja ushqim i përditshëm sidomos kur puna në fushë ju rraskapit aq sa nuk mund të luteni me zemër. Lutuni e atëherë do të mbizotëroni çdo lodhje. Lutja do të jetë për ju gëzim dhe pushim.  
Ju faleminderit që ju përgjigjët thirrjes sime!”

*Porosia më 6 qershor 1985.*

“Të dashur fëmijë!

Këto ditë në famulli do të vijnë njerëz të të gjitha kombeve. Edhe tani ju ftoj në dashuri: doni së pari familjarë tuaj, e pastaj mund t'i pranoni dhe t'i doni të gjithë që vijnë.  
Ju faleminderit që ju përgjigjët thirrjes sime!”

*Porosia më 13 qershor 1985.*

“Të dashur fëmijë!

Ju thërras që deri te përvjetori: ju, famullia, të luteni më shumë dhe lutja juaj le të jetë shenjë e dorëzimit Zotit. Të dashur fëmijë, e di se jeni të gjithë të lodhur; jo, nuk dini ta lini veten në duart e mia. M'u dorëzoni plotësisht mua këto ditë!  
Ju faleminderit që ju përgjigjët thirrjes sime!”

*Porosia më 20 qershor 1985.*

“Të dashur fëmijë!

Për këtë festë dëshiroj t'ju them t'ia hapni zemrat Zotërisë së të gjitha zemrave. M'i jepni të gjitha ndjenjat dhe të gjitha problemet! Unë dëshiroj t'ju ngushëlloj në sprovat tuaja. Dëshiroj t'ju mbush me paqe, gëzim dhe dashuri të Zotit.

Ju faleminderit që ju përgjigjët thirrjes sime!”

*Porosia më 25 qershor 1985.*

“Ju thërras të gjithëve në lutjen e rruzares. Me rruzare do t’i kapërceni të gjitha vështirësitë, të cilat dëshiron t’i shkaktojë djalli kundër Kishës katolike. Lutni rruzaren të gjithë meshtarët! Kushtoni kohë rruzares!”

(Këtë porosi Zoja e ka drejtuar në pyetjen e Marija Pavloviq: ‘Zojë, çka dëshiron t’u porositësh meshtarëve?’)

*Porosia më 28 qershor 1985.*

“Të dashur fëmijë!

Sot ju drejtoj porosinë, me të cilën dëshiroj t’ju thërras në përvujtëri. Këto ditë keni ndjerë gëzim të madh për shkak të të gjithë njerëzve që kanë ardhë. Me dashuri keni folur për përvojat tuaja. Tani ju thërras që në përvujtëri dhe me zemër të hapur të vazhdoni t’ju flisni të gjithëve që vijnë. Ju faleminderit që ju përgjigjët thirrjes sime!”

*Porosia më 4 korrik 1985.*

“Të dashur fëmijë!

Ju falënderoj për të gjitha sakrificat që keni paraqitur. Edhe tani ju që çdo sakrificë ta paraqitni me dashuri. Juve që ju mungon ndihma, dëshiroj të filloni për të ndihmuar me besim, dhe Zotëria do t’ju japë në besim.

Ju faleminderit që ju përgjigjët thirrjes sime!”

*Porosia më 11 korrik 1985.*

“Të dashur fëmijë!

E dua famullinë dhe me pelerinën time e ruaj prej çdo veprimi të djallit. Lutuni që djalli të largohet nga famullia dhe nga secili që vjen në famulli. Kështu do ta krijoni mundësinë të dëgjoni çdo thirrje të Zotit dhe të përgjigjeni me jetën tuaj.

Ju faleminderit që ju përgjigjët thirrjes sime!”

*Porosia më 18 korrik 1985.*

“Të dashur fëmijë!

Sot ju thërras të vendosni në shtëpitë tuaja sa më shumë gjësende të bekuara dhe secili person le të ketë ndonjë send të bekuar me vete. Të gjitha gjërat bekon, kështu djalli do t’ju sulmojë më pak, sepse do ta keni mbrojtjen kundër tij.

Ju faleminderit që ju përgjigjët thirrjes sime!”

*Porosia më 25 korrik 1985.*

“Të dashur fëmijë!

Unë dëshiroj t’ju prij, kurse ju nuk dëshironi t’i dëgjoni porositë e mia. Sot ju thërras t’i dëgjoni porositë e pastaj do të keni mundësi t’i përjetoni të gjitha ato që Zoti më thotë t’ua përcjell. T’i hapeni Zotit dhe Zoti, nëpërmes jush, do të veprojë dhe do t’ju japë çdo gjë që ju duhet. Ju faleminderit që ju përgjigjët thirrjes sime!”

*Porosia më 1 gusht 1985.*

“Të dashur fëmijë!

Dëshiroj t’ju them se këtë famulli e kam zgjedhur, se e ruaj në duart e mia si lulen që nuk dëshiron të shuhet. Unë ju thërras të më bini në dorë, për t’iu dhuruar juve Zotit, ashtu të freskët dhe të pamëkatë. Djalli e ka rrëmbyer një pjesë të planit dhe dëshiron ta përvetësojë. Lutuni që të mos ketë sukses në këtë gjë, sepse ju dua për vete, që juve t’ju dhuroj Zotit. Ju faleminderit që ju përgjigjët thirrjes sime!”

*Porosia më 8 gusht 1985.*

“Të dashur fëmijë!

Sot ju thërras të qëndroni në lutje kundër djallit, sidomos tani. Djalli dëshiron të veprojë tani kur e dini se vepron. Të dashur fëmijë, vishuni me rrobat e luftës dhe, me rruzaren në dorë, mundeni! Ju faleminderit që ju përgjigjët thirrjes sime!”

*Porosia më 15 gusht 1985.*

“Të dashur fëmijë!

Sot ju bekoj dhe dëshiroj t’ju them se ju dua dhe ju të jetoni sipas porosive të mia. Sot ju jap një bekim të veçantë që ma jep i Tejetlarti. Ju faleminderit që ju përgjigjët thirrjes sime!”

*Porosia më 22 gusht 1985.*

“Të dashur fëmijë!

Sot dëshiroj t’ju them se Zoti dëshiron t’ju dërgojë aso sprovash, të cilat mund t’i mposhtni me lutje. Zoti ju sprovon nëpërmes punëve të përditshme. Tani lutuni ta kaloni në qetësi çdo provë. Prej të gjithave, me çka Zoti ju sprovon, dilni para Zotit më të hapur dhe me dashuri. Ju faleminderit që ju përgjigjët thirrjes sime!”

*Porosia më 29 gusht 1985.*

“Të dashur fëmijë!

Ju thërras në lutje! Sidomos kur djalli dëshiron të shërbehet me frytet e vreshtit tuaj. Lutuni që djalli të mos ketë sukses në planin e vet.

Ju faleminderit që ju përgjigjët thirrjes sime!”

*Porosia më 5 shtator 1985.*

“Të dashur fëmijë!

Sot ju falënderoj për të gjitha lutjet! Lutuni edhe më tutje sa më shumë, kështu djalli do të jetë larg nga ky vend. Të dashur fëmijë, plani i djallit ka dështuar. Lutuni që të realizohet ajo që Zoti planifikon në këtë famulli. I falënderoj sidomos të rinjtë për sakrificat që kanë paraqitur.

Ju faleminderit që ju përgjigjët thirrjes sime!”

*Porosia më 12 shtator 1985.*

“Të dashur fëmijë!

Dëshiroj t’ju them që këto ditë të jetë kryqi në vendin qendror. Lutuni sidomos para kryqit, prej të cilit vijnë shumë hire. Tani bëjeni në shtëpitë tuaja një kushtimin të veçantë për kryqin. Premtoni se nuk do ta fyeni e përbuzni Jezusin as kryqin.

Ju faleminderit që ju përgjigjët thirrjes sime!”

*Porosia më 19 shtator 1985.*

Nuk kishte porosi

*Porosia më 20 shtator 1985.*

“Të dashur fëmijë!

Sot ju thërras, që, në përvujtëri, të jetoni sipas porosive, të cilat jua drejtoj. Të dashur fëmijë, të mos jini mendjemëdhenj, duke jetuar sipas porosive dhe duke folur: ‘Unë jetoj sipas porosive’. Nëse në zemër i bartni porositë dhe nëse i përjetoni, të gjithë do ta ndiejnë, kështu që nuk do të jenë të nevojshme fjalët që ju shërbejnë atyre që nuk dëgjojnë. Ju nuk keni nevojë të flisni. Ju, të dashur fëmijë, duhet të jetoni dhe të dëshmoni me jetë.

Ju faleminderit që ju përgjigjët thirrjes sime!”

*Porosia më 26 shtator 1985.*

“Të dashur fëmijë!

Ju falënderoj për të gjitha lutjet. Ju faleminderit për të gjitha sakrificat. Dëshiroj t'ju them, të dashur fëmijë, t'i përsëritni porositë që jua drejtoj. Sidomos jetoni në agjërim, sepse me agjërim do të bëni të realizohet i tërë plani që Zoti planifikon këtu në Megjugorje dhe do të më dhuroniz gëzim.

Ju faleminderit që ju përgjigjët thirrjes sime!”

### *Porosia më 3 tetor 1985.*

“Të dashur fëmijë!

Dëshiroj t'ju them t'i falënderoheni Zotit për të gjitha huret që jua ka dhënë. Për të gjitha frytet falënderoni Zotërinë dhe lavdërojeni Atë! Të dashur fëmijë, mësoni të falënderoheni për gjëra të vogla, e pastaj do të keni mundësi të falënderoni edhe për të mëdhatë.

Ju faleminderit që ju përgjigjët thirrjes sime!”

### *Porosia më 10 tetor 1985.*

“Të dashur fëmijë!

Dëshiroj që edhe sot t'ju thërras për t'i realizuar porositë në famulli. Sidomos dëshiroj t'i thërras të rinjtë e kësaj famullie, të cilën e kam për zemër. Të dashur fëmijë, nëse i realizoni porositë, do ta krijoni farën e shenjtërisë. Si Nënë, dëshiroj t'ju thërras të gjithëve në shenjtëri, që t'ua jepni mandej këtë të tjerëve. Ju jeni pasqyrë për të tjerët!

Ju faleminderit që ju përgjigjët thirrjes sime!”

### *Porosia më 17 tetor 1985.*

“Të dashur fëmijë!

Çdo gjë e ka kohën e vet. Sot ju thërras të punoni në zemrat tuaja. Tani kanë përfunduar të gjitha punët në fushë: ju gjeni kohë edhe për pastrimin e të gjitha kthinave të lëna pas dore, kurse zemrën e anashkaloni. Punoni më shumë dhe ta pastroni me dashuri çdo pjesë të zemrës.

Ju faleminderit që ju përgjigjët thirrjes sime!”

### *Porosia më 24 tetor 1985.*

“Të dashur fëmijë!

Dëshiroj që prej ditës në ditë t'ju vesh me shenjtëri, me mirësi, me dëgjuesë e me dashuri të Zotit, nga dita në ditë të jeni më të bukur dhe më të gatshëm për Zotërinë tuaj. Të dashur fëmijë! Dëgjoni dhe jetësoni porositë e mia. Unë dëshiroj t'ju prij.

Ju faleminderit që ju përgjigjët thirrjes sime!”

### *Porosia më 31 tetor 1985.*

“Të dashur fëmijë!

Sot dëshiroj t'ju thërras në punë në Kishë. Të gjithëve ju dua njësoj dhe prej të gjithëve dëshiroj të punojnë aq sa munden. E di, fëmijë të dashur, ju mund ta bëni këtë, por nuk dëshironi, sepse ndjeheni të vegjël dhe të përvuajtur në këto punë. Duhet të jeni të guximshëm dhe me lule të vogla t'i kontribuoni kishës dhe Jezusit, në mënyrë që të jenë të gjithë të lumtur. Ju faleminderit që ju përgjigjët thirrjes sime!”

### *Porosia më 7 nëntor 1985.*

“Të dashur fëmijë!

Ju thërras të keni dashuri ndaj të afërmit, dashuri ndaj atij, prej të cilit ju vjen e keqja. Kështu, me dashuri do të krijoni mundësinë t'i gjykoni njetet e zemrës. – Lutuni dhe dashuroni, të dashur fëmijë! Me dashuri mund të bëni edhe atë që mendoni se është e pamundur. Ju faleminderit që ju përgjigjët thirrjes sime!”

### *Porosia më 14 nëntor 1985.*

“Të dashur fëmijë!

Unë, Nëna juaj, ju dua dhe dëshiroj t'ju jap zemër të luteni. Unë jam e palodhshme, fëmijë të dashur, dhe ju thërras edhe atëherë kur jeni larg meje. Unë jam Nëna, madje edhe kur ndiej dhembje për secilin që ka humbur rrugën, e bëj faljen me lehtësi dhe i gëzohem çdo fëmije, i cili më kthehet.

Ju faleminderit që ju përgjigjët thirrjes sime!”

### *Porosia më 21 nëntor 1985.*

“Të dashur fëmijë!

Dëshiroj t'ju them se mu kjo është koha, sidomos për ju të famullisë. Në verë thoni se keni shumë punë. Tani nuk ka punë në ara: punoni brenda vetes, personalisht! Ejani në meshë, sepse kjo është koha e dhuratave për ju. Të dashur fëmijë, ka mjaft të tillë që vijnë rregullisht përkundër motit të lig, sepse më duan dhe dëshirojnë në mënyrë të veçantë të tregojnë dashurinë e vet. Prej jush pres të tregoni dashurinë tuaj me ardhjen në meshë, Kurse Zotëria do t'ju shpërblejë mbushulli.

Ju faleminderit që ju përgjigjët thirrjes sime!”

### *Porosia më 28 nëntor 1985.*

“Të dashur fëmijë!

Dëshiroj t'i falënderoj të gjithë për të gjitha ato që i kanë bërë për mua. Sidomos të rinjtë! Ju lutem, të dashur fëmijë, t'i qaseni lutjes me vetëdije. Në lutje do ta njihni madhësitin e Zotit.

Ju faleminderit që ju përgjigjët thirrjes sime!”

*Porosia më 5 dhjetor 1985.*

“Të dashur fëmijë!

Ju thërras që për Krishtlindje të përgatiteni me pendesë dhe lutje. Mos shikoni, fëmijë të dashur, në gjërat materiale, sepse atëherë nuk do të mund të përjetoni Krishtlindjen.

Ju faleminderit që ju përgjigjët thirrjes sime!”

*Porosia më 12 dhjetor 1985.*

“Të dashur fëmijë!

Për Krishtlindje ju thërras që, së bashku, ta lavdërojmë Jezusin. Në mënyrë të veçantë unë jua jap në dorëzim atë ditë dhe ju thërras ta lavdërojmë Jezusin e lindjen e tij. Të dashur fëmijë, atë ditë lutje mendoni sa më tepër në Jezusin. Ju faleminderit që ju përgjigjët thirrjes sime!”

*Porosia më 19 dhjetor 1985.*

“Të dashur fëmijë!

Sot dëshiroj t’ju thërras në dashuri ndaj të afërmit. Nëse shfaqni dëshirë ta duani të afërmin, do ta ndjeni Jezusin më shumë, sidomos për Krishtlindje. Zoti do t’ju dhurojë shumë dhurata, nëse i i bini në dorë Atij. Dëshiroj, në mënyrë të posaçme për Krishtlindje, që nënave t’u jap bekimin tim të veçantë amënor, kurse të tjerët do t’i bekojë Jezusi me bekimin e vet.

Ju faleminderit që ju përgjigjët thirrjes sime!”

*Porosia më 26 dhjetor 1985.*

“Të dashur fëmijë!

Dëshiroj t’i falënderoj të gjithë që i kanë dëgjuar porosinë e mia dhe të cilët në ditën e Krishtlindjes kanë jetuar ashtu si kam thënë. Dëshiroj që tani e tutje, të papërlyer me mëkat, t’ju prij në dashuri. M’i dorëzoni zemrat tuaja.

Ju faleminderit që ju përgjigjët thirrjes sime!”

*Porosia më 2 janar 1986.*

“Të dashur fëmijë!

Ju thërras që plotësisht t’i jepeni Zotit. Ju lutem, të dashur fëmijë, që ta lini veten plotësisht në dorën e Tij dhe mandej të jetoni sipas të gjitha atyre që unë ju them: nuk do ta keni të vështirë që plotësisht t’ia besoni veten në dorë Zotit.

Ju falem nderit që ju përgjigjët thirrjes sime!”

*Porosia më 9 janar 1986.*

“Të dashur fëmijë!

Ju thërras që me lutjet tuaja t’i ndihmoni Jezusit në realizimin e të gjitha planeve që Ai i bën këtu. T’i paraqitni fli Jezusit që të realizohet çdo gjë ashtu si ai e ka planifikuar, që djalli të mos ketë mundësi të bëjë asgjë.

Ju falem nderit që ju përgjigjët thirrjes sime!”

*Porosia më 16 janar 1986.*

“Të dashur fëmijë!

Edhe sot ju thërras në lutje. Më duhen lutjet e juaja që Zoti të lavdërohet nëpërmes të gjithë juve. Të dashur fëmijë, ju lutem, dëgjoni dhe jetoni sipas thirrjes së Nënës, sepse ju thërras vetëm nga dashuria që t’ju ndihmoj.

Ju falem nderit që ju përgjigjët thirrjes sime!”

*Porosia më 23 janar 1986.*

“Të dashur fëmijë!

Ju thërras përsëri të luteni me zemër. Nëse luteni, të dashur fëmijë, me zemër, do të shkrihet akulli i vëllezërve tuaj dhe do të zhduken të gjitha pengesat. Kthimi do të jetë i lehtë për të gjithë ata që duan ta pranojnë. Kjo është dhuratë që duhet ta nxirrni për të afërmin tuaj.

Ju falem nderit që ju përgjigjët thirrjes sime!”

*Porosia më 30 janar 1986.*

“Të dashur fëmijë!

Sot ju thërras në lutje që të realizohen planet e Zotit me ju dhe çdo gjë që Zoti dëshiron nëpërmes jush! Ndhmoni që të kthehen të tjerët, sidomos ata që vijnë në Megjugorje. Të dashur fëmijë, mos lejoni që djalli të mbisundojë në zemrat tuaja dhe të jeni pamje e tij, e jo imja. Ju thërras që të luteni për të qenë dëshmitarë të pranisë sime. Pa ju Zoti nuk mund të realizojë atë që dëshiron. Zoti u ka dhënë të gjithëve vullnetin e lirë, dhe ju e keni në dorë për ta përdorur atë.

Ju falem nderit që ju përgjigjët thirrjes sime!”

*Porosia më 6 shkurt 1986.*

“Të dashur fëmijë!

Kjo famulli, të cilën e kam zgjedhur, është e veçantë dhe dallohet nga të tjerat. Edhe unë ju jap hire të mëdha të gjithë atyre që luten me zemër. Të dashur fëmijë, ju drejtoj porosi, së pari banorëve të famullisë, e pastaj të gjithë të tjerëve. Ju duhet të parët t’i pranoni porositë e pastaj të tjerët. Ju do të më përgjigjeni mua dhe Birit tim Jezusit.

Ju falem nderit që ju përgjigjët thirrjes sime!”



*Porosia më 13 shkurt 1986.*

“Të dashur fëmijë!

Këto kreshme janë për ju nxitje e veçantë që të ndërroheni. Filloni nga ky çast. Shkyçeni televizorin dhe braktisni gjërat e ndryshme që nuk i keni të dobishme. Të dashur fëmijë, ju thërras që një nga një të ktheheni. Kjo është koha juaj.

Ju falem nderit që ju përgjigjët thirrjes sime!”

*Porosia më 20 shkurt 1986.*

“Të dashur fëmijë!

Porosia e dytë e kreshmëve ka të bëjë me ripërtëritjen e lutjes para kryqit. Të dashur fëmijë, ju jap hire të veçanta, kurse Jezusi dhurata të veçanta nga kryqi. Merrini dhe përjetoni! Meditoni mundimin e Jezusit dhe bashkohuni me Jezusin në jetë! Ju falem nderit që ju përgjigjët thirrjes sime!”

*Porosia më 27 shkurt 1986.*

“Të dashur fëmijë!

Përjetoni në përvujtëri porosinë që ju jap.

Ju falem nderit që ju përgjigjët thirrjes sime!”

*Porosia më 6 mars 1986.*

“Të dashur fëmijë!

Edhe sot ju thërras që më shumë t’i hapeni Zotit, në mënyrë që të veprojnë nëpërmes jush. Për aq sa do të hapeni, aq fryte do të pranoni. Dëshiroj që përsëri t’ju thërras në lutje.

Ju falem nderit që ju përgjigjët thirrjes sime!”

*Porosia më 13 mars 1986.*

“Të dashur fëmijë!

Sot ju thërras që me sakrificat tuaja të vogla t’i përjetoni keshmët. Ju falem nderit për çdo sakrificë që ma keni paraqitur mua. Të dashur fëmijë, jetoni kështu edhe më tutje dhe me dashuri më ndihmoni që të paraqes sakrificën. Zoti do t’ju shpërblejë për këtë.

Ju falem nderit që ju përgjigjët thirrjes sime!”

*Porosia më 20 mars 1986.*

“Të dashur fëmijë!

Sot ju thërras t’i qaseni lutjes me angazhim. Dëshironi të realizoj çdo gjë që ju them, por nuk keni sukses, sepse nuk luteni. Të dashur fëmijë, ju lutem, hapuni dhe filloni që të luteni. Lutjen do ta keni gëzim: nëse filloni, nuk do të mërziteni, sepse do të luteni nga gëzimi. Ju falem nderit që ju përgjigjët thirrjes sime!”

*Porosia më 27 mars 1986.*

“Të dashur fëmijë!

Dëshiroj t’ju falënderoj për të gjitha sakrificat dhe ju thërras për sakrificën më të madhe, atë të dashurisë. Pa dashuri nuk mund të na pranoni as mua as Birin tim. Nuk mund t’u tregoni përvojat tuaja të tjerëve. Prandaj ju thërras, të dashur fëmijë, ta jetoni dashurinë në vete. Ju falem nderit që ju përgjigjët thirrjes sime!”

*Porosia më 3 prill 1986.*

“Të dashur fëmijë!

Dëshiroj t’ju thërras në përjetimin e meshës së shenjtë. Shumë prej jush e keni ndjerë bukurinë e meshës, por ka edhe të tillë që nuk vijnë me dëshirë. Unë ju kam zgjedhur, të dashur fëmijë, kurse Jezusi ju jep mëshirën e vet në meshë. Prandaj ta përjetoni meshën e shenjtë në mënyrë të vetëdijshme dhe le ta keni atje një shkuarje të gëzuar. Ejani me dashuri dhe ta pranoni meshën e shenjtë.

Ju falem nderit që ju përgjigjët thirrjes sime!”

*Porosia më 10 prill 1986.*

“Të dashur fëmijë!

Dëshiroj t’ju thërras që të rriteni në dashuri. Lulja nuk mund të rritet normalisht pa dashuri. Kështu edhe ju, të dashur fëmijë, pa bekimin e Zotit nuk mund të rriteni. Duhet prej ditës në ditë të kërkoni bekimin që të rriteni normalisht, në mënyrë që t’i kryeni të gjitha punët me Zotin.

Ju falem nderit që ju përgjigjët thirrjes sime!”

*Porosia më 17 prill 1986.*

“Të dashur fëmijë!

Jeni të preokupuar me gjëra materiale, kurse në materie i humbni të gjitha që Zoti dëshiron t’ua japë. Ju thërras, të dashur fëmijë, të luteni për dhuratat e Shpirtit të Shenjtë, të cilat tani ju duhen që të dëshmonir praninë time këtu dhe të gjitha ato që jua jap. Të dashur fëmijë, ma basoni vetveten tuaj krejtësisht mua që t’ju prij plotësisht. Mos u preokuponi me gjëra materiale.

Ju falem nderit që ju përgjigjët thirrjes sime.”

*Porosia më 24 prill 1986.*

“Të dashur fëmijë!

Sot ju thërras që të luteni. Të dashur fëmijë, po harroni se të gjithë jeni të rëndësishëm. Sidomos të moshuarit janë të rëndësishëm në familje. Jepuni zemër që të luteni. Të gjithë të rinjtë le të jenë shembull për të tjerët, le të dëshmojnë për Jezusin. Të dashur fëmijë, ju lutem, filloni të ndërroheni nëpërmes lutjes dhe do ta dini se çka duhet të bëni.

Ju falem nderit që ju përgjigjët thirrjes sime!”

*Porosia më 1 maj 1986.*

“Të dashur fëmijë!

Ju lutem, filloni për ta ndërruar jetën tuaj në familje. Le të jetë familja lule harmonike, të cilën unë dëshiroj t’ia jap Jezusit. Të dashur fëmijë, secila familje le të jetë e angazhuar në lutje, dhe dëshiroj që një ditë të shihen edhe frytet në familje. Vetëm kështu, si petale, të gjithëve do t’ju dorëzoj Jezusit në realizimin e planeve të Zotit.

Ju falem nderit që ju përgjigjët thirrjes sime!”

*Porosia më 8 maj 1986.*

“Të dashur fëmijë!

Ju jeni përgjegjës për porositë. Këtu është burimi i hirit, kurse ju, të dashur fëmijë, enët që bartin dhuratat. Prandaj, të dashur fëmijë, ju thërras që punën tuaj ta bëni me përgjegjësi. Secili do të përgjigjet sipas masës së vet. Të dashur fëmijë, ju thërras që dhuratat t’ua jepni të tjerëve me dashuri, dhe jo t’i mbani për vete.

Ju falem nderit që ju përgjigjët thirrjes sime!”

*Porosia më 15 maj 1986.*

“Të dashur fëmijë!

Sot ju thërras të ma jepni zemrën tuaj, në mënyrë që ta ndërroj dhe të jetë e ngjashme me timen. I shtroni pyetjen vetes, të dashur fëmijë, pse nuk mund t’u përgjigjeni kërkesave që ushtroj. Nuk mundeni, sepse nuk ma kemi dhënë zemrën tuaj që ta ndërroj. Ju flisni, por nuk punoni. Ju thërras që të bëni çdo gjë që ju them. Kështu do të jem me ju.

Ju falem nderit që ju përgjigjët thirrjes sime!”

*Porosia më 22 maj 1986.*

“Të dashur fëmijë!

Sot dëshiroj t’ju jap dashurinë time. Ju nuk dini, të dashur fëmijë, sa është dashuria ime dhe nuk dini ta pranoni. Në mënyra të ndryshme dëshiroj t’ua shfaq, por ju, të dashur fëmijë, nuk e njihni. Ju nuk i kuptoni fjalët e mia me zemër, prandaj as nuk mund ta kuptoni dashurinë time. Të dashur fëmijë, më pranoni mua në jetën tuaj dhe kështu ta pranoni çdo gjë që ju them dhe në çka

ju thërras.  
Ju falem nderit që ju përgjigjët thirrjes sime!”

*Porosia më 29 maj 1986.*

“Të dashur fëmijë!

Sot ju thërras ta realizoni në jetën tuaj dashurinë ndaj Zotit dhe të afërmit. Pa dashuri, të dashur fëmijë, nuk mund të bëni asgjë. Prandaj, të dashur fëmijë, ju thërras ta realizoni dashurinë e ndërsjellë. Vetëm kështu do të keni mundësi të doni dhe të më pranoni mua dhe të gjithë të tjerët rreth jush që vijnë në famulli. Të gjithë do ta ndiejnë dashurinë time nëpërmes jush. Prandaj, ju lus, të dashur fëmijë, filloni prej sot të doni me dashuri të zjarrtë, me dashurinë me të cilën unë ju dua.

Ju falem nderit që ju përgjigjët thirrjes sime!”

*Porosia më 5 qershor 1986.*

“Të dashur fëmijë!

Sot ju thërras të merrni vendim se a do t’i realizoni porositë që jua jap. Dua të jeni të angazhuar në jetësimin dhe në përcjelljen e porosive. Sidomos, të dashur fëmijë, dëshiroj të jeni të gjithë shkëlqimi i Jezusit që do t’i bëjë dritë kësaj bote të pafe, e cila hapëron në errësirë. Dëshiroj që të gjithë të jeni dritë për të gjithë. Të dashur fëmijë, nuk jeni të thirrur për në errësirë, por jeni të thirrur për në dritë. Prandaj, jini dritë me jetën tuaj.

Ju falem nderit që ju përgjigjët thirrjes sime!”

*Porosia më 12 qershor 1986.*

“Të dashur fëmijë!

Sot ju thërras që me fe të gjallë të filloni të lutni rruzaren. Kështu unë mund t’ju ndihmoj. Ju, të dashur fëmijë, i dëshironi hiret, por nuk luteni. Unë nuk mund t’ju ndihmoj, sepse ju nuk doni të filloni. Të dashur fëmijë, ju thërras ta lutni rruzaren, që rruzarja të jetë obligim për ta kryer me gëzim. Kështu do ta kuptoni pse jam kaq gjatë me ju. Dëshiroj t’ju mësoj të luteni.

Ju falem nderit që ju përgjigjët thirrjes sime!”

*Porosia më 19 qershor 1986.*

“Të dashur fëmijë!

Këto ditë Zotëria im më lejoi që t’ju nxjerr më shumë hire. Prandaj, dëshiroj t’ju jap zemër përsëri që të luteni, të dashur fëmijë! Lutuni pa pushim! Kështu do t’ju jap gëzimin që mua më jep Zotëria. Me këto hire, të dashur fëmijë, dëshiroj që vuajtjet tuaja të jenë gëzim. Unë jam Nëna juaj dhe dëshiroj t’ju ndihmoj.

Ju falem nderit që ju përgjigjët thirrjes sime!”

*Porosia më 26 qershor 1986.*

“Të dashur fëmijë!

Zoti më lejoi që me të të krijoj këtë oazë paqeje. Dëshiroj t’ju thërras ta ruani, që oaza të jetë gjithmonë e pastër. Ka të atillë që, me pakujdesinë e vet, e shkatërrojnë paqen dhe lutjen. Unë ju thërras të dëshmoni dhe me jetën tuaj të ndihmoni të ruhet paqja.

Ju falem nderit që ju përgjigjët thirrjes sime!”

*Porosia më 3 korrik 1986.*

“Të dashur fëmijë!

Sot ju thërras të gjithëve në lutje. Pa lutje, të dashur fëmijë, nuk mund ta ndjeni as Zotin as mua mëshirimet që jua jap. Prandaj ju thërras që fillimi dhe fundi i ditës suaj të jetë lutja. Të dashur fëmijë, dëshiroj t’ju prij prej ditës në ditë sa më shumë në lutje, por nuk mund të rriteni, sepse nuk dëshironi. Ju thërras, të dashur fëmijë, që lutjen ta keni në vend të parë.

Ju falem nderit që ju përgjigjët thirrjes sime!”

*Porosia më 10 korrik 1986.*

“Të dashur fëmijë!

Sot ju thërras në shenjtëri. Pa shenjtëri nuk mund të jetoni. Prandaj, me dashuri mposhteni çdo mëkat dhe me dashuri mundini të gjitha vështirësitë që ju vijnë. Të dashur fëmijë, ju lutem, brenda vetes ta realizoni dashurinë.

Ju falem nderit që ju përgjigjët thirrjes sime!”

*Porosia më 17 korrik 1986.*

“Të dashur fëmijë!

Sot ju thërras të mendoni, përse jam kaq gjatë me ju. Unë jam Ndërmjetësuesja në mes jush dhe Zotit. Prandaj, të dashur fëmijë, dëshiroj t’ju thërras që prej dashurisë të jetoni përgjithmonë ashtu si dëshiron Zoti prej jush. Pra, të dashur fëmijë, në këtë përvujtëri t’i përjetoni të gjitha porosinë që jua jap. Ju falem nderit që ju përgjigjët thirrjes sime!”

*Porosia më 24 korrik 1986.*

“Të dashur fëmijë!

Gëzohem për të gjithë ju që jeni në rrugën e shenjtërisë dhe ku lutem, t’u ndihmoni me dëshminë tuaj të gjithë atyre që nuk dinë të jetojnë në shenjtëri. Prandaj, të dashur fëmijë, familja juaj le të jetë vendi ku lind shenjtëria. Ndhimojuni të gjithëve të jetojnë shenjtërinë, e sidomos familjes suaj.

Ju falem nderit që ju përgjigjët thirrjes sime!”

*Porosia më 31 korrik 1986.*

“Të dashur fëmijë!

Urrejtja krijon përçarje dhe nuk sheh askënd dhe asgjë. Unë ju thërras që gjithnjë t’i bartni pajtimin dhe paqen. Sidomos, të dashur fëmijë, në vendin ku jetoni, veproni me dashuri. Le të jetë për ju dashuria e vetmja vegël. Me dashuri kthehet në të mirë çdo gjë që djalli dëshiron ta shkatërrojë dhe ta përvetësojë. Vetëm kështu do të jeni plotësisht të mitë dhe unë do t’ju ndihmoj.

Ju falem nderit që ju përgjigjët thirrjes sime!”

*Porosia më 7 gusht 1986.*

“Të dashur fëmijë!

E dini se ju kam premtuar oazën e paqes, por nuk e dini se pranë oazës është shkretëtira, ku kanoset djalli dhe dëshiron që ta sprovtojë secilin prej jush. Të dashur fëmijë, vetëm me lutje mund ta mposhtni secilin ndikim të djallit në vendin tuaj. Unë jam me ju, por nuk mund t’ua marr lirinë tuaj.

Ju falem nderit që ju përgjigjët thirrjes sime!”

*Porosia më 14 gusht 1986.*

“Të dashur fëmijë!

Ju thërras që lutja juaj të jetë takim i gëzueshëm me Zotërinë. Nuk mund t’ju prij derisa ju vetë ta arrini për ta ndjerë gëzimin në lutje. Unë dëshiroj t’ju prij prej ditës në ditë gjithnjë e më tepër në lutje, por nuk dua t’ju detyroj.

Ju falem nderit që ju përgjigjët thirrjes sime!”

*Porosia më 21 gusht 1986.*

“Të dashur fëmijë!

Ju falënderoj për dashurinë që më shfaqni. E dini, të dashur fëmijë, se ju dua pamasë dhe prej ditës në ditë e lus Zotërinë t’ju ndihmojë që të kuptoni dashurinë që ju çfaq. Prandaj, të dashur fëmijë, lutuni, lutuni, lutuni!

Ju falem nderit që ju përgjigjët thirrjes sime!”

*Porosia më 28 gusht 1986.*

“Të dashur fëmijë!

Ju thërras që në çdo gjë ju të jeni shembull për të tjerët, sidomos në lutje dhe dëshmi. Të dashur fëmijë, nuk mund t’i ndihmoj botës pa ju. Dëshiroj që në çdo gjë të bashkëpunoni me mua, edhe

në gjërat më të vogla. Prandaj, të dashur fëmijë, më ndihmoni që lutja t'ju burojë prej zemrës dhe të gjithë ta lini veten në dorën time plotësisht. Kështu, do të kem mundësi t'ju mësoj dhe t'ju prij në këtë rrugë që e nisa me ju.

Ju falem nderit që ju përgjigjët thirrjes sime!”

#### *Porosia më 4 shtator 1986.*

“Të dashur fëmijë!

Edhe sot ju thërras në lutje dhe agjërim. E dini, të dashur fëmijë, se me ndihmën tuaj mund të bëj çdo gjë, ta detyroj djallin të mos ngashënjë në të keqen dhe të largohet nga ky vend. Djalli kërcënon, të dashur fëmijë, secilin individ. Sidomos dëshiron, që, në punët e përditshme, të fusë pësjtjellim tek secili prej jush. Prandaj, të dashur fëmijë, ju thërras që dita juaj të jetë vetëm lutje dhe dorëzim Zotit.

Ju falem nderit që ju përgjigjët thirrjes sime!”

#### *Porosia më 11 shtator 1986.*

“Të dashur fëmijë!

Këtyre ditëve, për derisa me gëzim e kremtoni kryqin, dëshiroj që edhe për ju kryqi të jetë gëzim. Sidomos, fëmijë të dashur, lutuni në mënyrë që t'i pranoni sëmundjen dhe vuajtjet me dashuri, ashtu si i ka pranuar Jezusi. Vetëm kështu jua ndaj me gëzim huret dhe shërimet, të cilat m'i lejon Jezusi.

Ju falem nderit që ju përgjigjët thirrjes sime!”

#### *Porosia më 18 shtator 1986.*

“Të dashur fëmijë!

Edhe sot ju falënderoj për çdo gjë që keni bërë këto ditë për mua! Sidomos, të dashur fëmijë, ju falënderoj, në emër të Jezusit, për sakrificat që keni paraqitur javën e shkuar. Të dashur fëmijë, ju po harroni se prej jush dëshiroj sakrifica që t'ju ndihmoj dhe ta dëboj djallin prej jush. Prandaj, ju thërras përsëri, që me nderim të veçantë ndaj Zotit, të paraqitni sakrifica.

Ju falem nderit që ju përgjigjët thirrjes sime!”

#### *Porosia më 25 shtator 1986.*

“Të dashur fëmijë!

Ju thërras që me paqen tuaj t'i ndihmoni të tjerët të shohin dhe të fillojnë të kërkojnë paqen. Ju, të dashur fëmijë, jeni në paqe dhe nuk mund ta kuptoni shqetësimin. Prandaj, ju thërras që me lutje dhe me jetë të ndihmoni të shkatërrohet çdo e keqe tek njerëzit dhe ta zbuloni mashtrimin, me të cilin shërbehet djalli. Lutuni që e vërteta të mbisundojë në të gjitha zemrat.

Ju falem nderit që ju përgjigjët thirrjes sime!”

*Porosia më 2 tetor 1986.*

“Të dashur fëmijë!

Edhe sot ju thërras që të luteni. Ju, të dashur fëmijë, nuk mund ta kuptoni vlerën e uratës, për derisa vetë do të thoni: tani është koha e lutjes, tani asgjë tjetër nuk është e rëndësishme për mua, tani asnjë person, përveç Zotit, nuk është i rëndësishëm. Të dashur fëmijë, kushtohuni lutjes me dashuri të veçantë, që Zoti t’ua kthejë me hire.

Ju falem nderit që ju përgjigjët thirrjes sime!”

*Porosia më 9 tetor 1986.*

“Të dashur fëmijë!

E dini se dëshiroj t’ju prij në rrugën e shenjtërisë, por nuk dëshiroj t’ju detyroj, që të jeni shenjtër me dhunë. Unë dëshiroj që, secili prej jush, me sakrificat e tij të vogla, t’i ndihmojë vetes dhe mua, që t’ju prij, prej ditës në ditë, të jeni më afër shenjtërisë. Prandaj, të dashur fëmijë, nuk dëshiroj t’ju detyroj, madje, t’i mbani as porositë, por kjo kohë e gjatë që jam me ju, është shenjë se ju dua pa masë dhe dëshiroj që secili të jetë shenjt.

Ju falem nderit që ju përgjigjët thirrjes sime!”

*Porosia më 16 tetor 1986.*

“Të dashur fëmijë!

Edhe sot dëshiroj t’ju tregoj se sa ju dua, por më vjen keq se nuk mund t’i ndihmoj secilit ta kuptojë dashurinë time. Prandaj, të dashur fëmijë, ju thërras në lutje dhe në dorëzim të tërësishëm Zotit, prej të cilit djalli dëshiron t’ju ndajë me gjërat e përditshme dhe dëshiron që në jetën tuaj të zërë vendin e parë. Prandaj, të dashur fëmijë, lutuni pa pushim!

Ju falem nderit që ju përgjigjët thirrjes sime!”

*Porosia më 23 tetor 1986.*

“Të dashur fëmijë!

Edhe sot ju thërras që të luteni. Sidomos ju thërras, të dashur fëmijë, të luteni për paqe. Pa lutjet e juaja, të dashur fëmijë, nuk mund t’ju ndihmoj që të realizohet porosia të cilën Zotëria ma ka dhënë t’ua jap. Prandaj, të dashur fëmijë, lutuni që në lutje të kuptoni çka ju jep Zoti.

Ju falem nderit që ju përgjigjët thirrjes sime!”

*Porosia më 30 tetor 1986.*

“Të dashur fëmijë!

Edhe sot dëshiroj t’ju thërras që me seriozitet t’i pranoni dhe t’i kryeni porositë që jua jap. Të dashur fëmijë, për ju kam qëndruar kaq gjatë, t’ju ndihmoj t’i realizoni të gjitha porositë që jua



jap. Prandaj, të dashur fëmijë, nga dashuria për mua kryeni porositë që jua jap.  
Ju falem nderit që ju përgjigjët thirrjes sime!”

### *Porosia më 6 nëntor 1986.*

“Të dashur fëmijë!

Sot dëshiroj t’ju thërras që prej ditës në ditë të luteni për shpirtrat e purgatorit. Secilit shpirt i duhet lutja dhe mëshira që të arrijë të Zoti dhe te dashuria e tij. Me këtë, edhe ku fitoni, të dashur fëmijë, ndërmjetësuesit e rinj që do t’ju ndihmojnë në jetë, të kuptoni se të gjitha gjërat tokësore nuk janë të rëndësishme për ju, se duhet të dëshironi vetëm Qiellin. Prandaj, të dashur fëmijë, lutuni pa pushim në mënyrë që t’i ndihmoni vetes, por edhe të tjerëve të cilëve lutja do t’ju sjellë gëzim.

Ju falem nderit që ju përgjigjët thirrjes sime!”

### *Porosia më 13 nëntor 1986.*

“Të dashur fëmijë!

Edhe sot ju thërras që të luteni me gjithë zemër dhe të ndërroni jetën tuaj prej ditës në ditë. Sidomos ju thërras, të dashur fëmijë, që me lutjet dhe sakrificat tuaja të filloni të jetoni shenjtërisht, sepse dëshiroj që secili prej jush që ka qenë në këtë burim shenjtërie, të arrij në parajsë me dhuratë të veçantë, të cilën do të ma jepni mua, që është shenjtëria. Prandaj, të dashur fëmijë, lutuni prej ditës në ditë dhe ndërroni jetën tuaj që të jeni të shenjtë, dhe unë do të jem gjithmonë pranë jush!

Ju falem nderit që ju përgjigjët thirrjes sime!”

### *Porosia më 20 nëntor 1986.*

“Të dashur fëmijë!

Edhe sot ju thërras që me dashuri të veçantë të kryeni dhe përcillni të gjitha porositë, të cilat jua drejtoj. Të dashur fëmijë, Zoti nuk ju dëshiron të brishtë dhe të pavendosur, por krejtësisht ta jepni vetveten në dorën e Atij. E dini se ju dua të gjithëve, se digjem nga dashuria për ju. Prandaj, të dashur fëmijë, edhe ju merrni qëndrim të digjeni për dashuri dhe, prej ditës në ditë, të njihni dashurinë e Zotit. Të dashur fëmijë, merrni vendim për dashuri, që dashuria të mbizotërojë tek të gjithë ju, jo dashuria njerëzore, por e Zotit.

Ju falem nderit që ju përgjigjët thirrjes sime!”

### *Porosia më 27 nëntor 1986.*

“Të dashur fëmijë!

Edhe sot ju thërras që jetën tuaj të ma kushtoni mua me dashuri, që t’ju prij me dashuri. Unë ju dua, të dashur fëmijë, me dashuri të veçantë dhe dëshiroj të gjithëve t’ju sjell në qiell, te Zoti. Dëshiroj të kuptoni, se kjo jetë është e shkurtë, krahasuar me atë në qiell. Prandaj, të dashur

fëmijë, përsëri sot, merrni vendim për Zotin. Vetëm kështu ju tregoj se sa ju dua dhe sa dëshiroj që të gjithë të shpëtoheni dhe të jeni me mua në qiell. Ju falem nderit që ju përgjigjët thirrjes sime!”

#### *Porosia më 4 dhjetor 1986.*

“Të dashur fëmijë!

Edhe sot ju thërras që zemrat tuaja t’i përgatitni për këto ditë kur Zotëria dëshiron t’ju pastrojë prej të gjitha mëkateve nga e kaluara juaj. Ju, të dashur fëmijë, nuk mund të bëni gjë vetëm, prandaj jam unë këtu që t’ju ndihmoj. Lutuni, të dashur fëmijë! Vetëm kështu e njihni krejt të keqen që gjendet brenda jush dhe atë ta lini në dorën e Zotërisë, në mënyrë që Ai t’i pastrojë plotësisht zemrat tuaja. Prandaj, të dashur fëmijë, lutuni pa pushim dhe përgatitni zemrat në pendesë dhe agjërim.

Ju falem nderit që ju përgjigjët thirrjes sime!”

#### *Porosia më 11 dhjetor 1986.*

“Të dashur fëmijë!

Ju thërras që në mënyrë të veçantë të luteni për këtë kohë, që ta përjetoni gëzimin e takimit me Jezusin e lindur. Unë, të dashur fëmijë, dëshiroj t’i përjetoni këto ditë ashtu si unë që i përjetoj. Me gëzim dëshiroj t’ju prij dhe t’ju tregoj gëzimin në të cilin dëshiroj të sjell secilin. Prandaj, të dashur fëmijë, lutuni dhe ma besoni mua veten tuaj plotësisht.

Ju falem nderit që ju përgjigjët thirrjes sime!”

#### *Porosia më 18 dhjetor 1986.*

“Të dashur fëmijë!

Përsëri dëshiroj t’ju thërras në lutje. Kur luteni, ju jeni shumë më të bukur, si lulet që pas borës shfaqin tërë bukurinë dhe të gjitha ngjyrat bëhen të papërshkrueshme. Kështu edhe ju, të dashur fëmijë, pas lutjes shfaqni para Zotit gjithë atë që është e bukur, që t’i bëheni të dashur. Prandaj, të dashur fëmijë, lutuni dhe hapni brendinë tuaj Zotërisë, që Ai të bëjë nga ju një lule të përbërë dhe të bukur për parajsë.

Ju falem nderit që ju përgjigjët thirrjes sime!”

#### *Porosia më 25 dhjetor 1986.*

- KRISHTLINDJA

“Të dashur fëmijë!

Edhe sot e falënderoj Zotërinë për çdo gjë që më bën, sidomos për këtë dhuratë që edhe sot kam mundësi të jem me ju. Të dashur fëmijë, këto janë ditë në të cilat Ati ju jep hire të posaçme të gjithëve që e hapin zemrën. Unë ju bekoj dhe dëshiroj që edhe ju, të dashur fëmijë, ta kuptoni hirin dhe të jeni të gatshëm në dorë të Zotit, në mënyrë që Ai të lavdërohet nëpërmes jush. Zemra

ime përcjell me kujdes secilin hap tuajin. Ju falem nderit që ju përgjigjët thirrjes sime!”

*Porosia më 1 janar 1987.*

“Të dashur fëmijë!

Sot dëshiroj t’ju thërras që në Vitin e Ri t’i kryeni porositë që jua drejtoj. Të dashur fëmijë, e dini se për shkakun tuaj kam qëndruar gjatë, që t’ju mësoj si të hapëroni në rrugën e shenjtërisë. Prandaj, të dashur fëmijë, lutuni pa pushim dhe kryeni porositë që jua drejtoj, sepse këtë e bëj me dashuri të madhe ndaj Zotit dhe ndaj jush.

Ju falem nderit që ju përgjigjët thirrjes sime!”

*Porosia më, 8 janar 1987.*

“Të dashur fëmijë!

Dëshiroj t’ju falënderoj për çdo përgjigje për porositë. Sidomos, fëmijë të dashur, ju falem nderit për të gjitha sakrificat dhe lutjet që m’i keni paraqitë. Të dashur fëmijë, dëshiroj t’ju drejtoj porosi edhe më tutje, por jo, të dashur fëmijë, çdo të enjte, por çdo 25. të muajit. Ka ardhur koha kur është plotësuar ajo që Zotëria im ka dëshiruar. Tani ju drejtoj më pak porosi, por jam edhe më tutje me ju. Prandaj, fëmijë të dashur, ju lutem, dëgjoni porositë e mia dhe jetoni sipas tyre, që t’ju prij. Të dashur fëmijë,

Ju falem nderit që ju përgjigjët thirrjes sime!”

*Porosia, 25 janar 1987.*

“Të dashur fëmijë!

Ja, edhe sot dëshiroj t’ju thërras që të gjithë të filloni të jetoni jetën e re. Të dashur fëmijë, dëshiroj ta kuptoni se Zoti e ka zgjedhë secilin prej jush, që ta përdorë për planin e madh të shpëtimit të njerëzimit. Ju nuk mund të dini sa i madh është roli juaj në planin e Zotit. Prandaj, fëmijë të dashur, lutuni që në lutje të kuptoni planin e Zotit me ju. Unë jam me ju, në mënyrë që ta realizoni në plotësi.

Ju falem nderit që ju përgjigjët thirrjes sime!”

*Porosia, 25 shkurt 1987.*

“Të dashur fëmijë!

Sot dëshiroj që t’ju mbështjell me pelerinën time dhe t’ju çoj të gjithëve drejt rrugës së kthimit. Të dashur fëmijë, ju lutem jepjani Zotërisë gjithë të kaluarën tuaj, të gjithë të keqen që është shtresuar në zemrat tuaja. Dëshiroj që secili prej jush të jetë i lumtur, kurse me mëkat asnjëri nuk mund të jetë i tillë. Prandaj, fëmijë të dashur, lutuni dhe në lutje do të njihni rrugën e re të gëzimit. Gëzimi do të shfaqet në zemrat tuaja dhe ashtu do të jeni dhe dëshmitar të gëzuar të asaj që nga secili prej jush presim unë dhe Biri im. Unë ju bekoj.

Ju falem nderit që ju përgjigjët thirrjes sime!”

*Porosia, 25 mars 1987.*

“Të dashur fëmijë!

Sot ju falënderoj për praninë tuaj në këtë vend, në të cilin ju jap hire të veçanta. Thërras secilin prej jush, që nga sot të filloni të jetoni jetën e re, të cilën Zoti dëshiron prej jush dhe të filloni të bëni vepra të mira të dashurisë dhe të mëshirës. Nuk dëshiroj që ju, fëmijë të dashur, të përcillni porositë dhe të bëni mëkat që nuk e kam për zemër. Prandaj, fëmijë të dashur, dëshiroj që secili prej jush të jetojë me jetën e re, pa vrasjen e të gjithë asaj që Zoti krijon në ju dhe të asaj që Ai ju jep. Unë ju jap bekimin tim të veçantë dhe qëndroj me ju në rrugën tuaj të kthimit. Ju faleminderit që ju përgjigjët thirrjes sime!”

*Porosia, 25 prill 1987.*

“Të dashur fëmijë!

Edhe sot ju thërras të gjithëve në lutje. Ju e dini, fëmijë të dashur, që Zoti jep hire të veçanta në lutje. Prandaj, kërkoni dhe lutuni, që ta kuptoni gjithë çka ju jap këtu. Unë ju thërras, fëmijë të dashur, në lutjen e zemrës. Ju e dini se pa lutje nuk mund ta kuptoni atë që Zoti planifikon nëpërmes jush. Prandaj, lutuni! Dëshiroj që nëpërmes secilit të plotësohet plani i Zotit, që të rritet çdo gjë që Zoti ju ka dhënë në zemër. Prandaj lutuni, që bekimi i Zotit secilin prej jush ta ruajë nga çdo e keqe që ju kërcënohet. Unë ju bekoj, të dashur fëmijë! Ju faleminderit që ju përgjigjët thirrjes sime!”

*Porosia, 25 maj 1987.*

“Të dashur fëmijë!

Thërras secilin prej jush që të fillojë të jetojë në dashurinë e Zotit. Të dashur fëmijë, ju jeni të gatshëm që të bëni mëkat dhe pa menduar t’i lëshoheni djallit në duar. Unë ju thërras që secili prej jush në mënyrë të vetëdijshme të marrë vendim për Zotin dhe kundër djallit. Unë jam Nëna juaj, andaj dëshiroj t’ju çoj drejt shenjtërisë së plotë. Dëshiroj që secili prej jush të jetë i lumtur këtu në tokë dhe secili prej jush të jetë me mua në Qiell. Ky është, fëmijë të dashur, qëllimi i ardhjes sime këtu dhe dëshira ime.

Ju faleminderit që ju përgjigjët thirrjes sime!”

*Porosia, 25 qershor 1987.*

*Gashtëvjetori*

“Të dashur fëmijë!

Sot ju falënderoj dhe dëshiroj t’ju thërras në paqen e Zotit. Dëshiroj që secili prej jush në zemrën e vet ta përjetojë atë paqe që Zoti e jep. Sot dëshiroj t’ju bekoj të gjithëve. Ju bekoj me bekimin e Zotit dhe ju lutem, fëmijë të dashur, ta ndiqni rrugën time dhe të jetoni në harmoni me të. Unë ju dua, fëmijë të dashur. Prandaj, nuk di për të satën herë ju thërras dhe ju falënderoj për të gjitha që

i bëni sipas qëllimeve të mia. Ju lutem, më ndihmoni që t'ju paraqes Zotit, që t'ju shpëtoj dhe t'ju prij drejt rrugës së shpëtimit.  
Ju faleminderit që ju përgjigjët thirrjes sime!”

*Porosia, 25 korrik 1987.*

“Të dashur fëmijë!

Ju lutem që nga sot të përqaftoni rrugën e shenjtërisë. Ju dua, prandaj dëshiroj që të jeni të shenjtë. Nuk dua që djalli t'ju pengojë në këtë rrugë. Të dashur fëmijë, Lutuni dhe pranoni çdo gjë në rrugën që është e hidhur. Por po ashtu, kush niset asaj rruge, Zoti ia zbulon çdo ëmbëlsi, dhe ai do të përgjigjet në çdo thirrje të Zotit. Mos u kujdesni për gjëra të imëta. Dëshironi Qiellin.

Ju faleminderit që ju përgjigjët thirrjes sime!”

*Porosia, 25 gusht 1987.*

“Të dashur fëmijë!

Edhe sot ju thërras përsëri që secili prej jush të marrë vendimin t'i jetësojë porosinë. Zoti më ka lejuar që edhe në këtë vit, të cilin Kisha ma ka kushtuar mua, t'ju flas dhe t'ju jap zemër të shenjtëroni. Të dashur fëmijë, kërkoni prej Zotit hire, të cilat jua jep nëpërmes meje. Unë jam e gatshme që prej Zotit të nxjerr me lutje çka do që të kërkoni që shenjtëria jua të jetë e plotë. Prandaj, fëmijë të dashur, mos harroni që të kërkoni, sepse Zoti më ka lejuar që t'ju nxjerr hire.

Ju faleminderit që ju përgjigjët thirrjes sime!”

*Porosia, 25 shtator 1987.*

“Të dashur fëmijë!

Edhe sot dëshiroj t'ju thërras të gjithëve në lutje: Le të jetë lutja jeta jua. Të dashur fëmijë, kushtojani kohën vetëm Jezusit dhe Ai do t'u japë çdo gjë që kërkoni. Ai do t'u zbulohet në tërësi. Të dashur fëmijë, djalli është i fortë, pret që secilin prej jush ta tundojë. Lutuni dhe ai nuk do të ketë mundësi t'ju dëmtojë as t'ju pengojë në rrugën e shenjtërisë. Të dashur fëmijë, rrituni drejt Zotit, përditë e më shumë, nëpërmes lutjes.

Ju faleminderit që ju përgjigjët thirrjes sime!”

*Porosia, 25 tetor 1987.*

“Të dashur fëmijë!

Sot dëshiroj t'ju thërras të gjithëve që secili prej jush ta parapëlqejnë parajsën. Rruga është e vështirë për ata që nuk zgjedhin rrugën e Zotit. Të dashur fëmijë, vendosni dhe besoni se Zoti ju ofrohet në plotësinë e vet. Ju jeni të thirrur dhe ju duhet të përgjigjeni në thirrjen që Ati ju bën nëpërmes meje. Lutuni, sepse në lutje secili prej jush mund ta arrijë dashurinë e plotë. Unë ju bekoj dhe dëshiroj që t'ju ndihmoj që secili prej jush të gjendet nën mantelin tim amënor.

Ju faleminderit që ju përgjigjët thirrjes sime!”

*Porosia, 25 nëntor 1987.*

“Të dashur fëmijë!

Edhe sot e thërras secilin prej jush që përsëri të parapëlqejë të m’i besojë në dorën time të gjitha. Vetëm ashtu unë mund t’ia paraqes Zotit secilin. Të dashur fëmijë, e dini se ju dua pamasë dhe secilin prej jush e dëshiroj për vete. Por Zoti u ka dhënë të gjithëve lirinë, të cilën unë me dashuri e respektoj dhe i përkulem në përvujtërinë time. Dëshiroj që ju, fëmijë të dashur, të ndihmoni të realizohen të gjitha ato që Zoti i ka menduar për këtë famulli. Nëse nuk luteni, nuk do ta zbuloni dashurinë time, as planet që Zoti ka me këtë famulli dhe me secilin individ. Lutuni që djalli të mos ju tërheqë me krenarinë e vet dhe me forcën e vet të rrejshme. Unë jam me ju dhe dëshiroj të më besoni se ju dua.

Ju faleminderit që ju përgjigjët thirrjes sime!”

*Porosia, 25 dhjetor 1987.*

“Të dashur fëmijë!

Gëzohuni me mua! Zemra ime është e gëzuar për shkak të Jezusit, të cilin sot dua t’ua jap. Dëshiroj, fëmijë të dashur, që secili prej jush t’ia hapë zemrën Jezusit, në mënyrë që unë t’ua jap me dashuri. Dëshiroj, fëmijë të dashur, që Ai t’ju ndryshojë, që t’ju mësojë dhe t’ju ruajë. Sot, në mënyrë të veçantë, lutem për secilin prej jush dhe ju paraqes tek Zoti, që të shfaqet në ju. Ju thërras në lutjen e sinqertë të zemrës, që çdo lutje e juaja të jetë takim me Zotin. Në punën tuaj dhe në jetën e përditshme, veni Zotin në vendin e parë. Sot me seriozitet të madh ju thërras që të më dëgjoni dhe të bëni ashtu si ju porosis.

Ju faleminderit që ju përgjigjët thirrjes sime!”

*Porosia, 25 janar 1988.*

“Të dashur fëmijë!

Edhe sot ju ftoj në kthim të plotë, i cili është i vështirë për ata, të cilët nuk e kanë zgjedhur rrugën e Zotin. Unë ju ftoj, të dashur fëmijë, në kthim të plotë në Zotin. Zoti mund t’ju japë çdo gjë që kërkonit prej tij. Por ju kërkonit Zotin vetëm kur ju vijnë sëmundjet, problemet dhe vështirësitë, dhe mendoni se Zoti është larg prej jush, se nuk ju dëgjon dhe nuk i ndien lutjet tuaja. Jo, fëmijë të dashur, kjo nuk është e vërtetë! Kur jeni larg prej Zotit, nuk mund t’i pranoni hiret, sepse nuk i kërkonit me fe të gjallë. Prej ditës në ditë unë lutem për ju dhe dëshiroj që përherë e më shumë t’ju afroju te Zoti, por nuk mundem nëse ju nuk dëshironi. Prandaj, fëmijë të dashur, lëreni jetën tuaj në dorë të Zotit. Unë ju bekoj.

Ju faleminderit që ju përgjigjët thirrjes sime!”

*Porosia, 25 shkurt 1988.*

“Të dashur fëmijë!

Edhe sot dëshiroj t’ju thërras në lutje dhe në dorëzim të plotë Zotit. Ju e dini se ju dua dhe vij këtu për shkak të dashurisë, që t’ju tregoj rrugën e paqes dhe të shpëtimit të shpirtave tuaj. Dëshiroj të më dëgjoni dhe të mos i lejoni djallit t’ju mashtrojë. Të dashur fëmijë! Djalli është mjaft i fuqishëm. Prandaj kërkoj lutjet tuaja t’i paraqisni për ata të cilët janë nën ndikimin e djallit, që edhe ata të shpëtojnë. Dëshmoni me jetën tuaj. Flijoni jetët tuaja për shpëtimin e botës. Unë jam me ju dhe ju falënderoj, kurse në qiell do të fitoni shpërblimin, të cilin Zoti ju ka premtuar. Prandaj, fëmijë, mos keni frikë! Nëse luteni, djalli nuk mund t’ju dëmtojë fare, sepse ju jeni fëmijët e Zotit dhe Zoti ju mbikëqyr. Lutuni! Rruzarja le të jetë gjithmonë në dorën tuaj, si shenjë, djallit, se më takoni mua.

Ju faleminderit që ju përgjigjët thirrjes sime!”

*Porosia, 25 mars 1988.*

“Të dashur fëmijë!

Edhe sot ju thërras në dorëzim të plotë Zotit. Ju, fëmijë të dashur, nuk jeni të vetëdijshëm se me sa dashuri të madhe Zoti ju do. Prandaj, më lejoni të jem me ju, t’ju mësoj dhe t’ju ndihmoj që ta gjeni rrugën e paqes. Dhe atë rrugë nuk mund ta zbuloni nëse nuk luteni. Prandaj, fëmijë të dashur, lërimi të gjitha dhe Zotit t’ia kushtoni kohën, e Zoti pastaj do t’ju dhurojë dhe do t’ju bekojë. Fëmijë! Mos harroni, se jeta juaj është kalimtare si lulja që sot është e mrekullueshme dhe nesër harrohet. Prandaj, lutuni asisoj, që lutja juaj dhe dorëzimi Zotit të jenë si udhërrëfyes. Kështu dëshmia juaj nuk do të vlejë vetëm për ju, por edhe për mbarë amshimin.

Ju faleminderit që ju përgjigjët thirrjes sime!”

*Porosia, 25 prill 1988.*

“Të dashur fëmijë!

Zoti dëshiron t’ju shenjtërojë, prandaj, nëpërmjet meje ju thërret në dorëzim të plotë. Mesha e shenjtë le të jetë jeta juaj. Kuptoni se Kisha është pallati i Zotit, vend në të cilin ju tuboj dhe dëshiroj t’ju tregoj rrugën drejt Zotit. Ejani e lutuni! Mos i shikoni të tjerët dhe mos i përgojoni, por jeta juaj le të jetë dëshmi në rrugën e amshimit. Kishat janë të denja për nderim dhe janë të shuguruara. Sepse, Zoti i cili është bërë njeri, banon në to. Prandaj, fëmijë, besoni dhe lutuni, që Ati t’ju shtojë fenë, e atëherë kërkon çka keni nevojë. Unë jam me ju. I gëzohem kthimit tuaj dhe ju mbroj me pelerinën time amnore.

Ju faleminderit që ju përgjigjët thirrjes sime!”

*Porosia, 25 maj 1988.*

“Të dashur fëmijë!

Ju thërras ta lini veten plotësisht në dorën e Zotit! Lutuni, fëmijë, që djalli të mos ju luhatë si degën në erë. Të jeni të fortë në Zotin. Dëshiroj, që, nëpërmes jush, mbarë bota ta njohë Zotin e gëzimit. Dëshmoni me jetën tuaj gëzimin e Zotit. Të mos jeni të anktshëm dhe të brengosur. Zoti do t’ju ndihmojë dhe do t’ju tregojë rrugën. Dëshiroj që t’i doni të gjithë me dashurinë time:

të mirët dhe të këqijtë. Vetëm ashtu dashuria do të mbretërojë në botë. Fëmijë, ju jeni të mitë. Ju dua dhe dëshiroj që ta lini veten në dorën time, për t'iu dërguar te Zoti. Lutuni pa ndërpre, që djalli të mos ju shfrytëzojë. Lutuni që të kuptoni se jeni të mitë. Ju bekoj me bekimin e gëzimit. Ju faleminderit që ju përgjigjët thirrjes sime!”

*Porosia, 25 qershor 1988.*

*(Porosia e përvjetorit të shtatë)*

“Të dashur fëmijë!

Sot ju thërras në dashuri, e cila është besnike dhe e pëlqyeshme për Zotin. Fëmijë, dashuria i pranon të gjitha, të gjitha që janë të forta dhe të hidhura, për shkak të Jezusit që është dashuri. Prandaj, fëmijë të dashur, luteni Zotin që t’ju vijë në ndihmë, jo sipas dëshirave tuaja, por sipas dashurisë së tij. Lëreni veten në dorë të Zotit, që Ai t’ju shërojë, t’ju ngushëllojë dhe t’ju falë çdo gjë që në ju është pengesë në rrugën e dashurisë. Zoti mund t’i japë trajtë jetës suaj dhe ju do të rriteni në dashuri. Lavdëroni Zotin, fëmijë, me himne të dashurisë, në mënyrë që dashuria e Zotit të rritet prej ditës në ditë deri në plotësinë e vet.

Ju faleminderit që ju përgjigjët thirrjes sime!”

*Porosia, 25 korrik 1988.*

“Të dashur fëmijë!

Sot ju thërras që plotësisht t’i jepeni në dorë Zotit. Çdo gjë që bëni dhe çdo gjë që keni, dorëzohani Zotit, që Ai të sundojë me jetën tuaj si Mbret i çdo gjëje që keni. Kështu Zoti, nëpërmjet meje, mund t’ju çojë në thellësitë e jetës shpirtërore. Fëmijë, mos keni frikë, sepse unë jam me ju edhe atëherë kur mendoni se nuk ka rrugëdalje dhe se djalli ka mbizotëruar. Unë ju sjell paqen. Unë jam Nëna juaj dhe Mbretëresha e paqes. Ju bekoj me bekimin e gëzimit, që Zoti të jetë çdo gjë në jetën tuaj.

Ju faleminderit që ju përgjigjët thirrjes sime”

*Porosia, 25 gusht 1988.*

“Të dashur fëmijë!

Sot ju thërras që t’i gëzoheni jetës që jua jep Zoti. Fëmijë, gëzohuni Zotit krijues, sepse ju ka krijuar në mënyrë aq të mrekullueshme! Lutuni që jeta juaj të jetë falënderim i gëzueshëm që rrjedh nga zemra juaj, si lumë gëzimi. Fëmijë, falënderohuni pandërprerë për çdo gjë që keni, për çdo dhuratë të vogël që ju ka dhënë Zoti, në mënyrë që gjithmonë të zbresë bekim i gëzuar prej Zotit në ju.

Ju faleminderit që ju përgjigjët thirrjes sime”

*Porosia, 25 shtator 1988.*

“Të dashur fëmijë!



Ju thërras të gjithëve, pa dallim, në rrugën e shenjtërisë. Zoti jua ka dhënë dhuratën e shenjtërisë. Lutuni që ta njihni më shumë, dhe kështu, pastaj do të dëshmoni me jetë për Zotin. Të dashur fëmijë, unë ju bekoj dhe ndërmjetësoj për ju te Zoti, që rruga dhe dëshmia juaj të jetë e plotë dhe për kënaqësinë e Zotit.

Ju faleminderit që ju përgjigjët thirrjes sime”

*Porosia, 25 tetor 1988.*

“Të dashur fëmijë!

Thirrja ime që t’i jetësoni porosinë që jua jap, është e përditshme, sepse dëshiroj që t’ju çoj më afër zemrës së Jezusit. Fëmijë, prandaj ju thërras në lutjen e kushtimit Jezusit, Birit tim të dashur, që çdo zemër e juaja të jetë e tij. E pastaj ju thërras në kushtimin Zemrës sime të Papërlyer. Dëshiroj që të kushtoheni personalisht, si familje dhe si famulli, çdo gjë t’i takojë Zotit nëpërmes duarve të mia. Prandaj, fëmijë të dashur, lutuni që të kuptoni madhësitinë e kësaj porosie që ju jap. Nuk dëshiroj asgjë për vete, por çdo gjë për shpëtimin e shpirtit tuaj. Djalli është i fortë, prandaj, ju fëmijë me lutje të qëndrueshme ngjituni për zemrën time amnore.

Ju faleminderit që ju përgjigjët thirrjes sime.”

*Porosia, 25 nëntor 1988.*

“Të dashur fëmijë!

Ju thërras në lutje, në lutje të keni takimin me Zotin. Zoti ju ofrohet, ju jepet. Por prej jush dëshiron që në lirinë tuaj të përgjigjeni thirrjes së tij. Prandaj, fëmijë, caktoni kohën e ditës kur keni mundësi në qetësi dhe përvujtëri të luteni dhe të takoheni me Zotin - Krijues. Unë jam me ju dhe ndërmjetësoj para Zotit. Prandaj, rrini zgjuar, çdo takim në uratë të jetë gëzim i takimit me Zotin.

Ju faleminderit që ju përgjigjët thirrjes sime”

*Porosia, 25 dhjetor 1988.*

“Të dashur fëmijë!

Ju thërras në paqe. Përjetoni paqen në zemrat dhe në rrethinën tuaj, të gjithë ta njohin paqen e cila nuk vjen prej jush por prej Zotit. Fëmijë, sot është ditë e madhe: gëzohuni me mua! Festoni lindjen e Jezusit me paqen time. Me paqen, me të cilën kam ardhur si Nëna juaj, Mbretëresha e paqes. Sot ju jap bekimin tim të veçantë. Dërgojani çdo krijese, që ta ketë paqen.

Ju faleminderit që ju përgjigjët thirrjes sime”

*Porosia, 25 janar 1989.*

“Të dashur fëmijë!

Sot ju thërras në rrugën e shenjtërisë. Lutuni që ta kuptoni bukurinë dhe madhësitinë e kësaj rruge, në të cilën Zoti ju shfaqet në mënyrë të veçantë. Lutuni që të jeni të hapur për të gjitha që

Zoti bën nëpërmjet jush, në mënyrë që në jetën tuaj të falënderoheni dhe të gëzoheni në çdo gjë që bën nëpërmjet secilit. Unë ju bekoj.  
Ju falem nderit që ju përgjigjët thirrjes sime!”

*Porosia, 25 shkurt 1989.*

“Të dashur fëmijë!

Sot ju thërras në lutjen e zemrës. Në këtë kohë mëshirë dëshiroj që secili prej jush të bashkohet me Jezusin. Dhe pa lutjen e vazhdueshme nuk mund të ndjeni bukurinë dhe madhështinë e mëshirës, të cilën ju ofron Zoti. Prandaj, fëmijë, tërë kohën mbusheni zemrën tuaj edhe me lutjet më të vogla. Unë jam me ju dhe vazhdimisht kujdesem për secilën zemër që më kushtohet.  
Ju falem nderit që ju përgjigjët thirrjes sime!”

*Porosia, 25 mars 1989.*

“Të dashur fëmijë!

Ju thërras në dorëzim të plotë Zotit. Ju thërras në gëzimin dhe paqen e madhe që ju jep Zoti. Unë jam me ju dhe për çdo ditë ndërmjetësoj për ju para Zotit. Ju thërras, fëmijë, që të më dëgjoni dhe që të jetësoni porosinë që ju drejtoj. Me vite thirreni në shenjtëri, dhe ende jeni larg. Unë ju bekoj.  
Ju falem nderit që ju përgjigjët thirrjes sime!”

*Porosia, 25 prill 1989.*

“Të dashur fëmijë!

Ju thërras në dorëzim të plotë Zotit. Çdo gjë që keni le të jetë në dorë të Zotit. Vetëm kështu mund të keni gëzim në zemër. Fëmijë, gëzohuni për çdo gjë që keni. Zotin ta falënderoni, sepse të gjitha janë dhuratë e Zotit për ju. Kështu, në jetë mund të falënderoni për çdo gjë dhe ta shihni Zotin në të gjitha, edhe në lulen më të vogël. Do të zbuloni gëzim të madh. Do të zbuloni Zotin.  
Ju falem nderit që ju përgjigjët thirrjes sime!”

*Porosia, 25 maj 1989.*

“Të dashur fëmijë!

Ju thërras që t’i hapeni Zotit. Shikoni, fëmijë, se si natyra hapet dhe jep jetën dhe frytin, kështu edhe unë ju thërras në jetën me Zotin dhe për dorëzimin e plotë atij. Fëmijë, unë jam me ju. Vazhdimisht dëshiroj që t’ju shpie në gëzimin e jetës. Dëshiroj që secili prej jush të zbulojë gëzimin dhe dashurinë, e cila gjendet vetëm në Zotin dhe të cilën mundet vetëm Zoti ta japë. Zoti nuk dëshiron asgjë prej jush përpos t’ia dorëzoni veten atij. Prandaj, fëmijë, seriozisht ta parapëlqejeni Zotin, sepse të gjitha të tjerat janë kalimtare. Vetëm Zoti është i përhershëm! Lutuni për ta zbuluar madhështinë dhe gëzimin e jetës, që Zoti jua jep.  
Ju falem nderit që ju përgjigjët thirrjes sime!”

*Porosia, 25 qershor 1989.*

“Të dashur fëmijë!

Sot ju thërras t’i jetësoni porositë, të cilat jua kam drejtuar në tetë ditët e kaluara. Kjo është koha – koha e mëshirës. Dhe dëshiroj, fëmijë, që mëshira e Zotit të jetë e madhe për secilin. Ju bekoj dhe ju dua me dashuri të veçantë. Ju falem nderit që ju përgjigjët thirrjes sime!”

*Porosia, 25 korrik 1989.*

“Të dashur fëmijë!

Sot ju thërras në përtëritjen e zemrës. Hapuni Zotit dhe ngarkojani vështirësitë dhe kryqet, që Ai t’i shndërrojë të gjitha në gëzim. Fëmijë, nuk mund t’i hapeni Zotit nëse nuk luteni. Prandaj, që sot vendosni t’ia kushtoni kohën vetëm takimit me Zotin në qetësi. Kështu, me Zotin do të dëshmoni praninë time këtu. Fëmijë, nuk dua t’ju detyroj, por lirshëm, si fëmijë të Zotit, jepjani Zotit kohën tuaj.

Ju falem nderit që ju përgjigjët thirrjes sime!

*Porosia, 25 gusht 1989.*

“Të dashur fëmijë!

Ju thërras në lutje. Me lutje, fëmijë, fitoni gëzimin dhe paqen. Me lutje jeni më të pasur me mëshirën e Zoti. Prandaj, fëmijë, le të jetë lutja, për secilin prej jush, jetë. Veçanërisht, ju thërras të luteni për të gjithë ata që janë larg prej Zotit, që të kthehen. Atëherë, zemrat tona do të jenë më të pasura, sepse Zoti do të sundojë në zemrat e të gjithë njerëzve. Prandaj, fëmijë, lutuni, lutuni, lutuni! Le të sundojë lutja në të gjithë botën!

Ju falem nderit që ju përgjigjët thirrjes sime!”

*Porosia, 25 shtator 1989.*

“Të dashur fëmijë!

Sot ju thërras që ta falënderoni Zotin për të gjitha dhuratat që i keni zbuluar gjatë jetës suaj. Edhe për dhuratën më të vogël që keni ndjerë. Unë falënderohem me ju dhe dëshiroj që të gjithë ta ndjeni gëzimin e dhuratave, që Zoti të jetë çdo gjë, për secilin prej jush. E atëherë, fëmijë, mund të rriteni vazhdimisht në rrugën e shenjtërisë.

Ju falem nderit që ju përgjigjët thirrjes sime!”

*Porosia, 25 tetor 1989.*

“Të dashur fëmijë!

Edhe sot ju thërras në lutje. Unë ju thërras gjithmonë, e ju jeni ende larg. Prandaj, vendosni që

sot për t'ia kushtuar kohën Zotit. Unë jam me ju dhe dëshiroj t'ju mësoj të luteni me zemër. Në lutjen me zemër do ta takoni Zotin. Prandaj, fëmijë, lutuni, lutuni, lutuni!  
Ju falem nderit që ju përgjigjët thirrjes sime!”

*Porosia, 25 nëntor 1989.*

“Të dashur fëmijë!

Me vite të tëra ju thërras me këto porosi që ju jap. Fëmijë, me porosi dëshiroj të bëj një mozaik shumë të bukur në zemrat tuaja, secilin prej jush, pastaj, t'ia lë barrë Zotit si përngjasim burimor. Prandaj, fëmijë dëshiroj që vendimet e juaja të jenë të lira para Zotit, sepse Ai jua ka dhënë lirinë. Prandaj, lutuni, që pa kurrfarë ndikimi të djallit ta parapëlqeni lirdhëm Zotin. Unë lutem për ju para Zotit dhe kërkoj dorëzimin tuaj Zotit. Ju falem nderit që ju përgjigjët thirrjes sime!”

*Porosia, 25 dhjetor 1989.*

“Të dashur fëmijë!

Në mënyrë të veçantë, sot jua jap bekimin tim amnor dhe ndërmjetësoj para Zotit për ju, për t'ua dhënë dhuratën e kthimit të zemrës. Me vite ju thërras dhe ju për një jetë të thellë shpirtërore dhe për thjeshtësi, kurse ju jeni aq të ftohtë. Prandaj, fëmijë, ju lutem, pranoni dhe jetësoni porosinë me seriozitet, shpirti juaj të mos jetë i pikëlluar, kur unë të mos jem më me ju dhe kur të mos ju prij si fëmijës së pasigurt në hapat e parë. Prandaj, fëmijë, lexoni çdo ditë porosinë që ju kam dhënë dhe shndërroni në jetë. Ju dua, prandaj ju thërras të gjithëve në rrugën e shpëtimit me Zotin.

Ju falem nderit që ju përgjigjët thirrjes sime!

*Porosia më 25 janar 1990*

“Të dashur fëmijë!

Sot ju thërras ta parapëlqeni përsëri Zotin dhe që Zotin ta zgjidhni para së gjithash dhe mbi të gjitha, në mënyrë që Ai mandej të bëjë mrekulli në jetën tuaj dhe që jeta juaj, prej ditës në ditë, të bëhet gëzim me të. Prandaj, fëmijë, lutuni dhe mos e lejoni djallin të veprojë në jetën tuaj përmes mosmarrëveshjeve, keqkuptimeve dhe të mospranimit të ndërsjellë. Lutuni ta kuptoni madhështinë dhe bukurinë e dhuratës së jetës.

Ju falem nderit që ju përgjigjët thirrjes sime!”

*Porosia më 25 shkurt 1990*

“Të dashur fëmijë!

Ju thërras t'i jepeni në dorë Zotit. Në këtë kohë dëshiroj të hiqni dorë sidomos prej gjërave me të cilat jeni lidhur dhe që e dëmtojnë jetën tuaj shpirtërore. Prandaj, fëmijë, përcaktohuni plotësisht për Zotin dhe mos i lejoni Djallit të hyjë në jetën as në shpirtin tuaj përmes atyre gjërave, të cilat ju dëmtojnë. Fëmijë, Zoti ju ofrohet në plotësi dhe mund ta zbuloni dhe ta njihni vetëm në lutje.

Ju faleminderit që ju përgjigjët thirrjes sime!”

### *Porosia më 25 mars 1990*

‘Të dashur fëmijë!

Unë jam me ju, edhe pse nuk jeni të vetëdijshëm për këtë gjë. Dëshiroj t’ju mbroj prej çdo gjëje që ju ofron djalli për t’ju shkatërruar. Ashtu si e kam bartur Jezusin në kraharorin tim, të dashur fëmijë, ashtu dëshiroj t’ju shpie edhe ju drejt shenjtërisë. Zoti dëshiron t’ju shpëtojë dhe ju dërgon porosi nëpërmes njerëzve, natyrës dhe shumë gjërave, të cilat ju ndihmojnë që të kuptoni se duhet ta ndërroni drejtimin e jetës suaj. Prandaj, fëmijë, kuptojeni madhështinë e dhuratës, të cilën Zoti jua jep përmes meje, që t’ju mbroj me pelerinën time.

Ju faleminderit që ju përgjigjët ftesës sime!”

### *Porosia më 25 prill 1990*

“Sot ju thërras që, me seriozitet, t’i pranoni dhe t’i zbatoni në jetë porositë që ju dërgoj. Unë jam me ju, dhe dëshiroj, të dashur fëmijë, që secili prej jush të jetë sa më afër zemrës sime. Prandaj, fëmijë, lutuni dhe në jetën tuaj kërkoni vullnetin e Zotit. Dëshiroj që secili prej jush të zbulojë rrugën e shenjtërisë dhe në atë rrugë të rritet deri në amshim. Do të lutem për ju dhe do të ndërmjetësoj para Zotit për ju, që të kuptoni madhështinë e kësaj dhurate që më ka dhënë Zoti, në mënyrë që të jem me ju.

Ju faleminderit që ju përgjigjët thirrjes sime!”

### *Porosia më 25 maj 1990.*

“Të dashur fëmijë!

Ju thërras të vendosni që me seriozitet ta jetoni këtë nëntëshe. Kushtojani kohën lutjes dhe sakrificës. Unë jam me ju dhe dëshiroj t’ju ndihmoj të rriteni me vetëmohim dhe durim, ta kuptoni bukurinë e jetës së atyre, që, në mënyrë të veçantë, më dhurohen mua. Të dashur fëmijë, Zoti ju bekon prej ditës në ditë dhe dëshiron ndërrimin e jetës suaj. Prandaj, lutuni që të keni forcë ta ndërroni jetën tuaj.

Ju faleminderit që ju përgjigjët thirrjes sime!”

### *Porosia më 25 qershor 1990*

*(Nëntë vjetori i dëftimeve)*

“Të dashur fëmijë!

Sot dëshiroj t’ju falënderoj për të gjitha sakrificat dhe të gjitha lutjet. Ju bekoj me bekimin tim të veçantë amnor. Ju thërras të gjithëve t’i përkushtoheni Zotit dhe prej ditës në ditë të zbuloni vullnetin e Tij në lutje.

Të dashur fëmijë, dëshiroj t’ju thërras të gjithëve në kthim të plotë, që në zemrat tuaja të ketë gëzim. Jam e gëzuar që ju shoh këtu kaq shumë.

Ju faleminderit që ju përgjigjët thirrjes sime!

### *Porosia më 25 korrik 1990*

“Të dashur fëmijë!

Sot ju thërras në paqe. Kam ardhur këtu si Mbretëreshë e Paqes dhe dëshiroj t’ju pasuroj me paqen time amnore. Të dashur fëmijë, unë ju dua dhe dëshiroj t’ju shpie në paqen, të cilën vetëm Zoti e jep dhe e cila e pasuron çdo zemër. Ju thërras të bëheni bartësit dhe dëshmitarët e paqes sime në këtë botë të trazuar. Le të mbretërojë paqja në tërë botën, sepse bota është e shqetësuar dhe dëshiron me gjithë shpirt paqen. Ju bekoj me bekimin tim amnor.

Ju faleminderit që ju përgjigjët thirrjes sime!”

### *Porosia më 25 gusht 1990*

“Të dashur fëmijë!

Sot dëshiroj t’ju thërras t’i kuptoni seriozisht porositë e mia dhe t’i jetësoni. Dijeni, fëmijë, se unë jam me ju, se dëshiroj t’ju shpie në qiell nëpër të njëjtën rrugë, e cila është e bukur për ata që e zbulojnë në lutje. Prandaj, fëmijë, mos harroni se këto porosi duhet t’i zbatoni në jetën tuaj të përditshme, në mënyrë që të thoni: Ja, unë i kam pranuar porositë dhe përpiqem të jetoj sipas tyre! Të dashur fëmijë, unë ju mbroj me lutjet e mia tek Ati Qiellor.

Ju faleminderit që ju përgjigjët thirrjes sime!”

### *Porosia më 25 shtator 1990*

“Të dashur fëmijë!

Ju thërras të lutni me zemër, që lutja juaj të jetë bisedë me Zotin. Dëshiroj që secili prej jush t’i kushtojë më shumë kohë Zotit. Djalli është i fortë dhe dëshiron t’ju shkatërrojë dhe t’ju mashtrojë në shumë mënyra. Prandaj, fëmijët e mi të dashur, lutuni që jeta juaj të jetë në të mirën tuaj dhe të gjithë atyre që do t’i takoni. Unë jam me ju dhe ju mbroj, edhe pse djalli dëshiron t’i shkatërrojë planet e mia dhe ta pengojë Atin Qiellor t’i realizojë dëshirat e tij këtu.

Ju faleminderit që ju përgjigjët thirrjes sime!”

### *Porosia më 25 tetor 1990*

“Të dashur fëmijë!

Sot ju ftoj që veçanërisht të luteni dhe të ofroni fli dhe vepra të mira për paqe në botë. Djalli është i fuqishëm dhe me të gjitha mjetet dëshiron ta zhdukë paqen që vjen prej Zotit. Prandaj, të dashur fëmijë, lutuni në mënyrë të posaçme me mua për paqe. Unë jam me ju dhe dëshiroj që t’ju ndihmoj me lutjet e mia dhe t’ju shpie në rrugën e paqes. Ju bekoj me bekimin tim amnor. Mos harroni të jetoni sipas porosive të paqes! Ju faleminderit që ju përgjigjët thirrjes sime!”

### *Porosia më 25 nëntor 1990*

“Të dashur fëmijë!

Sot ju thërras të bëni vepra mëshire me dashuri dhe për dashuri ndaj meje dhe ndaj vëllezërve dhe motrave tuaja dhe të miave. Të dashur fëmijë, çka do që u bëni të tjerëve, bëjeni me gëzim dhe me përvujtëri të madhe ndaj Zotit. Unë jam me ju dhe prej ditës në ditë ia paraqes Zotit flijimet dhe veprat tuaja për shpëtimin e botës.

Ju faleminderit që ju përgjigjët thirrjes sime!”

### *Porosia më 25 dhjetor 1990*

“Të dashur fëmijë!

Sot veçanërisht ju thërras të luteni për paqe. Të dashur fëmijë, pa paqe nuk mund të përjetoni lindjen e Krishtit Fëmijë, as sot as në jetën e përditshme. Prandaj, luteni Zotin tonë për paqe, që t’ju mbrojë me mantelin e vet dhe t’ju ndihmojë të kuptoni madhësitinë dhe rëndësinë e paqes në zemrat tuaja. Kështu mund ta përhapni paqen prej zemrave tuaja në mbarë botën. Unë jam me ju dhe angazhohem për ju para Zotit. Lutuni, sepse Djalli dëshiron t’i shkatërrojë planet e mia për paqe. Pajtohuni dhe ndihmoni me jetën tuaj që paqja të mbretërojë në mbarë tokën.

Ju faleminderit që ju përgjigjët thirrjes sime!”

### *Porosia më 25 janar 1991*

“Të dashur fëmijë!

Sot, më shumë se kurdoherë më parë, ju thërras të luteni. Lutja juaj le të jetë lutje për paqe. Djalli është i fuqishëm dhe dëshiron t’i zhdukë jo vetëm jetën e njerëzve, por edhe natyrën dhe planetin në të cilin jetoni. Prandaj, fëmijë të dashur, lutuni që të mbroheni me hirin e paqes së Zotit. Zoti më ka dërguar në mesin tuaj t’ju ndihmoj.

Nëse dëshironi, lutni rruzaren! Një rruzare mund të bëjë mrekulli në botë dhe në jetën tuaj. Ju bekoj dhe qëndroj me ju, sa të dëshirojë Zoti. Ju faleminderit se nuk do ta tradhtoni praninë time këtu. Ju faleminderit, se përgjigjja juaj i shërben të mirës dhe paqes.

Ju faleminderit që ju përgjigjët thirrjes sime!”

### *Porosia më 25 shkurt 1991*

“Të dashur fëmijë!

Sot ju thërras ta zgjidhni rrugën e Zotit, sepse shqetësimi në zemrat tuaja ju largon prej Zotit. Zoti është paqe, prandaj afrohuni pranë Tij me lutjen tuaj personale. Zbatoni paqen në zemrën tuaj. Dhe prej zemrave tuaja paqja do të rrjedhë si lumë në mbarë botën. Mos flisni për paqen, por bëni paqen! Ju bekoj të gjithëve dhe bekoj çdo vendim tuajin të mirë.

Ju faleminderit që ju përgjigjët thirrjes sime!”

### *Porosia më 25 mars 1991*

“Të dashur fëmijë!

Sot ju thërras ta përjetoni mundimin e Krishtit në lutje dhe në bashkim me Të. Ju thërras t’i kushtoni më tepër kohë Zotit, i cili ju ka dhuruar ditë të mbushura me hire. Prandaj, fëmijë të dashur, lutuni dhe përtërijeni dashurinë ndaj Krishtit në zemrat tuaja në mënyrë të posaçme.

Unë jam me ju, ju përcjell me bekimin tim dhe me lutjet e mia.

Ju faleminderit që ju përgjigjët thirrjes sime!”

### *Porosia më 25 prill 1991*

“Të dashur fëmijë!

Sot ju thërras të lutni me zemër. Le të gjejë secili prej jush kohë për lutje, në mënyrë që në lutje ta zbuloni Zotin. Nuk dëshiroj të flisni për lutjen, por të luteni. Çdo ditë e juaja le të plotësohet me lutje vepruese të drejtuar Zotit, për jetën dhe për çdo gjë që keni. Nuk dëshiroj që jeta juaj të kalojë në biseda, por ta lëvdoni Zotin me veprat tuaja. Unë jam me ju dhe falënderoj Zotin për çdo çast të kaluar me ju.

Ju faleminderit që ju përgjigjët thirrjes sime!”

### *Porosia më 25 maj 1991*

“Të dashur fëmijë!

Ju ftoj ju të gjithëve që e keni dëgjuar porosinë time të paqes, që t’i përmbaheni seriozisht dhe me dashuri në jetën tuaj. Janë shumë vetë që mendojnë se bëjnë punë të madhe kur flasin për porositë dhe nuk i zbatojnë ato. Ju ftoj, të dashur fëmijë, të ndryshoni çdo gjë që është negative te ju, ta shndërroni në vlerë pozitive dhe ta zbatoni në jetë.

Të dashur fëmijë, unë jam me ju dhe dëshiroj që secilit prej jush t’i ndihmoj të jetojë dhe me jetën e vet ta dëshmojë Lajmin e gëzuar. Jam këtu, të dashur fëmijë, t’ju ndihmoj dhe t’ju çoj në qiell. Në qiell është gëzimi, të cilin mund ta përjetoni që tani.

Ju faleminderit që ju përgjigjët thirrjes sime!”

### *Porosia më 25 qershor 1991*

“Të dashur fëmijë!

Sot, në këtë ditë të madhe, të cilën ma keni kushtuar mua, dëshiroj t’ju bekoj dhe t’ju them: jetoni ditë plot hire tani derisa unë jam me ju. Dëshiroj t’ju mësoj dhe t’ju ndihmoj që të niseni rrugës së shenjtërisë. Ka shumë njerëz që nuk dëshirojnë të kuptojnë porosinë time dhe ta pranojnë me seriozitet atë që flas, por mu për këtë ju thërras dhe ju lus që me jetën tuaj të dëshmoni për praninë time, me jetën tuaj të përditshme. Nëse luteni, Zoti do t’ju ndihmojë që të zbuloni arsyen e vërtetë të ardhjes sime.

Prandaj, fëmijë, lutuni dhe lexoni Shkrimin Shenjt, që përmes Shkrimit Shenjt të zbuloni se cila është porosia e ardhjeve të mia për ju.

Ju faleminderit që ju përgjigjët thirrjes sime!”



### *Porosia më 25 korrik 1991*

“Të dashur fëmijë!

Sot ju thërras që të luteni për paqe. Në këtë kohë paqja është veçanërisht e rrezikuar dhe kërkoj nga ju ta përtëri agjërimin dhe lutjen në familjet tuaja. Të dashur fëmijë, dëshiroj ta kuptoni seriozitetin e situatës dhe se pjesa më e madhe e asaj që do të ndodhë varet prej lutjes suaj. E ju luteni pak. Të dashur fëmijë, unë jam me ju dhe ju thërras të filloni të luteni dhe të agjëroni seriozisht, si në ditët e para të ardhjes sime.

Ju faleminderit që ju përgjigjët thirrjes sime!

### *Porosia më 25 gusht 1991*

“Të dashur fëmijë!

Sot ju thërras të luteni si kurrë më parë, tani kur plani im filloi të realizohet. Djalli është i fuqishëm dhe dëshiron të shkatërrojë planet e mia për paqe dhe gëzim dhe t’ju bëjë të mendoni se Biri im nuk është i fortë në vendimet e veta. Prandaj ju thërras të gjithëve, të dashur fëmijë, të luteni dhe të agjëroni edhe më shumë. Ju ftoj të bëni vetëmohim nëntë ditët e ardhshme dhe me ndihmën tuaj të realizohet çdo gjë që e kam thënë në Fatima përmes fshehtësive. Ju lutem, të dashur fëmijë, që me të vërtetë ta kuptoni rëndësinë e ardhjes sime dhe seriozitetin e situatës. Dëshiroj t’i shpëtoj të gjithë shpirtat dhe t’ia paraqes Zotit. Prandaj të lusim që të realizohet çdo gjë që kam filluar.

Ju faleminderit që ju përgjigjët thirrjes sime!”

### *Porosia më 25 shtator 1991*

“Të dashur fëmijë!

Sot ju thërras veçanërisht në lutje dhe në vetëmohim. Sepse tani si askurrë Djalli dëshiron t’ia tregojë botës fytyrën e vet të turpshme, me të cilën dëshiron të mashtrtojë sa më shumë njerëz dhe t’i çojë në rrugën e vdekjes dhe të mëkatit. Prandaj, të dashur fëmijë, ndihmojeni Zemrën time të Pamëkatë që të mbizotërojë botën e mëkatit. E lus secilin prej jush që të ofrojë lutje dhe sakrifica për qëllimet e mia, në mënyrë që t’ia ofroj Zotit për nevoja më të mëdha. Harrojini dëshirat tuaja dhe lutuni, të dashur fëmijë, për atë që Zoti dëshiron dhe jo për atë që ju dëshironi.

Ju faleminderit që ju përgjigjët thirrjes sime!”

### *Porosia më 25 tetor 1991*

“Të dashur fëmijë!

Lutuni, lutuni, lutuni!”

### *Porosia më 25 nëntor 1991*

“Të dashur fëmijë!

Edhe këtë herë po ju thërras të luteni. Lutuni, që të kuptoni çka dëshiron Zoti t’ju thotë përmes pranisë sime dhe përmes porosive që ju drejtoj. Dëshiroj t’ju afrojmë sa më afër Jezusit dhe zemrës së plagosur të tij, në mënyrë që ta kuptoni dashurinë e tij të pamasë, e cila është flijuar për secilin prej jush. Prandaj, fëmijë të dashur, lutuni që prej zemrave tuaja të rrjedhë burimi i dashurisë drejt çdo qenieje njerëzore, drejt atij që ju urren dhe atij që ju përbuz. Kështu me dashurinë e Jezusit, do të ngadhënjoni mbi këtë mjerim në këtë botë të helmuar, e cila është pa shpresë për ata që nuk e njohin Jezusin. Ju faleminderit për të gjitha sakrificat dhe lutjet. Lutuni, që t’ju ndihmoj edhe më shumë. Kam nevojë për lutjet tuaja.

Ju faleminderit që ju përgjigjët thirrjes sime.

### *Porosia më 25 dhjetor 1991*

“Të dashur fëmijë!

Sot ju sjell Jezusin e vogël në mënyrë të veçantë, që Ai t’ju japë bekimin e Tij të paqes dhe të dashurisë. Të dashur fëmijë, mos harroni se kjo është dhuratë, të cilën shumë njerëz nuk e kuptojnë dhe nuk e pranojnë. Prandaj ju, që pohoni se jeni të mitë dhe kërkonin ndihmën time, jepni çdo gjë prej vetes. Së pari, jepni dashurinë tuaj dhe shembullin e familjeve tuaja. Ta thoni se Krishtlindja është festë familjare. Prandaj, fëmijë të dashur, vëni Zotin në vendin e parë në familjet tuaja, në mënyrë që Ai t’ua japë paqen dhe t’ju mbrojtë, jo vetëm prej luftës, por që edhe në paqe t’ju ruajtë prej çdo sulmi të djallit. Kur Zoti është me ju, i keni të gjitha. E kur nuk e dëshironi, jeni të mjerë e të humbur dhe nuk dini se në anën e kujt jeni. Prandaj, fëmijë të dashur, përcaktohuni për Zotin dhe do të keni çdo gjë.

Ju faleminderit që ju përgjigjët thirrjes sime!”

### *Porosia më 25 janar 1992*

“Të dashur fëmijë!

Sot ju thërras të përtërinin lutjen në familjet tuaja, në mënyrë që çdo familje të bëhet gëzim i Birit tim Jezusit. Prandaj, të dashur fëmijë, lutuni dhe gjeni më shumë kohë për Jezusin. Kështu do të kuptoni dhe do ta pranoni çdo gjë, madje edhe sëmundjet dhe kryqat më të rëndë. Unë jam me ju dhe dëshiroj t’ju marr në zemrën time dhe t’ju mbroj. Por ju nuk keni vendosur ende. Prandaj, të dashur fëmijë, kërkoj prej jush të luteni dhe përmes lutjes të më lejoni t’ju ndihmoj. Lutuni, fëmijët e mi të dashur, në mënyrë që lutja të bëhet ushqimi juaj i përditshëm.

Ju faleminderit që ju përgjigjët thirrjes sime!”

### *Porosia më 25 shkurt 1992*

“Të dashur fëmijë!

Sot ju thërras t’i afroheni Zotit edhe më tepër me lutjet tuaja. Vetëm ashtu mund t’ju ndihmoj dhe t’ju mbroj prej sulmeve të Djallit. Unë jam me ju dhe angazhohem para Zotit që t’ju mbrojtë. Por më nevojiten lutjet tuaja dhe pëlqimi juaj.

Ju tregjeni në gjërat materiale dhe njerëzore, harroni se Zoti është miku juaj më i mirë. Prandaj,

fëmijë të mi të dashur, afrojuni Zotit që t'ju mbrojë dhe t'ju ruajë prej çdo së keqeje.  
Ju faleminderit që ju përgjigjët thirrjes sime.

### *Porosia me 25 mars 1992*

“Të dashur fëmijë!

Sot ju ftoj më shumë se kurrë që t'i zbatoni porositë e mia dhe t'i jetësoni. Kam ardhur këtu që t'ju ndihmoj, prandaj ju ftoj ta ndërroni jetën tuaj. Jeni nisur rrugës së gabuar, rrugës së shkatërrimit. Kur ju kam thënë: kthehuni, lutuni, agjëroni, pajtohuni, ju i keni kuptuar ato porosi sipërfaqësisht. Keni filluar të jetoni sipas tyre, por shpejt i keni braktisur, sepse e keni pasur vështirë. Jo, të dashur fëmijë, kur diçka është e mirë, duhet me këmbëngulje të qëndroni në të mirën, e jo të kujtoni: Zoti nuk më sheh, nuk më dëgjon, nuk më ndihmon. Dhe kështu, për shkak të një interesi tuaj të mjerë, jeni larguar prej meje dhe prej Zotit. Kam dëshiruar prej jush të bëj oazën e paqes, të dashurisë dhe të mirësisë. Zoti ka dëshiruar që ju me dashurinë tuaj dhe me ndihmën e tij të bëni mrekulli dhe ashtu t'u jepni shembull të tjerëve.

Prandaj po ju them: Djalli po luan me ju dhe me shpirtrat tuaj, e unë nuk mund t'ju ndihmoj, sepse jeni larg nga zemra ime. Prandaj lutuni, jetoni sipas porosive të mia dhe do të shihni mrekullitë e dashurisë së Zotit në jetën tuaj të përditshme.

Ju faleminderit që ju përgjigjët thirrjes sime!”

### *Porosia më 25 prill 1992*

“Të dashur fëmijë!

Edhe sot ju thërras të luteni. Vetëm me lutje dhe agjërim mund të ndalet lufta. Prandaj, fëmijët e mi të dashur, lutuni dhe me jetën tuaj dëshmoni se jeni të mitë dhe se më takoni mua. Sepse Djalli dëshiron në këto ditë të trazuara të mashtrojë sa më shumë shpirtra. Prandaj ju ftoj ta doni Zotin. Ai do t'ju mbrojë dhe do t'ju tregojë se çka duhet të bëni dhe cilës rrugë duhet të shkoni. I ftoj të gjithë ata që më kanë thënë “po” që t'i kushtohen sërish Birit tim Jezusit dhe Zemrës së Tij, dhe mua po ashtu, në mënyrë që më me forcë t'ju marrim si vegël paqeje në këtë botë të trazuar.

Megjurgorje është shenjë për të gjithë ju dhe thirrje që të luteni dhe të jetoni ditët e mëshirës që jua jep Zoti. Prandaj, fëmijë të dashur, kuptojeni seriozisht këtë thirrje për lutje. Unë jam me ju dhe vuajtja juaj është edhe vuajtje ime.

Ju faleminderit që ju përgjigjët thirrjes sime!”

### *Porosia më 25 maj 1992*

“Fëmijë të dashur!

Edhe sot ju ftoj të luteni, në mënyrë që përmes lutjes edhe më tepër t'i afroheni Zotit. Unë jam me ju dhe dëshiroj t'ju çoj rrugës së shpëtimit që jua jep Jezusi. Për çdo ditë jam më afër jush, edhe pse ju nuk jeni të vetëdijshëm dhe nuk dëshironi ta pranoni se nëpërmes lutjes jeni të lidhur pak me mua.

Kur ju ndodhin sprovat dhe ballafaqoheni me problemet, thoni: “O Zot, o Nënë, ku jeni?” E unë

pres vetëm të ma thoni “po”-në tuaj, që t’ia përcjell Jezusit, që Ai t’jua dhurojë hirin e vet. Prandaj, pranojeni edhe një herë thirrjen time dhe filloni përsëri të luteni, mu deri atëherë kur lutja juaj të bëhet gëzim. E atëherë do ta kuptoni se Zoti është i gjithëpushtetshëm në jetën tuaj të përditshme. Unë jam me ju dhe ju pres.  
Ju faleminderit që ju përgjigjët thirrjes sime!”

*Porosia më 25 qershor 1992*  
(Njëmbëdhjetëvjetori i dëftimeve)

“Të dashur fëmijë!

Sot jam e lumtur, edhe pse në zemrën time ka akoma pikëllim për ata të cilët janë nisur kësaj rruge e pastaj e kanë braktisur. Prania ime këtu është e nevojshme që t’ju shpie rrugës së re, rrugës së shpëtimit. Prandaj, prej ditës në ditë ju thërras të ktheheni. Sepse nëse nuk luteni, nuk mund të thoni se po ktheheni.

Lutem për ju dhe ndërmjetësoj para Zotit për paqe: së pari për paqe në zemrat tuaja, e pastaj edhe për paqe rreth jush, që Zoti të jetë paqja juaj.

Ju faleminderit që ju përgjigjët thirrjes sime!”

(Zoja me këtë rast të gjithë të pranishmëve jua ka dhënë bekimin e veçantë amnor të saj.)

*Porosia më 25 korrik 1992*

“Të dashur fëmijë!

Edhe sot ju ftoj të gjithëve të luteni, madje të luteni me gëzim, në mënyrë që asnjëri prej jush në këto ditë të trishtuara të mos ndiejë pikëllim gjatë lutjes, por takim të gëzuar me Hyjin e vet Krijues. Lutuni, fëmijë, që të jeni sa më afër meje dhe që përmes lutjes të ndieni se çka dëshiroj prej jush.

Unë jam me ju dhe ju bekoj çdo ditë me bekimin tim amnor që Zoti t’ju dhurojë me mbushullinë e hireve për jetën e përditshme. Falënderoni Zotin për dhuratën që mund të jem me ju, sepse ky është, jua them, hir i madh!

Ju faleminderit që ju përgjigjët thirrjes sime!”

*Porosia më 25 gusht 1992*

“Të dashur fëmijë!

Sot dëshiroj t’ju them se ju dua. Ju dua me dashurinë time amnore dhe ju ftoj të më hapeni plotësisht, në mënyrë që përmes secilit prej jush ta kthej dhe ta shpëtoj botën, e cila është plot me mëkate dhe me çdo gjë që nuk është e mirë. Prandaj, fëmijët e mi të dashur, m’u hapni krejtësisht, në mënyrë që sa më shumë të kem mundësi t’ju çoj drejt dashurisë së mrekullueshme të Zotit Krijues, i cili ju zbulohet prej ditës në ditë. Unë jam me ju dhe dëshiroj t’jua zbuloj Zotin që ju do.

Ju faleminderit që ju përgjigjët thirrjes sime!”

### *Porosia më 25 shtator 1992*

“Të dashur fëmijë!

Edhe sot dëshiroj t’ju them: unë jam me ju në këto ditë të trazuara, kur djalli dëshiron të rrënojë krejt çka ndërtojmë unë dhe Biri im Jezusi. Ai veçanërisht dëshiron të shkatërrojë shpirtat tuaj. Dëshiron t’ju çojë sa më larg prej jetës së krishterë dhe prej urdhrave, sipas të cilave Kisha ju urdhëron të jetoni. Djalli dëshiron të rrënojë çdo gjë që është e shenjtë në ju dhe rreth jush. Prandaj, fëmijë, lutuni, lutuni, lutuni, në mënyrë që ta kuptoni krejt çka jua jep Zoti përmes ardhjeve të mia.

Ju faleminderit që ju përgjigjët thirrjes sime!”

### *Porosia më 25 tetor 1992*

“Të dashur fëmijë!

Ju thërras të luteni tani kur Djalli është i fortë dhe dëshiron të përvetësojë sa më shumë shpirta. Lutuni, fëmijë të dashur dhe kini më shumë besim në mua, sepse unë jam këtu t’ju ndihmoj dhe t’ju çoj rrugës së re, drejt jetës së re. Prandaj, fëmijë të dashur, dëgjoni dhe zbatoheni atë që jua them, sepse do të jetë me rëndësi për ju që t’i kujtoni fjalët e mia dhe të gjitha ato që kam thënë, kur të mos jem më me ju. Ju thërras që rrënjësisht të ndërroni jetën tuaj dhe që të përcaktoheni për kthim, jo me fjalë por me vepër!.

Ju faleminderit që ju përgjigjët thirrjes sime!”

### *Porosia më 25 nëntor 1992*

“Të dashur fëmijë!

Si kurrë më parë, sot ju thërras të luteni. Vetë jeta juaj le të bëhet lutje. Pa dashuri nuk ka lutje. Prandaj ju ftoj ta doni mbi të gjitha Zotin, Krijuesin e jetës suaj, e atëherë do ta njihni Zotin dhe do ta doni të gjithë, ashtu si ju do Ai. Të dashur fëmijë, është hir që jam me ju, prandaj pranoni dhe zbatoni porosinë e mia për të mirën tuaj. Unë ju dua, prandaj jam me ju që t’ju mësoj dhe t’ju udhëheq drejt jetës së re të kthimit dhe të vetëmohimit. Vetëm kështu do ta zbuloni Zotin dhe të gjitha që tani janë larg jush. Prandaj, fëmijë, lutuni.

Ju faleminderit që ju përgjigjët thirrjes sime!”

### *Porosia më 25 dhjetor 1992*

“Të dashur fëmijë!

Sot dëshiroj që të gjithëve t’ju mbuloj me mantelin tim dhe t’ju mbroj nga të gjitha sulmet e djallit. Sot është dita e paqes, e në mbarë botën mbretëron shqetësim i madh. Prandaj ju ftoj që të gjithë me mua nëpërmes lutjes të ndërtoni botën e re të paqes. Pa ju këtë nuk mund ta bëj, prandaj ju thërras të gjithëve me dashurinë time amnore, e të tjerat do t’i bëjë Zoti.

Për këtë arsye hapuni për planin e Zotit dhe për qëllimet e Tij, mandej të bashkëpunoni me Të për paqe dhe për të mirë. Mos harroni se jeta juaj nuk ju takon juve, por është dhuratë me të cilën duhet t’i gëzoni të tjerët dhe t’i drejtoni kah jeta e pasosur. Të dashur fëmijë, le t’ju përcjellë

gjithmonë butësia e Jezusit tim të Vogël.  
Ju faleminderit që ju përgjigjët thirrjes sime!”

### *Porosia më 25 janar 1993*

“Të dashur fëmijë!

Sot ju thërras t’i pranoni me seriozitet dhe t’i zbatoni porosinë e mia. Këto janë ditët kur duhet ta doni Zotin, paqen dhe të mirën. Le të zhduket çdo urrejtje dhe xhelozia nga jeta juaj dhe nga mendimet tuaja, le të banojë në to vetëm dashuria për Zotin dhe të afërmin. Vetëm kështu mund t’i njihni shenjat e kësaj kohe.

Unë jam me ju dhe ju çoj drejt kohës së re, kohës të cilën Zoti jua jep si hir që Ta njihni edhe më shumë.

Ju faleminderit që ju përgjigjët thirrjes sime!”

### *Porosia më 25 shkurt 1993*

“Të dashur fëmijë!

Sot jua jap bekimin tim amnor dhe të gjithëve ju thërras të kthim. Dëshiroj që secili prej jush të vendosë ta ndërrojë jetën dhe që çdonjëri prej jush të punojë më shumë në Kishë, jo me fjalë e me mendime, por me shembull, në mënyrë që jeta juaj të jetë dëshmi e gëzueshme e Jezusit. Nuk mund të thoni se jeni të kthyer, sepse jeta juaj duhet të bëhet kthim i përditshëm.

Që të kuptoni se çka duhet të bëni, fëmijë, lutuni dhe Zoti do t’ju tregojë çka duhet të bëni dhe në çka duhet të ndryshoheni. Unë jam me ju dhe ju mbuloj të gjithëve me pelerinën time.

Ju faleminderit që ju përgjigjët thirrjes sime!”

### *Porosia më 25 mars 1993*

“Të dashur fëmijë!

Sot, si kurrë më parë, ju thërras të luteni për paqe: paqe në zemrat tuaja, paqe në familjet tuaja dhe paqe në mbarë botën, sepse djalli kërkon luftë. Ai nuk dëshiron paqe. Lutuni, lutuni, lutuni!

Ju faleminderit që ju përgjigjët thirrjes sime!”

### *Porosia më 25 prill 1993*

“Të dashur fëmijë!

Sot ju thërras të gjithëve t’i zgjoni zemrat tuaja për dashuri. Shkoni në natyrë dhe shikoni se si zgjohet, kjo do t’ju ndihmojë t’i hapni zemrat tuaja për dashurinë e Zotit Krijues. Dëshiroj që ta zgjoni dashurinë në familjet tuaja, në mënyrë që atje ku mbretëron shqetësimi dhe urrejtja, të mbretërojë dashuria. E nëse ka dashuri në zemrat tuaja, ka edhe lutje. Dhe mos harroni, të dashur fëmijë, se jam me ju dhe ju ndihmoj me lutjet e mia që Zoti t’ju japë forcë për dashuri. Ju bekoj dhe ju dua me dashurinë time amnore.

Ju faleminderit që ju përgjigjët thirrjes sime!”

### *Porosia më 25 maj 1993*

“Të dashur fëmijë!

Sot ju thërras të hapeni para Zotit në lutje, në mënyrë që Shpirti i Shenjtë të bëjë mrekulli me ju dhe përmes jush. Sepse, të dashur fëmijë, secili prej jush është i rëndësishëm në planin tim të shpëtimit. Ju thërras që të jeni bartës të së mirës dhe të paqes. Zoti mund t’ju japë paqen vetëm nëse ktheheni dhe luteni. Prandaj, fëmijët e mi të dashur, lutuni, lutuni, lutuni dhe bëni atë në çka ju frymëzon Shpirti i Shenjtë.

Ju faleminderit që ju përgjigjët thirrjes sime!”

### *Porosia me 25. qershor 1993.*

*(12-vjetori i dëftimeve)*

“Të dashur fëmijë!

Edhe sot i gëzohem pranisë suaj këtu. Ju bekoj me bekimin tim amnor dhe ndërmjetësoj për secilin prej jush para Zotit. Ju thërras përsëri t’i zbatoni porositë e mia dhe t’i vini në jetën tuaj. Unë jam me ju dhe ju bekoj të gjithëve. Të dashur fëmijë, këto janë kohëra të veçanta, për këtë arsye jam me ju t’ju dua dhe t’ju mbroj. Që t’i mbroj zemrat tuaja prej Djallit dhe t’ju afroje edhe më afër Zembrës së Birit tim Jezusit.

Ju faleminderit që ju përgjigjët thirrjes sime!”

### *Porosia me 25 korrik 1993*

“Të dashur fëmijë!

Ju falënderoj për lutjet tuaja dhe për dashurinë që më tregoni. Ju thërras të vendosni të luteni për qëllimet e mia. Të dashur fëmijë, lutni nëntëshet, duke u sakrifikuar në ato gjëra, për të cilat ndiheni më së shumti të lidhur. Dëshiroj që jeta juaj të jetë e lidhur për mua. Unë jam Nëna juaj dhe nuk dëshiroj, fëmijë, që Djalli t’ju mashtrtojë, sepse ai dëshiron t’ju çojë në rrugë të gabuar. Por ai nuk mund ta bëjë këtë nëse ju nuk ia lejoni. Për këtë arsye, fëmijë, përtërijeni lutjen në zemrat tuaja dhe do ta kuptoni thirrjen time dhe dëshirën time të gjallë që t’ju ndihmoj.

Ju faleminderit që ju përgjigjët thirrjes sime!”

### *Porosia më 25 gusht 1993*

“Të dashur fëmijë!

Dëshiroj të kuptoni se unë jam Nëna juaj. Unë dëshiroj t’ju ndihmoj dhe t’ju thërras të luteni, sepse vetëm me lutje mund t’i kuptoni dhe t’i pranoni porositë e mia dhe t’i zbatoni në jetë. Lexoni Shkrimin Shenjt, jetoni sipas tij, dhe lutuni, në mënyrë t’i kuptoni shenjat e kësaj kohe. Kjo është kohë e veçantë. Prandaj, jam me ju, që t’ju kem afër Zembrës sime dhe Zembrës së Birit tim Jezusit.

Të dashur fëmijë, dëshiroj të jeni fëmijët e dritës e jo të territ. Për këtë arsye jetoni ashtu si ju them.

Ju faleminderit që ju përgjigjët thirrjes sime!”

### *Porosia më 25 shtator 1993*

“Të dashur fëmijë!

Unë jam Nëna juaj dhe ju thërras përmes lutjeve t’i afroheni Zotit, sepse Ai është paqja juaj, Shpëtimtari juaj. Prandaj, fëmijë, mos kërkoni ngushëllime materiale, por kërkoni Zotin. Unë lutem për ju dhe ndërmjetësoj para Zotit për secilin veç e veç. Kërkoj nga ju të luteni, për të më pranuar mua e porositë e mia si në ditët e para të dëftimeve. Dhe vetëm kur t’i hapni zemrat tuaja dhe kur të luteni, do të ndodhin mrekulli.

Ju faleminderit që ju përgjigjët thirrjes sime!”

### *Porosia më 25 tetor 1993*

“Të dashur fëmijë!

Gjatë gjithë këtyre vjetëve ju kam thirrur të luteni, ta zbatoni atë që jua them, por ju nuk brengoseni fort për porositë e mia. Ju flisni, por nuk i zbatoni; për këtë arsye, fëmijë, edhe kjo luftë po zgjat kaq shumë. Ju thërras të hapeni para Zotit dhe të jetoni me Zotin në zemrën tuaj, duke jetuar të Mirën dhe duke dëshmuar porositë e mia. Unë ju dua dhe dëshiroj t’ju mbroj nga çdo e keqe, por ju nuk e doni këtë. Të dashur fëmijë, nuk mund t’ju ndihmoj, nëse nuk jetoni sipas porosive të mia, nëse nuk e jetoni Meshën e shenjtë, nëse nuk i largoheni mëkatit.

Ju thërras të jeni apostuj të dashurisë dhe të mirësisë. Në këtë botë të trazuar dëshmoni Zotin dhe dashurinë e Zotit, e Zoti do t’ju bekojë dhe do t’ju japë atë që kërkoni prej tij.

Ju faleminderit që ju përgjigjët thirrjes sime!”

### *Porosia më 25 nëntor 1993*

“Të dashur fëmijë!

Ju thërras tani, në këtë kohë, si kurrë më parë që të përgatiteni për ardhjen e Jezusit. Le të sundojë Jezusi i vogël në zemrat tuaja dhe vetëm atëherë do të jeni të lumtur, kur Jezusi të jetë miku juaj. Nuk do ta keni vështirë as të luteni, as të kushtoni flijime, as ta dëshmoni madhërinë e Jezusit në jetën tuaj, sepse Ai do t’ju japë forcë dhe gëzim në këtë kohë. Unë jam me ju me lutje dhe me ndërmjetësime, ju dua dhe të gjithëve ju bekoj.

Ju faleminderit që ju përgjigjët thirrjes sime!

### *Porosia më 25 dhjetor 1993*

“Të dashur fëmijë!

Sot gëzohem me Jezusin e Vogël dhe dëshiroj që gëzimi i Jezusit të hyjë në çdo zemër. Fëmijë, bashkë me porosinë, ju jap bekimin, ashtu si edhe Biri im Jezusi, që në çdo zemër të mbretërojë paqja. Ju dua, fëmijë, dhe ju thërras të më afroheni me lutje. Ju flisni, vetëm flisni, dhe nuk luteni. Prandaj, fëmijë, vendosuni për lutje. Vetëm ashtu do të jeni të lumtur dhe Zoti do t’jua



japë atë që kërkoni prej Tij.  
Ju faleminderit që ju përgjigjët thirrjes sime!”

### *Porosia më 25 janar 1994*

“Të dashur fëmijë!

Të gjithë ju jeni fëmijë të mi. Unë ju dua. Por, fëmijë, mos harroni se pa lutje nuk mund të jeni afër meje. Në këtë kohë djalli dëshiron pështjellim në zemrat tuaja dhe në familjet tuaja. Fëmijë, qëndroni! Nuk bën të lejoni që ai t’ju drejtojë ju dhe jetën tuaj. Unë ju dua dhe ndërmjetësoj për ju para Zotit. Fëmijë, lutuni!

Ju faleminderit që ju përgjigjët thirrjes sime!”

### *Porosia më 25 shkurt 1994*

“Të dashur fëmijë!

Sot ju falënderoj për lutjet tuaja. Të gjithë më keni ndihmuar që sa më parë të përfundojë kjo luftë. Unë jam me ju dhe lutem për secilin prej jush. Ju lutem: lutuni, lutuni, lutuni! Vetëm me lutje mund ta mposhtni të keqen dhe të mbron çdo gjë që djalli dëshiron ta shkatërrojë në jetën tuaj. Unë jam Nëna juaj dhe ju dua të gjithëve njësoj dhe ndërmjetësoj për ju para Zotit.

Ju faleminderit që ju përgjigjët thirrjes sime!”

### *Porosia më 25 mars 1994*

“Të dashur fëmijë!

Sot gëzohem me ju dhe ju thërras të ma hapni zemrën dhe të bëheni vegël në duart e mia për ta shpëtuar botën. Dëshiroj, fëmijë, që të gjithë ju që e keni ndier erën e shenjtërisë përmes këtyre porosive që jua jap, t’i bartni ato në këtë botë të uritur për Zotin dhe për dashurinë e Zotit. Ju falënderoj të gjithë juve që keni ardhur kaq shumë dhe ju bekoj me bekimin tim amnor.

Ju faleminderit që ju përgjigjët thirrjes sime!”

### *Porosia më 25 prill 1994*

“Të dashur fëmijë!

Sot ju thërras të gjithëve të luteni për qëllimin tim. Fëmijë, ju thërras që secili prej jush të ndihmojë të realizohet plani im përmes kësaj famullie. Tani në mënyrë të veçantë ju thërras të vendosni për t’u nisur rrugës së shenjtërisë. Vetëm ashtu mund të jeni afër meje.

Ju dua dhe dëshiroj t’ju marr të gjithëve me vete në parajsë. Por nëse nuk luteni dhe nëse në mënyrë të përvuajtur dhe me dëgjesë nuk i respektoni porositë që jua jap, nuk mund t’ju ndihmoj.

Ju faleminderit që ju përgjigjët thirrjes sime!”

### *Porosia më 25 maj 1994*

“Të dashur fëmijë!

Ju ftoj të gjithëve të keni më shumë besim në mua dhe t’i zbatoni më thellë porositë e mia. Unë jam me ju dhe ndërmjetësoj për ju para Zotit, por pres që edhe zemrat tuaja të hapen për porositë e mia.

Gëzohuni se Zoti ju do dhe ju jep mundësinë që për çdo ditë të ktheheni dhe të besoni më fort në Hyjin Krijues.

Ju faleminderit që ju përgjigjët thirrjes sime!”

### *Porosia më 25 qershor 1994*

*(13-vjetori i dëftimit)*

“Të dashur fëmijë!

Sot më gëzohet Zemra kur ju shikoj të gjithëve këtu. Ju bekoj dhe ju thërras të gjithëve që të vendosni për të jetuar sipas porosive që ju jap këtu. Të gjithëve, fëmijë, dëshiroj t’ju shpie te Jezusi, sepse ai është shpëtimi juaj. Prandaj, fëmijë, sa më shumë të luteni, aq më shumë do të jeni të mitë dhe të Birit tim Jezusit. Ju bekoj të gjithëve me bekimin tim amnor.

Ju faleminderit që ju përgjigjët thirrjes sime!”

### *Porosia më 25 korrik 1994*

“Të dashur fëmijë!

Sot ju thërras të vendosni t’ia kushtoni kohën tuaj lutjes. Fëmijë, nuk mund të thoni se jeni të mitë, se keni përjetuar kthimin përmes porosive të mia, nëse nuk jeni të gatshëm të ndani kohën për Zotin. Unë jam afër jush dhe ju bekoj të gjithëve. Fëmijë, mos harroni, se nëse nuk do të luteni, nuk do të jeni afër meje, as afër Shpirtit të Shenjtë, i cili ju shpie rrugës së shenjtërisë.

Ju faleminderit që ju përgjigjët thirrjes sime!”

### *Porosia më 25 gusht 1994*

“Të dashur fëmijë!

Sot jam bashkë me ju në mënyrë të veçantë, duke u lutur për dhuratën e pranisë së Birit tim në shtëpitë tuaja. Lutuni, fëmijë, për shëndetin e birit tim më të dashur, i cili vuan dhe të cilin e kam zgjedhur për këto kohëra. Unë lutem dhe ndërmjetësoj para Birit tim, Jezusit, që të realizohet ëndrra e etërve tuaj.

Lutuni, fëmijë, në mënyrë të veçantë, sepse Djalli është i fortë dhe dëshiron të shkatërrojë shpresën në zemrat tuaja. Ju bekoj.

Ju faleminderit që ju përgjigjët thirrjes sime!”

### *Porosia më 25 shtator 1994*

“Të dashur fëmijë!

Gëzohem me ju dhe ju thërras të luteni. Fëmijë, lutuni për qëllimin tim. Kam nevojë për lutjet tuaja, me të cilat dua t’ju afroj te Zoti. Ai është shpëtimi juaj. Zoti më dërgon t’ju ndihmoj dhe t’ju çoj në parajsë, ku është caku juaj. Prandaj, fëmijë, lutuni, lutuni, lutuni! Ju faleminderit që ju përgjigjët thirrjes sime!

#### *Porosia më 25 tetor 1994*

“Të dashur fëmijë!

Unë jam me ju dhe sot gëzohem se i Tejetlarti më ka dhuruar që të jem me ju që t’ju mësoj dhe t’ju prij rrugës së përsosmërisë. Fëmijë, dëshiroj të jeni buqetë e mrekullueshme, të cilën do t’ia dhuroj Zotit për ditën e të Gjithë Shenjtërve. Ju thërras të hapeni dhe jetoni sipas shembullit të shenjtërve. Nëna Kishë i ka zgjedhur të jenë nxitje për jetën tuaj të përditshme. Ju faleminderit që ju përgjigjët thirrjes sime!”

#### *Porosia më 25 nëntor 1994*

“Të dashur fëmijë!

Sot ju thërras të luteni. Unë jam me ju dhe ju dua të gjithëve Unë jam Nëna juaj dhe dëshiroj që zemra juaj të jetë e ngjashme me Zemrën time. Fëmijë, pa lutje nuk mund të jetoni dhe të thoni se jeni të mitë. Lutja është gëzim. Lutja është ajo që zemra e njeriut do. Prandaj, afrohuni, fëmijë, afër zemrës sime të Pamëkat dhe do ta zbuloni Zotin. Ju faleminderit që ju përgjigjët thirrjes sime!”

#### *Porosia më 25 dhjetor 1994*

“Të dashur fëmijë!

Sot gëzohem me ju dhe lutem me ju për paqe: paqe në zemrat tuaja, paqe në familjet tuaja, paqe në dëshirat tuaja, paqe në mbarë botën. Mbreti i Paqes le t’ju bekojë sot dhe le t’ju japë paqe. Të gjithëve ju bekoj dhe secilin e bart në zemër. Ju faleminderit që ju përgjigjët thirrjes sime!

#### *Porosia më 25 janar 1995*

“Të dashur fëmijë!

Ju thërras t’ia hapni derën e zemrës suaj Jezusit, ashtu si lulja i hapet diellit. Jezusi dëshiron t’i mbushë zemrat tuaja me paqe dhe me gëzim. Nuk mund ta realizoni paqen, fëmijë, nëse nuk jeni në paqe me Jezusin. Prandaj ju thërras në Rrëfimin e shenjtë, që Jezusi të jetë e vërteta dhe paqja juaj. Fëmijë, lutuni që të keni forcë ta zbatoni atë që ju them. Unë jam me ju dhe ju dua. Ju faleminderit që ju përgjigjët thirrjes sime!”

### *Porosia më 25 shkurt 1995*

“Të dashur fëmijë!

Sot ju thërras të bëheni misionarë të porosive të mia, të cilat i jap në këtë vend të dashur për mua. Zoti më ka lejuar të mbetem kaq gjatë me ju dhe për këtë arsye, fëmijë, ju thërras t’i zbatoni me dashuri porosinë që ju jap dhe t’i bartni në tërë botën, në mënyrë që lumi i dashurisë të rrjedhë në popullin, që është plot urrejtje dhe trazira. Ju thërras, fëmijë, të bëheni paqe atje ku është trazira dhe dritë ku është errësira, kështu që çdo zemër të pranojë dritën dhe rrugën e shpëtimit.

Ju faleminderit që ju përgjigjët thirrjes sime!”

### *Porosia më 25 mars 1995*

“Të dashur fëmijë!

Sot ju thërras ta zbatoni paqen në zemrat dhe në familjet tuaja. Nuk ka paqe, fëmijë, ku nuk ka lutje dhe nuk ka dashuri ku nuk ka besim.

Prandaj, fëmijë, ju thërras të gjithëve që sot përsëri të përcaktoheni për kthim. Unë jam afër jush dhe ju thërras të gjithëve, fëmijë, në prehrin tim t’ju ndihmoj, por ju nuk e dëshironi këtë dhe kështu djalli ju tundon dhe në gjërat më të vogla humb besimi. Prandaj, fëmijë, lutuni, dhe përmes lutjes do të keni bekimin dhe paqen.

Ju faleminderit që ju përgjigjët thirrjes sime!”

### *Porosia më 25 prill 1995*

“Të dashur fëmijë!

Sot ju ftoj për dashuri. Fëmijë, pa dashuri nuk mund të jetoni as me Zotin as me vëllezërit. Prandaj ju thërras të gjithëve t’ia hapni zemrat tuaja dashurisë së Zotit, që është shumë e madhe dhe e hapur për të gjithë ju. Për shkak të dashurisë për njeriun Zoti më ka dërguar në mesin tuaj që t’ju tregoj rrugën e shpëtimit, rrugën e dashurisë. Nëse nuk e doni Zotin, së pari, nuk ta doni as të afërmin, as atë që e urreni. Prandaj, fëmijë, lutuni dhe përmes lutjes do ta zbuloni dashurinë. Ju faleminderit që ju përgjigjët thirrjes sime!”

### *Porosia më 25 maj 1995*

“Të dashur fëmijë!

Ju ftoj, fëmijë, të më ndihmoni me lutjet tuaja, që të afrojmë sa më shumë zemra Zemrës sime të Pamëkatë. Djalli është i fortë dhe me të gjitha forcat dëshiron të tërheqë sa më shumë persona kah vetja dhe kah mëkati. Prandaj, dëshiron të rrëmbejë në çdo moment më tepër njerëz. Ju lutem, fëmijë, lutuni dhe më ndihmoni t’ju ndihmoj. Unë jam Nëna juaj, ju dua, prandaj dëshiroj t’ju ndihmoj.

Ju faleminderit që ju përgjigjët thirrjes sime!”

*Porosia më 25 qershor 1995*  
*(14-vjetori i dëftimeve)*

“Të dashur fëmijë!

Sot jam e lumtur që ju shoh kaq shumë që ju përgjigjët thirrjes sime dhe keni ardhur që t’i jetoni porosinë e mia. Ju thërras, fëmijë, të jeni bartës të gëzueshëm të paqes në këtë botë të trazuar. Lutuni për paqe, që sa më parë të mbretërojë koha e paqes, që Zemra ime e pret me padurim. Unë jam afër jush, fëmijë, e paraqes secilin prej jush para të Tejetlartit dhe ju bekoj të gjithëve me bekimin tim amnor.

Ju faleminderit që ju përgjigjët thirrjes sime!”

*Poprosia më 25 korrik 1995*

“Të dashur fëmijë!

Edhe sot ju thërras të luteni, sepse vetëm me lutje do ta kuptoni ardhjen time këtu. Shpirti i Shenjtë do t’ju ndriçojë në lutje, që të kuptoni sesi duhet të ktheheni. Fëmijë, dëshiroj që prej jush të bëj një buqetë të mrekullueshme të gatshme për amshim, por ju nuk po e pranoni kthimin, rrugën e shpëtimit të cilën po jua ofroj përmes këtyre dëftimeve.

Fëmijë, lutuni, ktheni zemrat tuaja dhe m’u afroni. Le të fitojë e mira mbi të keqen. Unë ju dua dhe ju bekoj.

Ju faleminderit që ju përgjigjët thirrjes sime!”

*Porosia më 25 gusht 1995*

“Të dashur fëmijë!

Sot ju thërras të luteni. Le të jetë lutja për ju jetë. Një familje nuk mund të thotë se është në paqe, nëse nuk lutet. Prandaj, mëngjesi juaj le të fillojë me lutjen e mëngjesit, e mbrëmja le të përfundojë me falënderim. Fëmijë, jam me ju, ju dua, ju bekoj dhe dëshiroj që secili prej jush të jetë në përqaftimin tim. Nuk mund të jeni në përqaftimin tim, nëse nuk jeni të gatshëm të luteni çdo ditë.

Ju faleminderit që ju përgjigjët thirrjes sime!”

*Porosia më 25 shtator 1995*

“Të dashur fëmijë!

Sot ju thërras të dashuroheni në Sakramentin e Shenjtë të altarit. Adhurojeni atë, fëmijë, në famullitë tuaja dhe kështu do të jeni të bashkuar me mbarë botën. Jezusi do t’ju bëhet mik dhe nuk do të flisni për të si për dikë që mezi e njihni. Bashkimi me të do të jetë i gëzueshëm dhe do të jeni dëshmitarë të dashurisë së Jezusit, të cilën ai e ka për çdo krijesë. Fëmijë, kur e adhuroni Jezusin, edhe mua më keni afër.

Ju faleminderit që ju përgjigjët thirrjes sime!”

### *Porosia më 25 tetor 1995*

“Të dashur fëmijë!

Sot ju thërras të shkoni në natyrë, sepse atje do ta takoni Zotin Krijues. Fëmijë, sot ju thërras ta falënderoni Zotin për çdo gjë që ju jep. Duke u falënderuar, do ta zbuloni të Gjithëpushtetshmin dhe të gjitha të mirat që ju rrethojnë. Fëmijë, Zoti është i madh dhe dashuria e tij është e madhe për çdo krijesë. Prandaj lutuni që ta kuptoni dashurinë dhe mirësinë e Zotit. Në mirësinë dhe dashurinë e Hyjit Krijues edhe unë jam me ju si dhuratë.

Ju faleminderit që ju përgjigjët thirrjes sime!

### *Porosia më 25 nëntor 1995*

“Të dashur fëmijë!

Sot ju thërras të gjithëve të filloni përsëri ta doni së pari Zotin, i cili e ka shpëtuar dhe shpëguar secilin prej jush, e pastaj vëllezërit dhe motrat në rrethinën tuaj. Pa dashuri, fëmijë, nuk mund të rriteni në shenjtëri dhe nuk mund të bëni vepra të mira. Prandaj, fëmijë, lutuni, lutuni pa ndërprerje, që Zoti t’jua shfaqë dashurinë e vet. Ju kam thirrur të gjithëve të bashkoheni me mua dhe të duheni. Edhe sot jam me ju dhe ju thërras që të zbuloni dashurinë në zemrat dhe familjet tuaja. Që Zoti të jetojë në zemrat tuaja, duhet të keni dashuri.

Ju faleminderit që ju përgjigjët thirrjes sime!”

### *Porosia më 25 dhjetor 1995*

“Të dashur fëmijë!

Gëzohem edhe sot me ju dhe jua sjell Jezusin e Vogël që t’ju bekojë. Ju thërras, të dashur fëmijë, që jeta juaj të bashkohet me Të.

Jezusi është Mbreti i Paqes dhe vetëm Ai mund t’jua japë paqen që kërkon. Unë jam me ju dhe i flas për ju në mënyrë të veçantë Jezusit tani në këtë kohë të re, kur duhet të përcaktoheni për Të. Kjo kohë është kohë mëshire.

Ju faleminderit që ju përgjigjët thirrjes sime!”

### *Porosia më 25 janar 1996*

“Të dashur fëmijë!

Sot ju thërras ta doni paqen. Luteni Zotin t’jua japë paqen e vërtetë. Jetoni me paqen në zemrat tuaja dhe do të kuptoni, të dashur fëmijë, se paqja është dhuratë e Zotit. Të dashur fëmijë, pa dashuri nuk mund ta kultivoni paqen. Fryt i paqes është dashuria, e fryt i dashurisë është falja. Unë jam me ju dhe ju ftoj të gjithëve, fëmijë, që së pari të falni në familje, e pastaj mund t’i falni të tjerët.

Ju faleminderit që ju përgjigjët thirrjes sime!”

### *Porosia më 25 shkurt 1996*

“Të dashur fëmijë!

Sot ju thërras të ktheheni. Kjo është porosia më e rëndësishme, të cilën jua kam dhënë këtu. Fëmijë, dëshiroj që secili prej jush të jetë bartës i porosive të mia. Ju thërras, fëmijë, që t’i jetoni porositë, të cilat jua kam dhënë gjatë këtyre viteve. Kjo është kohë mëshire, sidomos tani kur edhe Kisha po ju thërret të luteni dhe të ktheheni. Edhe unë, fëmijë, po ju thërras t’i zbatoni porositë që jua kam dhënë gjatë kësaj kohe, qysh se dëftohem këtu. Ju faleminderit që ju përgjigjët thirrjes sime!”

### *Porosia më 25 mars 1996*

“Të dashur fëmijë!

Ju thërras përsëri që ta doni Zotin mbi të gjitha. Në këtë kohë, kur për shkak të mentalitetit konsumues harrohet se çka do të thotë të duash dhe të çmosh vlerat e vërteta, unë ju thërras përsëri, fëmijë, që në jetën tuaj të vendosni Zotin në vendin e parë. Mos lejoni që djalli t’ju tërheqë kah gjërat materiale, por, fëmijë, çmojeni Zotin, i cili është liria dhe dashuria juaj. Zgjidheni jetën dhe jo vdekjen e shpirtit. Fëmijë, në këtë kohë kur mendoni për Mundimin dhe vdekjen e Jezusit, ju thërras ta zgjidhni jetën që po lind e ringjallur dhe sot le të përtërihet jeta juaj me kthimin që do t’ju çojë në jetën e amshuar. Ju faleminderit që iu keni përgjigjur thirrjes sime!”

### *Porosia më 25 prill 1996*

“Të dashur fëmijë!

Sot ju thërras përsëri që lutjen ta vini në vend të parë në familjet tuaja. Fëmijë, kur është Zoti në vend të parë, atëherë në çdo gjë që të bëni, do të kërkonti vullnetin e Zotit. Kështu kthimi juaj i përditshëm do të jetë për ju më i lehtë. Fëmijë, me përvujtëri kërkonti në zemrën tuaj çka nuk është në rregull, atëherë do të kuptoni se çka duhet të bëni. Kthimi do të bëhet detyrë e juaja e përditshme, që do ta plotësoni me gëzim. Fëmijë, unë jam me ju, ju bekoj të gjithëve dhe ju thërras që me lutje dhe me kthimin tuaj të bëheni dëshmitarë të mitë! Ju faleminderit që ju përgjigjët thirrjes sime!”

### *Porosia më 25 maj 1996*

“Të dashur fëmijë!

Sot dëshiroj t’ju falënderoj për të gjitha lutjet dhe sakrificat që m’i keni paraqitur në këtë muaj që më është përkushtuar mua.

Fëmijë, dëshiroj që të gjithë të jeni aktivë në këtë kohë, e cila, përmes meje, në mënyrë të veçantë është e lidhur me Qiellin. Lutuni që të kuptoni se të gjithë me jetën dhe me shembullin tuaj duhet të punoni në veprën e shëlbimit.

Fëmijë, dëshiroj që njerëzit të kthehen dhe në ju të na shohin mua dhe Birin tim Jezusin. Unë do të ndërmjetësoj dhe do t’ju ndihmoj të bëheni dritë. Ndihmojuni të tjerëve, sepse duke u ndihmuar atyre, shpirti juaj do të gjejë shpëtimin.

Ju faleminderit që ju përgjigjët thirrjes sime!”

*Porosia më 25 qershor 1996  
(Pesëmbëdhjetëvjetori i dëftimeve)*

“Të dashur fëmijë!

Sot ju falënderoj për të gjitha sakrificat që m’i keni paraqitur këto ditë. Fëmijë, ju thërras të m’i thoni hapur të gjitha dhe të vendosni të ktheheni. Zemrat tuaja, fëmijë, ende nuk janë hapur para meje krejtësisht, prandaj ju thërras përsëri – hapuni ndaj lutjes, që në lutje t’ju ndihmojë Shpirti i Shenjtë dhe që zemrat tuaja të bëhen zemra prej mishit e jo prej gurit. Fëmijë, ju faleminderit që ju përgjigjët thirrjes sime dhe që keni vendosur të niseni me mua drejt shenjtërisë.”

*Porosia më 25 korrik 1996*

“Të dashur fëmijë!

Sot ju thërras që çdo ditë të përcaktoheni për Zotin. Fëmijëz, ju flisni shumë për Zotin, por pak dëshmoni me jetën tuaj. Prandaj, fëmijëz, përcaktohuni për kthim, le të jetë jeta juaj e vërtetë para Zotit, ashtu që në të vërtetën e jetës suaj të dëshmoni bukurinë që ju ka dhuruar Zoti. Fëmijëz, ju thërras përsëri që të përcaktoheni për lutje, sepse nëpërmes lutjes do ta përjetoni kthimin. Secili prej jush në thjeshtësi do të bëhet i ngjashëm me fëmijën, që është i hapur për dashurinë e Atit.

Ju faleminderit që i jeni përgjigjur thirrjes sime!”

*Porosia më 25 gusht 1996*

“Të dashur fëmijë!

Më dëgjoni, sepse dua t’ju flas dhe t’ju thërras që të keni më shumë fe dhe besim në Zotin, i cili ju do pa masë. Fëmijë, ju nuk dini të jetoni në hirin e Zotit, prandaj ju thërras që të bartni Fjalën e Zotit në zemrat dhe në mendimet tuaja. Fëmijë, vendosni Shkrimin Shenjt në vend të dukshëm në familjet tuaja, ruajeni dhe zbatoheni. Mësoni fëmijët tuaj, sepse nëse nuk u jepni shembull, fëmijët bien në mosbesim. Mendoni dhe lutuni. E atëherë Zoti do të lindë në zemrën tuaj dhe zemrat tuaja do të jenë të lumtura.

Ju faleminderit që ju përgjigjët thirrjes sime!”

*Porosia më 25 shtator 1996*

“Të dashur fëmijë!

Sot ju thërras t’i paraqitni kryqet dhe vuajtjet tuaja për qëllimet e mia. Fëmijë, unë jam Nëna juaj dhe dëshiroj t’ju ndihmoj të gjeni mëshirë te Zoti. Fëmijë, paraqitjani vuajtjet tuaja Zotit si dhuratë, në mënyrë që të bëhen lule e mrekullueshme e gëzimit. Prandaj, fëmijë, lutuni që ta kuptoni se vuajtja mund të bëhet gëzim e kryqi rrugë e gëzimit.

Ju faleminderit që ju përgjigjët thirrjes sime!”



### *Porosia më 25 tetor 1996*

“Të dashur fëmijë!

Sot ju thërras t’i hapeni Zotit Krijues, në mënyrë që Ai t’ju ndërrojë. Fëmijë, ju dua, të gjithëve ju dua dhe ju thërras të më afroheni dhe ta doni edhe më tepër Zemrën time të Pamëkatë. Dëshiroj t’ju ripërtërij dhe t’ju dërgoj me Zemrën time në Zemrën e Jezusit, që edhe sot vuan për ju dhe ju thërret të ktheheni dhe të përtëriheni. Nëpërmes jush dëshiroj ta përtërij botën. Më kuptoni, fëmijë, ju jeni sot kripa e tokës dhe drita e botës.

Fëmijë, unë ju thërras, unë ju dua dhe në mënyrë të veçantë ju lus: kthehuni.

Ju faleminderit që ju përgjigjët thirrjes sime!”

### *Porosia më 25 nëntor 1996*

“Të dashur fëmijë!

Sot ju thërras përsëri të luteni, në mënyrë që me lutje, me agjërime dhe me sakrifica të vogla të përgatiteni për ardhjen e Jezusit. Le të jetë kjo kohë, fëmijë, koha e hirit për ju. Shfrytëzoni çdo çast dhe bëni mirë, sepse vetëm ashtu në zemrat tuaja do ta shijoni lindjen e Jezusit. Nëse me jetën tuaj jepni shembull dhe bëheni shenjë e dashurisë së Zotit, gëzimi do të triumfojë në zemrat e njerëzve.

Ju faleminderit që ju përgjigjët thirrjes sime!”

### *Porosia më 25 dhjetor 1996*

“Të dashur fëmijë!

Sot jam me ju në mënyrë të veçantë, e bart Jezusin e Vogël në dorë dhe ju thërras, fëmijë, t’i përgjigjeni thirrjes së Tij. Ai ju thërret në gëzim. Fëmijë, jetoni gëzueshëm porositë e Ungjillit, të cilat i përsëris qysh se jam me ju. Fëmijë, unë jam Nëna juaj dhe dëshiroj t’jua zbuloj Zotin e dashurisë dhe Zotin e paqes. Nuk dëshiroj që jeta juaj të jetë e pikëlluar, por të jetë e realizuar në amshim sipas ungjillit. Vetëm ashtu jeta juaj do të ketë kuptim.

Ju faleminderit që ju përgjigjët thirrjes sime!”

### *Porosia më 25 janar 1997*

“Të dashur fëmijë!

Ju thërras të mendoni për ardhmërinë tuaj. Ju po krijoni botën e re pa Zotin, vetëm me forcat tuaja dhe për këtë arsye jeni të pakënaqur dhe pa gëzim në zemër. Kjo kohë është koha ime, prandaj fëmijë, përsëri ju thërras të luteni. Kur të jeni bashkë me Zotin, do të keni uri për fjalën e Zotit dhe zemra juaj do të mbushet përplot me gëzim dhe do të dëshmoni dashurinë e Zotit kudo që të jeni. Ju bekoj dhe ju përsëris se jam me ju që t’ju ndihmoj.

Ju faleminderit që ju përgjigjët thirrjes sime!”

### *Porosia më 25 shkurt 1997*

“Të dashur fëmijë!

Edhe sot në mënyrë të veçantë ju thërras t’i hapeni Hyjit Krijues dhe të bëheni aktivë. Ju thërras, fëmijë, që të shihni kush ka nevojë për ndihmën tuaj shpirtërore dhe materiale. Me shembullin tuaj, fëmijë, do të jeni dorë e zgjatur e Zotit, që e kërkon njerëzimi. Vetëm ashtu do ta dini se jeni të zotët të dëshmoni dhe të bëheni bartës të gëzueshëm të Fjalës së dashurisë së Zotit. Ju faleminderit që ju përgjigjët thirrjes sime!”

### *Porosia më 25 mars 1997*

“Të dashur fëmijë!

Sot në mënyrë të veçantë ju thërras që ta merrni në dorë kryqin dhe të shikoni plagët e Jezusit. Kërkoni prej Jezusit t’i shërojë plagët tuaja, të cilat i keni fituar, fëmijë, gjatë jetës suaj, për shkak të mëkateve tuaja ose të mëkateve të prindërve tuaj. Vetëm kështu, fëmijë të dashur, do të kuptoni se në botë është i nevojshëm shërimi i fesë në Hyjin Krijues. Nëpërmes mundimit dhe vdekjes së Jezusit në kryq do të kuptoni se vetëm me lutje mund të bëheni edhe ju apostuj të vërtetë të fesë, kur në thjeshtësi dhe në lutje të zbatoni fenë që është dhuratë. Ju faleminderit që ju përgjigjët thirrjes sime!”

### *Porosia më 25 prill 1997*

“Të dashur fëmijë!

Sot ju thërras që ta lidhni jetën tuaj për Zotin Krijues, sepse vetëm ashtu jeta juaj do të ketë kuptim dhe do të kuptoni se Zoti është dashuri. Zoti më dërgon te ju nga dashuria t’ju ndihmoj të kuptoni se pa të nuk ka ardhmëri as gëzim, e mbi të gjitha nuk ka shpëtim të amshueshëm. Fëmijë, ju thërras ta lini mëkatin dhe të pranoni lutjen në çdo kohë, që në lutje të njihni kuptimin e jetës suaj. Zoti u jepet atyre që e kërkojnë. Ju faleminderit që ju përgjigjët thirrjes sime!”

### *Porosia më 25 maj 1997*

“Të dashur fëmijë!

Sot ju thërras ta lavdëroni Zotin dhe emri i Zotit të jetë i shenjtë në zemrat dhe në jetën tuaj. Fëmijë, kur jeni në shenjtërinë e Zotit, Zoti është me ju dhe ju dhuron paqe dhe gëzim, që vjen nga Zoti vetëm përmes të lutjes. Prandaj, fëmijë, përtëriteni lutjen në familjet tuaja dhe zemra juaj do të lavdërojë emrin e shenjtë të Zotit dhe parajsa do të sundojë në zemrat tuaja. Unë jam pranë jush dhe ndërmjetësoj për ju para Zotit. Ju faleminderit që ju përgjigjët thirrjes sime!”

### *Porosia më 25 qershor 1997*

“Të dashur fëmijë!

Sot jam me ju në mënyrë të veçantë dhe ju sjell bekimin tim amnor të paqes. Lutem për ju dhe ju porosis para Zotit që të kuptoni se secili prej jush është bartës i paqes. Nuk mund të keni paqe, nëse zemra juaj nuk është në paqe me Zotin. Prandaj, fëmijë, lutuni, lutuni, lutuni, sepse lutja është themeli i paqes suaj. Hapeni zemrën tuaj dhe jepni Zotit kohë të jetë miku juaj. Kur të krijohet miqësia e vërtetë me Zotin, asnjë furtunë nuk mund ta shkatërrojë.

Ju faleminderit që ju përgjigjët thirrjes sime!”

### *Porosia më 25 korrik 1997*

“Të dashur fëmijë!

Sot ju thërras t’i përgjigjeni thirrjes sime për lutje. Dëshiroj, të dashur fëmijë, që në këtë kohë të gjeni një vend për lutje personale. Dëshiroj t’ju udhëheq drejt lutjes së zemrës. Vetëm ashtu do të kuptoni se jeta juaj është e zbrazët pa lutje. Kuptimin e jetës do ta zbuloni kur të zbuloni Zotin në lutje. Prandaj, fëmijë, hapeni zemrën tuaj dhe do të kuptoni se lutja është gëzim pa të cilin nuk mund të jetoni.

Ju faleminderit që ju përgjigjët thirrjes sime!”

### *Porosia më 25 gusht 1997*

“Të dashur fëmijë!

Zoti ma jep këtë kohë t’jua dhuroj juve, në mënyrë që t’ju mësoj dhe t’ju drejtoj në rrugën e shëlbimit. Tani, të dashur fëmijë, nuk e kuptoni këtë hir, por shpejt do të vijë koha kur do t’ju vijë keq për këto porosi. Prandaj, fëmijë, zbatoni të gjitha porositë që jua kam dhënë në këtë kohë mëshire dhe përtërieni lutjen, derisa t’ju bëhet gëzim. Në mënyrë të veçantë i thërras ata të cilët i janë përkushtuar Zemrës sime të Pamëkatë, që të bëhen shembull për të tjerët. I thërras të gjithë meshtarët, rregulltarët dhe rregulltaret që të lusin rruzaren dhe të mësojnë të tjerët të lusin. Rruzaren, fëmijë, veçanërisht e dua. Nëpërmes rruzares ma hapni zemrën tuaj dhe do t’ju ndihmoj.

Ju faleminderit që ju përgjigjët thirrjes sime!”

### *Porosia më 25 shtator 1997*

“Të dashur fëmijë!

Sot ju thërras të kuptoni se pa dashuri nuk mund të dini se Zoti duhet të jetë në vendin e parë në jetën tuaj. Prandaj, fëmijë, ju thërras që të dashuroni, jo me dashuri njerëzore, por me dashurinë e Zotit. Ashtu jeta juaj do të jetë më e bukur dhe pa interes. Do të kuptoni se Zoti ju jepet në mënyrën më të thjeshtë nga dashuria. Fëmijë, që t’i kuptoni fjalët e mia, që po jua jap nga dashuria, lutuni, lutuni, lutuni dhe mund t’i pranoni të tjerët nga dashuria dhe t’i falni të gjithë që ju kanë bërë keq. Kthejani me lutje, e lutja është fryt i dashurisë ndaj Hyjit Krijues.

Ju faleminderit që ju përgjigjët thirrjes sime!”

### *Porosia më 25 tetor 1997*

“Të dashur fëmijë!

Edhe sot jam me ju dhe ju thërras të gjithëve të përtëriteni, duke zbatuar porosinë e mia. Fëmijë, lutja le të jetë jeta juaj dhe jini shembull për të tjerët. Fëmijë, dëshiroj të bëheni bartës të paqes dhe të gëzimit të Zotit në botën e sotme të trazuar. Prandaj, fëmijë, lutuni, lutuni, lutuni! Unë jam me ju dhe ju bekoj me paqen time amnore.

Ju faleminderit që ju përgjigjët thirrjes sime!”

### *Porosia më 25 nëntor 1997*

“Të dashur fëmijë!

Sot ju thërras të kuptoni thirrjen tuaj të krishterë. Fëmijë, unë ju kam udhëhequr dhe ju udhëheq nëpër këtë kohë mëshire, që të vetëdijesoheni për thirrjen tuaj të krishterë. Martirët e shenjtë kanë vdekur duke dëshmuar: Unë jam i krishterë dhe e dua Zotin mbi të gjitha! Fëmijë, edhe sot ju thërras që të gëzoheni dhe të jeni të krishterë të gëzuar, të ndërgjegjshëm dhe të vetëdijshëm se Zoti ju ka thirrur, që, në mënyrë të veçantë, të keni duar të shtrira me gëzim kah ata që nuk besojnë dhe nëpërmes shembullit tuaj jetësor, të fitojnë besimin dhe dashurinë ndaj Zotit. Prandaj, lutuni, lutuni, lutuni, që zemra juaj të hapet dhe të bëhet e ndieshme për fjalën e Zotit.

Ju faleminderit që ju përgjigjët thirrjes sime!”

### *Porosia më 25 dhjetor 1997*

“Të dashur fëmijë!

Edhe sot gëzohem me ju dhe ju thërras në të mirë. Dëshiroj që secili prej jush të mendojë dhe të bartë paqen në zemrën e vet dhe të thotë: Unë dëshiroj ta vë Zotin në vendin e parë në jetën time! Ashtu, fëmijë, secili prej jush do të bëhet i shenjtë. T’i thoni, fëmijë, secilit: ‘Unë të dëshiroj të mirën!’ – dhe ai do t’jua kthejë me të mirë dhe kështu, fëmijë, e mira do të zërë vend në zemrën e çdo njeriu. Unë, fëmijë, ju sjell sonete të mirën e Birit tim, i cili e ka dhënë jetën e vet që t’ju shpëtojë. Prandaj, fëmijë, gëzohuni dhe shtrini duart drejt Jezusit, i cili është vetë e mira.

Ju faleminderit që ju përgjigjët thirrjes sime!”

### *Porosia më 25 janar 1998.*

“Të dashur fëmijë!

Sot ju thërras të gjithëve përsëri në lutje. Vetëm me lutje, fëmijë të dashur, zemra juaj do të ndërrohet, do të bëhet më e mirë dhe më e ndieshme për Fjalën e Zotit. Fëmijë, mos lejoni që djalli t’ju shpërndajë dhe të bëjë me ju çfarë të dojë. Ju thërras që të jeni të përgjegjshëm dhe të vendosur dhe t’i kushtoni Zotit çdo ditë në lutje. Mesha e Shenjtë, fëmijë, mos të jetë zakon, por jetë për ju. Duke jetuar çdo ditë meshën e Shenjtë do të ndjeni nevojën për shenjtëri dhe do të rriteni në shenjtëri. Unë jam pranë jush dhe ndërmjetësor para Zotit për ju, që t’ju japë forcë për ta ndërruar zemrën tuaj.

Ju faleminderit që ju përgjigjët thirrjes sime!”

*Porosia më 25 shkurt 1998.*

“Të dashur fëmijë!

Edhe sot jam me ju dhe përsëri ju thërras, që të më afroheni me lutjet t’uaja. Në mënyrë të veçantë ju thërras në sakrifica në këtë kohë hiresh. Fëmijë, mendoni dhe jetoni nëpërmes të flijimeve t’uaja të vogla mundimet dhe vdekjen e Krishtit për secilin prej jush. Vetëm nëse i afroheni Jezusit do të kuptoni dashurinë e pamasë që ka për secilin prej jush. Me lutje dhe me sakrifica do të hapeni për dhuratën e fesë dhe të dashurisë për Kishën dhe njerëzit që ju rrethojnë. Unë ju dua dhe ju bekoj.

Ju faleminderit që ju përgjigjët thirrjes sime!”

*Porosia më 25 mars 1998.*

“Të dashur fëmijë!

Edhe sot ju thërras në agjërim dhe mohim. Fëmijë, hiqni dorë nga ajo që ju pengon që të jeni më afër Jezusit. Në mënyrë të veçantë ju thërras: Lutuni, sepse vetëm me lutje mund ta mposhtni vullnetin tuaj dhe ta zbuloni vullnetin e Zotit edhe në gjërat më të vogla. Me jetën tuaj të përditshme, fëmijë, ju do të bëheni shembull dhe do të dëshmoni, se jetoni për Jezusin ose kundër tij dhe vullnetit të tij. Fëmijë, dëshiroj që të bëheni apostuj të dashurisë. Nëse keni dashuri, fëmijë, do të dihet se më takoni mua.

Ju faleminderit që ju përgjigjët thirrjes sime!”

*Porosia më 25 prill 1998.*

“Të dashur fëmijë!

Sot ju thërras që në lutje t’i hapeni Zotit ashtu si lulja i hapet rrezeve të diellit në mëngjes. Fëmijë, mos keni frikë. Unë jam, me ju dhe ndërmjetësoj para Zotit për secilin prej jush, që zemra juaj të pranojë dhuratën e kthimit. Vetëm kështu, fëmijë, do të kuptoni rëndësinë e hirit në këtë kohë dhe Zoti do të bëhet më i afërt për ju.

Ju faleminderit që ju përgjigjët thirrjes sime!”

*Porosia më 25 maj 1998.*

“Të dashur fëmijë!

Sot ju thërras që me lutje dhe me sakrifica të përgatiteni për ardhjen e Shpirtit të Shenjtë. Fëmijë, kjo është kohë hiresh, prandaj ju thërras përsëri, që ta parapëlqeni Zotin Krijues. Lejoni që Ai t’ju transformojë dhe t’ju ndryshojë. Le të jetë zemra juaj e gatshme të dëgjojë dhe t’i jetojë të gjitha ato që Shpirti i Shenjtë ka në planin e vet për secilin prej jush. Fëmijë, lejoni Shpirtit Shenjtë, që t’ju udhëheq rrugës së të vërtetës dhe të shpëtimit drejt jetës së amshuar.

Ju faleminderit që ju përgjigjët thirrjes sime!”

*Porosia më 25 qershor 1998.*

“Të dashur fëmijë!

Sot dëshiroj t’ju falënderoj që i jetoni porosinë e mia. Të gjithëve ju bekoj me bekimin tim amënor dhe ju çoj para birit tim Jezusit.

Ju faleminderit që ju përgjigjët thirrjes sime!”

*Porosia më 25 korrik 1998.*

“Të dashur fëmijë!

Sot ju thërras, fëmijë, që nëpërmes lutjes të jeni me Jezusin, në mënyrë që me përvojën personale të lutjes, ta zbuloni bukurinë e krijesave të Zotit. Nuk mund të flisni as të dëshmoni për lutjen, nëse nuk luteni. Prandaj, fëmijë, në heshtjen e zemrës, qëndroni me Jezusin, që Ai me dashurinë e vet t’ju transformojë dhe ndërrojë. Fëmijë, kjo është kohë hiresh për ju. Shfrytëzoheni për kthimin tuaj personal sepse kur e keni Zotin i keni të gjitha.

Ju faleminderit që ju përgjigjët thirrjes sime!”

*Porosia më 25 gusht 1998.*

“Të dashur fëmijë!

Sot ju thërras që nëpër lutje të më afroheni edhe më shumë. Fëmijë, unë jam nëna juaj, ju dua dhe dëshiroj që secili prej jush të shpëtohet dhe të jetë me mua në parajsë. Prandaj fëmijë, lutuni, lutuni, lutuni derisa jeta juaj të bëhet lutje.

Ju faleminderit që ju përgjigjët thirrjes sime!”

*Porosia më 25 shtator 1998.*

“Të dashur fëmijë!

Sot ju thërras që të bëheni dëshmitarët e mi duke jetuar fenë e etërve tuaj. Fëmijë, kërkoni shenja dhe porosi e nuk shihni se Zoti ju thërret me çdo lindje të diellit që të ktheheni në rrugën e të vërtetës dhe të shpëtimit. Shumë flisni, fëmijë, por pak punoni në kthimin tuaj. Prandaj, ndërrohuni e kthehuni, dhe filloni të jetoni porosinë e mia jo me fjalë, por me jetë dhe kështu fëmijë, do të keni forcë për për të marrë vendim për ndryshimin e vërtetë të zemrës.

Ju faleminderit që ju përgjigjët thirrjes sime!”

*Porosia më 25 tetor 1998.*

“Të dashur fëmijë!

Sot ju thërras t’i afroheni zemrës sime të Pamëkatë. Ju thërras që në familjet tuaja ta përtërinizjarrin e ditëve të para, kur ju kam thirrur në agjërim, lutje dhe kthim. I keni pranuar porosinë e mia, fëmijë, me zemër të hapur, edhe pse nuk keni ditur se çka është lutja. Sot ju thërras që të më

hapeni plotësisht, në mënyrë që t'ju ndryshoj dhe t'ju çoj në Zemrën e Birit tim Jezusit, që ai t'ju mbushë me dashurinë e tij. Kështu, fëmijë, do të gjeni paqen e vërtetë, paqen që jua jep vetëm Zoti.

Ju faleminderit që ju përgjigjët thirrjes sime!”

### *Porosia më 25 nëntor 1998.*

“Të dashur fëmijë!

Sot ju thërras që të përgatiteni për ardhjen e Jezusit. Në mënyrë të veçantë, përgatitni zemrat tuaja. Rrëfimi i shenjtë le të jetë akti i parë i kthimit, e pastaj, fëmijë të dashur, bëni zgjedhjen tuaj për shenjtërinë. Kthimi juaj dhe vendimi për shenjtëri, le të fillojë sot e jo nesër. Fëmijë, unë ju thërras të gjithëve në shpëtim dhe dua t'ju tregoj rrugën drejt parajsës. Prandaj, fëmijë, jini të mitë dhe bëni zgjedhjen tuaj me mua për shenjtëri. Fëmijë, pranoni lutjen me seriozitet dhe lutuni, lutuni, lutuni.

Ju faleminderit që ju përgjigjët thirrjes sime!”

### *Porosia më 25 dhjetor 1998.*

“Të dashur fëmijë!

Në këtë gëzim të Krishtlindjes dëshiroj t'ju bekoj me bekimin tim. Në mënyrë të veçantë, fëmijë, ju jap bekimin e Jezusit të vogël. Le t'ju mbushë ai me paqen e tij. Sot, fëmijë, nuk keni paqe, por e dëshironi atë. Prandaj, me birin tim Jezusin, ju thërras në këtë ditë: Lutuni, lutuni, lutuni, sepse pa lutje nuk ka as gëzim as paqe as ardhmëri. Synoni paqen dhe kërkoni atë, e Zoti është paqja e vërtetë.

Ju faleminderit që ju përgjigjët thirrjes sime!”

### *Porosia më 25 janar 1999*

“Të dashur fëmijë!

Përsëri ju thërras të luteni. Nuk keni arsytim se duhet të punoni më shumë, sepse natyra ende fle në gjumë të thellë. Lutuni haptas. Përtërijeni lutjen në familjet tuaja. Vendosni Shkrimin Shenjt në vend të dukshëm në familjen tuaj, lexojeni, mendoni dhe mësoni sesi Zoti e do popullin e vet. Dashuria e tij tregohet edhe në kohën e sotme, sepse më dërgon mua t'ju thërras në rrugën e shpëtimit.

Ju faleminderit që ju përgjigjët thirrjes sime!”

### *Porosia më 25 shkurt 1999*

“Të dashur fëmijë!

Edhe sot jam me ju në mënyrë të veçantë, duke menduar dhe jetuar mundimin e Jezusit në zemrën time. Fëmijë, hapni zemrat tuaja dhe më jepni krejt çka ka në to: gëzimet, pikëllimet, çdo dhembje, madje edhe më të voglën, në mënyrë që t'ia paraqes Jezusit, që Ai me dashurinë e vet

të pakufishme t'i nderë dhe t'i shndërrojë pikëllimet tuaja në gëzimin e ringjalljes së tij. Prandaj ju thërras, fëmijë, që në mënyrë të veçantë zemra juaj t'i hapet lutjes, që nëpër lutje të bëheni miq të Jezusit.

Ju faleminderit që ju përgjigjët thirrjes sime!”

### *Porosia më 25 mars 1999*

“Të dashur fëmijë!

Ju ftoj të luteni me zemër. Në mënyrë të veçantë, fëmijë, ju thërras të luteni për kthimin e mëkatarëve, të atyre të cilët me shpatën e urrejtjes dhe me sharje të përditshme shporojnë zemrën time dhe zemrën e Birit tim Jezusit. Të lutemi, fëmijë, për të gjithë ata që nuk dëshirojnë ta njohin dashurinë e Zotit, edhe pse janë në Kishë. Të lutemi që të kthehen, që Kisha të rilindë në dashuri. Vetëm me dashuri dhe lutje, fëmijë, mund ta mbijetoni këtë kohë që është caktuar për kthimin tuaj. Vendoseni Zotin në vendin e parë, atëherë Jëzusi i ngjallur do të bëhet miku juaj.

Ju faleminderit që ju përgjigjët thirrjes sime!”

### *Porosia më 25 prill 1999*

“Të dashur fëmijë!

Edhe sot ju thërras të luteni. Bëjuni bartës të gëzueshëm të paqes dhe të dashurisë në këtë botë të shqetësuar. Me agjërim dhe lutje dëshmoni se jeni të mitë, se i zbatoni porositë e mia. Lutuni dhe kërkoni! Unë lutem dhe ndërmjetësoj për ju para Zotit që të ktheheni, që jeta dhe sjellja juaj gjithmonë të jetë e krishterë.

Ju faleminderit që ju përgjigjët thirrjes sime!”

### *Porosia më 25 maj 1999*

“Të dashur fëmijë!

Edhe sot ju thërras të ktheheni dhe më fort të besoni në Zotin. Ju kërkoni paqen, fëmijë dhe luteni në mënyra të ndryshme, e akoma nuk ia keni dhënë zemrën tuaj Zotit që Ai ta mbushë me dashurinë e vet. Ja, për këtë jam me ju, që t'ju mësoj dhe t'ju afroj afër dashurisë së Zotit. Nëse Zotin e doni mbi të gjitha, do ta keni lehtë të luteni dhe t'ia hapni zemrën.

Ju faleminderit që ju përgjigjët thirrjes sime!”

### *Porosia më 25 qershor 1999*

“Të dashur fëmijë!

Sot ju falënderoj që jetoni dhe me jetën tuaj dëshmoni porositë e mia. Fëmijë, bëjuni të fortë dhe lutuni që lutja t'ju japë fuqi dhe gëzim. Vetëm ashtu secili prej jush do të jetë imi dhe unë do ta udhëheq rrugës së shëlbimit. Fëmijë, lutuni dhe dëshmoni me jetën tuaj praninë time këtu. Le të jetë çdo ditë juaja dëshmi e gëzueshme e dashurisë së Zotit.

Ju faleminderit që ju përgjigjët thirrjes sime!”



### *Porosia më 25 korrik 1999*

“Të dashur fëmijë!

Edhe sot gëzohem me ju dhe të gjithëve ju thërras të luteni me zemër. Ju thërras, fëmijë, që këtu me mua t’i falënderoheni të gjithë Zotit për huret që jua jep përmes meje. Dëshiroj që të kuptoni se unë këtu dëshiroj të sendërtoj jo vetëm vend lutjeje, por edhe bashkim zemrash. Dëshiroj që zemra ime, e Jezusit dhe juaja, të shndërrohen në një zemër dashurie dhe paqeje. Prandaj, fëmijë, gëzohuni për çdo gjë që bëj këtu, përkundër asaj se Djalli shkakton grindje dhe shqetësim. Unë jam me ju dhe të gjithëve ju udhëheq rrugës së dashurisë.

Ju faleminderit që ju përgjigjët thirrjes sime!”

### *Porosia më 25 gusht 1999*

“Të dashur fëmijë!

Edhe sot ju thërras që në ngjyrat e natyrës ta lëvdoni Zotin krijues. Ai ju flet edhe nëpërmjet lules më të vogël për bukurinë e vet dhe thellësinë e dashurisë me të cilën ju ka krijuar. Fëmijë, lutja le të dalë prej zemrës suaj si uji i freskët prej burimit. Fushat me grurë le t’ju flasin për mëshirën e Zotit ndaj çdo krijese. Prandaj përtëriteni lutjen e falënderimit për të gjitha që jua jep.

Ju faleminderit që ju përgjigjët thirrjes sime!”

### *Porosia më 25 shtator 1999*

“Të dashur fëmijë!

Sot ju thërras, përsëri, të bëheni bartës të paqes sime. Veçanërisht tani kur flitet se Zoti është larg, e në të vërtetë kurrë nuk ka qenë më afër. Ju thërras, që, duke lexuar Shkrimin Shenjt, ta përtëritni lutjen në familjet tuaja dhe të përjetoni gëzimin në takim me Zotin, i cili i do pakufi krijesat e veta.

Ju faleminderit që ju përgjigjët thirrjes sime!”

### *Porosia më 25 tetor 1999*

“Të dashur fëmijë!

Mos harroni: kjo është kohë hiri, prandaj lutuni, lutuni, lutuni!

Ju faleminderit që ju përgjigjët thirrjes sime!”

### *Porosia më 25 nëntor 1999*

“Të dashur fëmijë!

Edhe sot ju thërras të luteni. Në këtë kohë hiri kryqi le të jetë udhërrëfyes dashurie dhe bashkimi, nëpër të cilët vjen paqja e vërtetë. Prandaj, fëmijë, lutni sidomos në këtë kohë, që në zemrat tuaja

të lindë Jezusi i Vogël, krijues i paqes. Vetëm me lutje do të bëheni apostuj të mi të paqes në këtë kohë të trazuar. Prandaj lutuni, derisa lutja të bëhet gëzim juaji. Ju faleminderit që ju përgjigjët thirrjes sime!”

### *Porosia më 25 dhjetor 1999*

“Të dashur fëmijë!

Kjo është kohë hiri. Fëmijë, sot në mënyrë të veçantë me Jezusin e Vogël ngrykë ju jap mundësinë të krijoni paqe. Nëpërmes vendimit tuaj për Zotin dhe pasi t’i thoni paqes PO, ju hapet mundësi e re për paqe. Vetëm kështu, fëmijë, kjo kohë dhe ky shekull do të jetë për ju kohë paqeje dhe mirëqenieje. Prandaj vendoseni Jezusin e porsalindur në vendin e parë në jetën tuaj dhe ai do t’ju udhëheqë rrugës së shëlbimit. Ju faleminderit që ju përgjigjët thirrjes sime!”

### *Porosia më 25 janar 2000*

“Të dashur fëmijë!

Fëmijë, ju thërras në lutje të pandërprerë. Nëse luteni, Zotin e keni më afër dhe ai do t’ju prijë rrugës së paqes dhe shpëtimit. Prandaj, sot ju thërras, që të tjerëve t’jua jepni paqen. Vetëm në Zotin është paqja e vërtetë. Hapni zemrat tuaja i dhe bëhuni dhurues të paqes dhe të tjerët në ju dhe nëpërmes jush do të zbulojnë paqen dhe ashtu do të dëshmoni paqen e Zotit dhe dashurinë që ai jua jep. Ju faleminderit që ju përgjigjët thirrjes sime!”

### *Porosia më 25 shkurt 2000*

“Të dashur fëmijë!

Zgjohuni prej gjumit të mungesës së fesë dhe të mëkatit, sepse kjo është kohë mëshire, që jua jep Zoti. Shfrytëzoheni këtë kohë dhe kërkoni prej Zotit hirin e shërimit të zemrës suaj, që me zemër të shikoni Zotin dhe njeriun. Lutuni posaçërisht për ata që nuk e kanë njohur dashurinë e Zotit dhe dëshmoni me jetën tuaj që ata ta njohin Zotin dhe dashurinë e tij të pamasë. Ju faleminderit që ju përgjigjët thirrjes sime!”

### *Porosia më 25 mars 2000*

“Të dashur fëmijë!

Lutuni dhe shfrytëzoni këtë kohë sepse kjo është kohë mëshire. Unë jam me ju dhe para Zotit ndërmjetësoj për secilin prej jush, që zemra juaj t’i hapet Zotit dhe dashurisë së Tij. Fëmijë, lutuni pa pushim, derisa lutja t’ju bëhet gëzim. Ju faleminderit që ju përgjigjët thirrjes sime!”

### *Porosia më 25 prill 2000*

“Të dashur fëmijë!

Edhe sot ju thërras në kthim. Brengoseni shumë për gjërat materiale e pak për shpirtëroret. Hapni zemrat tuaja dhe përsëri punoni më shumë në kthimin personal. Vendosi që çdo ditë t’i kushtoni kohë Zotit dhe lutjes derisa lutja t’ju bëhet takim gëzimi me Zotin. Vetëm ashtu jeta juaj do të ketë kuptim dhe me gëzim do të mendoni për jetën e pasosur.

Ju faleminderit që ju përgjigjët thirrjes sime!”

### *Porosia më 25 maj 2000*

“Të dashur fëmijë!

Gëzohem me ju dhe në këtë kohë mëshire ju thërras në ripërtëritje shpirtërore. Lutuni, fëmijë, që në ju të banojë Shpirti Shenjt me plotësi, në mënyrë që të dëshmoni me gëzim të gjithë atyre që janë larg nga feja. Sidomos, Fëmijë, lutuni për dhuratat e Shpirtit Shenjt, që në shpirtin e dashurisë të jeni çdo ditë dhe në çdo situatë më afër vëllaut njeri dhe me urti dhe dashuri ta mbisundoni çdo vështirësi Unë jam me ju dhe ndërmjetësoj për secilin prej jush para Jezusit.

Ju faleminderit që ju përgjigjët thirrjes sime!”

### *Porosia më 25 qershor 2000*

“Të dashur fëmijë!

Sot ju thërras në lutje. Kush lutet nuk ka frikë nga e ardhmja. Fëmijë, mos harroni: Unë jam me ju dhe ju dua të gjithëve.

Ju faleminderit që ju përgjigjët thirrjes sime!”

### *Porosia më 25 korrik 2000*

“Të dashur fëmijë!

Mos harroni se këtu në tokë jeni në rrugë drejt amshimit, se shtëpia juaj është në qiell. Prandaj, fëmijë, jini të hapur dashurisë së Zotit dhe hiqni dorë nga egoizmi dhe mëkati. Le të jetë gëzimi juaj vetëm në zbulimin e Zotit në lutjen e përditshme. Prandaj, shfrytëzoni këtë kohë dhe lutuni, lutuni, lutuni dhe Zotin e keni pranë në lutje dhe nëpërmes lutjes.

Ju faleminderit që ju përgjigjët thirrjes sime!”

### *Porosia më 25 gusht 2000*

“Të dashur fëmijë!

Dëshiroj që me ju të ndaj gëzimin tim. Në zemrën time të pamëkatë ndiej se shumë prej jush më janë afruar dhe më bartin, në mënyrë të veçantë, në zemrën e tyre fitoren e zemrës sime të pamëkatë, duke u lutur dhe duke u kthyer. Dëshiroj t’ju falënderoj dhe t’ju, që me dashuri dhe forcën e Shpirtit të Shenjtë të punoni edhe më shumë për Zotin dhe mbretërinë e Tij. Unë jam me

ju dhe ju bekoj me bekimin tim amnor.  
Ju faleminderit që ju përgjigjët thirrjes sime!”

### *Porosia më 25 shtator 2000*

“Të dashur fëmijë!

Sot ju thërras që të hapeni për lutje. Lutja le t’ju bëhet gëzim. Përtërieni lutjen në familjet tuaja dhe krijoni bashkësi lutjeje dhe ashtu do të ndjeni gëzim në lutje dhe në bashkësi. Të gjithë ata që luten dhe janë anëtarë të bashkësive të lutjes, zemrën e kanë të hapur për vullnetin e Zotit dhe dëshmojnë me gëzim dashurinë e Zotit. Unë jam me ju, ju bart të gjithëve në zemrën time dhe ju bekoj me bekimin tim amnor.

Ju faleminderit që ju përgjigjët thirrjes sime!”

### *Porosia më 25 tetor 2000*

“Të dashur fëmijë!

Sot dëshiroj t’ua hap zemrën time amnore dhe t’ju thërras të gjithëve të luteni për qëllimet e mia. Me ju dëshiroj të përtërij lutjen dhe t’ju thërras në agjërim, të cilin dëshiroj t’ia paraqes Birit tim Jezusit për ardhjen e kohës së re, kohës së pranverës. Në këtë vit jubilar, shumë zemra më janë hapur dhe Kisha po përtërihet në Shpirt. Gëzohem me ju dhe falënderoj Zotin për këtë dhuratë, kurse ju, fëmijë, ju thërras: lutuni, lutuni, lutuni, derisa lutja t’ju bëhet gëzim.

Ju faleminderit që ju përgjigjët thirrjes sime!”

### *Porosia më 25 nëntor 2000*

“Të dashur fëmijë!

Sot, kur në mënyrë të veçantë e keni qiellin afër, ju thërras në lutje, që nëpërmes lutjes të vendosni Zotin në vend të parë. Fëmijë, sot më keni afër dhe bekoj secilin prej jush me bekimin tim amnor që të keni forcë dhe dashuri për të gjithë njerëzit që i takoni në jetën tuaj tokësore dhe t’ua dhuroni dashurinë e Zotit. Gëzohem me ju dhe dëshiroj t’ju them se vëllai juaj Sllavko ka lindur në qiell dhe ndërmjetëson për ju.

Ju faleminderit që ju përgjigjët thirrjes sime!”

### *Porosia më 25 dhjetor 2000*

“Të dashur fëmijë!

Sot kur Zoti më ka lejuar që të jem me ju, me Jezusin e vogël ngrykë, gëzohem me ju dhe Zotin e falënderoj për të gjitha që ka bërë në këtë vit jubilar. Sidomos e falënderoj Zotin për të gjitha thirrjet e atyre që i kanë thënë Zotit PO plotësisht. Të gjithëve ju bekoj me bekimi tim dhe me bekimin e Jezusit të porsalindur. Lutem për të gjithë ju që gëzimi të lind në zemrat tuaja, dhe ashtu, të gëzuar, edhe ju ta bartni gëzimin që unë kam sot. Në këtë fëmijë ju bart Shpëtimtarin e zemrave tuaja dhe atë që ju thërret në shenjtërinë e jetës.

Ju faleminderit që ju përgjigjët thirrjes sime!”

### *Porosia më 25 janar 2001*

“Të dashur fëmijë!

Sot ju thërras që ta përtërin lutjen dhe agjërimin me pasion më të madh, deri sa lutja t’ju bëhet gëzim. Fëmijë, kush lutet nuk i frikohet ardhmërisë e kush agjëron nuk i frikohet të keqes. E përsëris edhe një herë: se vetëm me lutje dhe agjërim edhe luftërat mund të ndalen, luftërat e pabesisë suaj dhe frika nga ardhmëria. Jam me ju dhe po ju mësoj, fëmijë: paqja dhe shpresa juaj janë në Zotin. Prandaj, afrohuni Zotit dhe vendoseni në vendin e parë në jetën tuaj.

Ju faleminderit që ju përgjigjët thirrjes sime!”

### *Porosia më 25 shkurt 2001*

“Të dashur fëmijë!

Kjo është kohë mëshire. Prandaj, lutuni, lutuni, lutuni deri sa të kuptoni dashurinë e Zotit për secilin prej jush.

Ju faleminderit që ju përgjigjët thirrjes sime!”

### *Porosia më 25 mars 2001*

“Të dashur fëmijë!

Edhe sot ju thërras që t’i hapeni lutjes. Fëmijë, jetoni në kohën në të cilën Zoti ju jep hire të shumta, por ju nuk dini t’i shfrytëzoni. Brengoseni për çdo gjë, por për shpirtin dhe jetën shpirtërore më së paku. Zgjuhuni nga gjumi i rëndë i shpirtit tuaj dhe thoni Zotit me tërë fuqinë Po. Zgjidhni kthimin dhe shenjtërinë. Jam me ju, fëmijë, dhe ju ftoj në përsosmërinë e shpirtit tuaj dhe i të gjitha gjërave që bëni.

Ju faleminderit që ju përgjigjët thirrjes sime!”

### *Porosia më 25 prill 2001*

“Të dashur fëmijë!

Edhe sot ju thërras në lutje. Fëmijë, lutja bën çudira. Kur jeni të lodhur dhe të sëmurë dhe jeta juaj nuk ka kuptim, merrni rruzaren dhe lutuni, lutuni deri sa lutja t’ju bëhet takim i gëzueshëm me Shpëtimtarin tuaj. Jam me ju, ndërmjetësoj dhe lutem për ju.

Ju faleminderit që ju përgjigjët thirrjes sime!”

### *Porosia më 25 maj 2001*

“Të dashur fëmijë!

Në këtë kohë hires ju thërras në lutje. Fëmijë, punoni shumë por pa bekimin e Zotit. Bekoni dhe

kërkoni urtinë e Shpirtit të Shenjtë që t'ju prijë në këtë kohë që të kuptoni dhe të jetoni në mëshirën e kësaj kohe. Kthehuni, fëmijë dhe gjuhëzohuni në qetësinë e zemrës suaj. Lavdëroni Zotin në qendrën e qenies suaj, në mënyrë që të dëshmoni gëzueshëm bukuritë që Zoti vazhdimisht jep në jetën tua.

Ju faleminderit që ju përgjigjët thirrjes sime!”

### *Porosia më 25 qershor 2001*

“Të dashur fëmijë!

Jam me ju dhe ju bekoj të gjithëve me bekimin tim amnor. Sidomos sot kur Zoti ju jep hire të shumta lutuni dhe kërkoni Zotin nëpërmes meje. Zoti ju jep hire të shumta, prandaj fëmijë, shfrytëzoni këtë kohë hiresh dhe afrohuni zemrës sime, në mënyrë që t'ju çoj te biri im Jezusi.

Ju faleminderit që ju përgjigjët thirrjes sime!”

### *Porosia më 25 korrik 2001*

“Të dashur fëmijë!

Në këtë kohë hiresh ju thërras që edhe më shumë t'i afroheni Zotit nëpërmes të lutjes suaj personale. Shfrytëzoni kohën e pushimeve dhe jepni shpirtit dhe syve tuaj pushim në Zotin. Gjeneroj paqen në natyrë dhe do të zbuloni Zotin Krijues të cilin mund ta falënderoni për të gjitha krijesat, e atëherë do të gjeni gëzimin në zemrën tuaj.

Ju faleminderit që ju përgjigjët thirrjes sime!”

### *Porosia më 25 gusht 2001*

“Të dashur fëmijë!

Sot ju thërras të gjithëve që ta parapëlqeni shenjtërinë. Fëmijë, le të jetë gjithmonë në mendimet tuaja dhe në çdo situatë shenjtëria në vend të parë, në punë dhe në të folur. Kështu, do ta vëni në jetë, pak nga pak, hap pas hapi, do të hyje në familjen tuaj lutja dhe vendimi për shenjtëri. Bëhuni real me veten dhe mos u lidhni me gjërat materiale por me Zotin. Dhe mos harroni, fëmijë se jeta juaj është kalimtare si lulja.

Ju faleminderit që ju përgjigjët thirrjes sime!”

### *Porosia më 25 shtator 2001*

“Të dashur fëmijë!

Edhe sot ju thërras në lutje, sidomos sot kur djalli do luftë dhe urrejtje. Unë përsëri ju thërras, fëmijë, lutuni dhe agjëroni që Zoti t'ju japë paqe. Dëshmoni paqen secilës zemër dhe bëhuni bartës të paqes në këtë botë të trazuar. Unë jam me ju dhe ndërmjetësoj para Zotit për secilin prej jush. Kurse ju të mos keni frikë, sepse kush lutet nuk frikohet prej së keqes dhe nuk ka urrejtje në zemër.

Ju faleminderit që ju përgjigjët thirrjes sime!”

### *Porosia më 25 tetor 2001*

“Të dashur fëmijë!

Edhe sot ju thërras të luteni me gjithë zemër dhe ta doni njëri-tjetrin . Fëmijë, ju jeni të zgjedhur që të dëshmoni paqen dhe gëzimin. Nëse nuk ka paqe, lutuni dhe do ta keni. Fëmijë, nëpërmes jush dhe lutjes suaj, paqja do të rrjedhë në botë. Prandaj, fëmijë, lutuni, lutuni, lutuni sepse lutja bën mrekulli në zemrat e njerëzve dhe në botë. Unë jam me ju dhe falënderoj Zotin për secilin prej jush që me seriozitet ka pranuar dhe që jeton lutjen. Ju faleminderit që ju përgjigjët thirrjes sime!”

### *Porosia më 25 nëntor 2001*

“Të dashur fëmijë!

Në këtë kohë hiri, përsëri ju thërras në lutje. Fëmijë, lutuni dhe përgatitni zemrat për ardhjen e Mbretit të Paqes, që Ai, me bekimin e vet, t’ia japë paqen mbarë botës. Shqetësimi ka mposhtur zemrat dhe urrejtja sundon në botë. Prandaj, ju që jetoni porositë e mia, bëhuni dritë dhe duar të shtrira botës së pabesë, që të gjithë ta njohin Zotin e dashurisë. Mos harroni, fëmijë, unë jam me ju dhe ju bekoj të gjithëve. Ju faleminderit që ju përgjigjët thirrjes sime!”

### *Porosia më 25 dhjetor 2001*

“Të dashur fëmijë!

Ju thërras sot dhe ju në lutje dhe paqe. Veçanërisht sot ju thërras, duke ju sjellë me duart e mia Jezusin e porsalindur, që të bashkoheni me Të nëpërmes të lutjes dhe të bëheni shenjë kësaj bote të trazuar. T’i jepni zemër njëri-tjetrit, fëmijë në lutje dhe dashuri. Le të jetë feja juaj nxitje për të tjerët që më shumë të besojnë dhe të duan. Të gjithëve ju bekoj dhe ju thërras që të jeni më afër zemrës sime dhe zemrës së Jezusit të vogël. Ju faleminderit që ju përgjigjët thirrjes sime!”

### *Porosia më 25 janar 2002.*

“Të dashur fëmijë!

Në këtë kohë deri sa kujtoni vitin e kaluar, Ju thërras, fëmijë, që të shikoni thellë në zemrën tuaj dhe të vendosni që të jeni më afër Zotit dhe lutjes. Fëmijë, ende jeni të lidhur për gjëra tokësore e pak për jetën shpirtërore. Edhe thirrja ime e sotme le të jetë nxitje që të përcaktoheni për Zotin dhe për kthim të përditshëm. Nuk mund të ktheheni, fëmijë, nëse nuk i braktisni mëkatet dhe nuk e zgjidhni dashurinë ndaj Zotit dhe të afërmit. Ju faleminderit që ju përgjigjët thirrjes sime!”

*Porosia më 25 shkurt 2002.*

“Të dashur fëmijë!

Në këtë kohë mëshire ju thërras që të bëheni miq të Jezusit. Lutuni për paqe në zemrat tuaja dhe punoni për kthim personal. Fëmijë, vetëm kështu mund të bëheni dëshmitarët e paqes dhe të dashurisë së Jezusit në botë. Hapuni për lutjen që lutja t’ju bëhet nevojë. Kthehuni, fëmijë, dhe punoni që sa më shumë shpirtra ta njohin Jezusin dhe dashurinë e tij. Unë jam afër jush dhe ju bekoj të gjithëve.

Ju faleminderit që ju përgjigjët thirrjes sime!”

*Porosia më 25 mars 2002.*

“Të dashur fëmijë!

Sot ju thërras që të bashkoheni me Jezusin në lutje. Hapjani zemrën dhe dhurojani të gjitha që janë në të: gëzimet, pikëllimet dhe sëmundjet. Le të jetë për ju kjo kohë mëshire. Lutuni, fëmijë dhe çdo çast le të jetë i Jezusit. Jam me ju dhe ndërmjetësoj për ju.

Ju faleminderit që ju përgjigjët thirrjes sime!”

*Porosia më 25 prill 2002.*

“Të dashur fëmijë!

Gëzohuni me mua në këtë kohë pranvere kur krejt natyra zgjohet dhe zemrat tuaja dëshirojnë ndryshime. Hapuni, fëmijë dhe lutuni. Mos harroni se unë jam me ju dhe dëshiroj t’ju çoj të gjithëve të Biri im që Ai t’ju dhurojë dashuri të sigurtë për Zotin dhe për çdo gjë që vjen prej tij. Hapuni për lutjen dhe kërkoni prej Zotit kthimin e zemrave tuaja, e të gjitha të tjerat Ai i sheh dhe janë në provaninë e tij.

Ju faleminderit që ju përgjigjët thirrjes sime!”

*Porosia më 25 maj 2002.*

“Të dashur fëmijë!

Sot ju thërras ta vendosni lutjen në vendin e parë në jetën tuaj. Lutuni, fëmijë, dhe le të jetë lutja për ju gëzim. Unë jam me ju dhe ndërmjetësoj për ju, e ju, fëmijë, bëhuni bartës të gëzueshëm të porosive të mia. Jeta juaj me mua le të jetë gëzim.

Ju faleminderit që ju përgjigjët thirrjes sime!”

*Porosia më 25 qershor 2002.*

“Të dashur fëmijë!

Sot lutem për ju dhe me ju që Shpirti i Shenjtë t’ju ndihmojë dhe ta rrisë fenë tuaj, që edhe më tepër t’i pranoni porositë që ju jap këtu, në këtë vend të shenjtë. Fëmijë, kuptoni se kjo është kohë hiresh për secilin prej jush, dhe me mua, fëmijë, jeni të sigurt. Dëshiroj që të gjithëve t’ju çoj në rrugën e shenjtërisë. Jetoni porositë e mia dhe veni në jetë çdo fjalë që jua them. Le të jenë



të vlefshme për ju sepse vijnë prej qiellit.  
Ju faleminderit që ju përgjigjët thirrjes sime!”

*Porosia më 25 korrik 2002.*

“Të dashur fëmijë!

Sot gëzohem me mbrojtësin tuaj dhe ju thërras që të jeni të hapur për vullnetin e Zotit, asisoj, që, në brendinë tuaj, dhe nëpërmes jush, të rritet feja te njerëzit që i takoni në jetën tuaj. Fëmijë, lutuni deri sa lutja t’ju bëhet gëzim. Kërkoni prej mbrojtësve tuaj të shenjtë që t’ju ndihmojnë të rriteni në dashuri ndaj Zotit.

Ju faleminderit që ju përgjigjët thirrjes sime!”

*Porosia më 25 gusht 2002.*

“Të dashur fëmijë!

Edhe sot jam me ju në lutje që Zoti t’ju japë fe edhe më të fortë. Fëmijë, feja juaj është e dobët dhe nuk jeni të vetëdijshëm, se, edhe përkundër kësaj, nuk jeni të gatshëm të kërkoni prej Zotit dhuratën e fesë. Prandaj jam me ju, fëmijë, që t’ju ndihmoj t’i kuptoni porosinë e mia dhe t’i jetësoni. Lutuni, lutuni, lutuni sepse vetëm në fe dhe nëpërmes lutjes shpirti juaj do të gjejë paqe kurse bota gëzimin që të jetë me Zotin.

Ju faleminderit që ju përgjigjët thirrjes sime!”

*Porosia më 25 shtator 2002.*

“Të dashur fëmijë!

Edhe në këtë kohë të trazuar ju thërras në lutje. Fëmijë, lutuni për paqe, që në botë secili njeri ta ndiejë dashurinë ndaj paqes. Vetëm kur shpirti të gjejë paqen në Zotin, ndjehet i kënaqur dhe dashuria do të rrjedhë në botë. Në mënyrë të posaçme, fëmijë, jeni të thirrur që të jetoni dhe të dëshmoni paqen, paqen në zemrat dhe familjet tuaja, e nëpërmes jush paqja do të rrjedhë në botë. Ju faleminderit që ju përgjigjët thirrjes sime!”

*Porosia më 25 tetor 2002.*

“Të dashur fëmijë!

Edhe sot ju thërras në lutje. Fëmijë, besoni se me lutje të thjeshtë mund të bëni mrekulli. Nëpërmes lutjes suaj ia hapni zemrën Zotit dhe ai bën mrekulli në jetën tuaj. Duke shikuar frytet, zemra juaj mbushet me gëzim dhe falënderim për Zotin, për të gjitha që i bën në jetën tuaj, por nëpërmes jush edhe në jetën e të tjerëve. Lutuni dhe besoni, fëmijë, Zoti ju jep hire por ju nuk i shihni. Lutuni e do t’i shihni. Le të jetë dita juaj e mbushur me lutje dhe falënderim për të gjitha që Zoti jua jep.

Ju faleminderit që ju përgjigjët thirrjes sime!”

*Porosia më 25 nëntor 2002.*

“Të dashur fëmijë!

Edhe sot ju thërras në kthim. Hapni zemrat tuaja Zotit, fëmijë, nëpërmes të rrëfimit të shenjtë dhe përgatitni shpirtin tuaj që përsëri në zemrat tuaja të mund të lind Jezusi i vogël. Lejoni atij që t’ju transformojë dhe t’ju çojë në rrugën e paqes dhe të gëzimit. Fëmijë, përcaktohuni për lutje. Sidomos tani në këtë kohë hiresh le ta dëshirojë zemra juaj lutjen. Unë jam pranë jush dhe ndërmjetësoj para Zotit për ju.

Ju faleminderit që ju përgjigjët thirrjes sime!”

*Porosia më 25 dhjetor 2002.*

“Të dashur fëmijë!

Kjo është kohë e hireve të mëdha, por edhe kohë e sfidave të mëdha për të gjithë ata që dëshirojnë të ndjekin rrugën e paqes. Prandaj, përsëri ju thërras, fëmijë, lutuni, lutuni, lutuni jo me fjalë por me zemër. Jetoni porositë e mia dhe kthehuni. Bëhuni të vetëdijshëm për këtë dhuratë që Zoti më ka lejuar që të jem me ju, sidomos sot kur në duart e mia kam Jezusin e vogël – Mbretin e paqes. Dëshiroj t’ju jap paqen kurse ju barteni në zemrat tuaja dhe dhuroni të tjerëve, derisa paqja e Zotit të mbisundojë në botë.

Ju faleminderit që ju përgjigjët thirrjes sime!”

*Porosia më 25 janar 2003.*

“Të dashur fëmijë!

Me këtë porosi, përsëri ju thërras që të luteni dhe agjëroni për paqe. Sidomos tani kur paqja është në krizë, bëhuni ju ata të cilët luten dhe dëshmojnë paqen. Bëhuni paqe, fëmijë, në këtë botë të trazuar.

Ju faleminderit që ju përgjigjët thirrjes sime!”

*Porosia më 25 shkurt 2003.*

“Të dashur fëmijë!

Edhe sot ju thërras që të luteni dhe të agjëroni për paqe. Si ua kam thënë më parë, fëmijë, edhe tani po e përsëris, vetëm me lutje dhe agjërim mund të ndalen luftërat. Paqja është dhuratë e vlefshme prej Zotit. Kërkoni, lutuni, e do ta kenë. Flisni për paqen dhe bartni paqen në zemrat tuaja. Përkujdesuni për të si për lulen që ka nevojë për ujë, butësi dhe dritë. Bëhuni ata që ju sjellin paqen të tjerëve. Unë jam me ju dhe ndërmjetësoj për të gjithë ju.

Ju faleminderit që ju përgjigjët thirrjes sime!”

*Porosia më 25 mars 2003.*

“Të dashur fëmijë!

Edhe sot ju thërras që të luteni për paqe. Lutuni me zemër, fëmijë, dhe mos e humbni shpresën, sepse Zoti i do krijesat e veta. Ai dëshiron t'ju shpëtojë, një nga një, nëpërmes ardhjeve të mia këtu. Ju thërras në rrugën e shenjtërisë. Lutuni, sepse në lutje jeni të hapur për vullnetin e Zoti, dhe kështu realizoni planin e Zotit në çdo gjë që bëni në ju dhe nëpërmes jush. Ju faleminderit që ju përgjigjët thirrjes sime!”

*Porosia më 25 prill 2003.*

“Të dashur fëmijë!

Ju thërras edhe sot që t'i hapeni lutjes. Në kreshmët e kaluara keni kuptuar sa jeni të vegjël dhe sa është feja juaj e vogël. Fëmijë, parapëlqejeni edhe sot Zotin, që Ai në ju dhe nëpërmes jush t'i ndërrojë zemrat e njerëzve, por edhe zemrat tuaja. Bëhuni bartës të gëzueshëm të Jezusit të ringjallur në këtë botë të trazuar që dëshiron Zotin dhe të gjitha ato që vijnë prej Zotit. Unë jam me ju, fëmijë, dhe ju dua me dashuri të veçantë. Ju faleminderit që ju përgjigjët thirrjes sime!”

*Porosia më 25 maj 2003.*

“Të dashur fëmijë!

Edhe sot ju thërras në lutje. Përtërinini lutjen tuaj personale, dhe në mënyrë të veçantë luteni Shpirtin të Shenjtë që t'ju ndihmojë të luteni me zemër. Ndërmjetësoj për të gjithë ju, fëmijë, dhe ju thërras të gjithëve në kthim. Nëse ju ktheheni, të gjithë rreth jush do të përtërihen, dhe lutja do të bëhet gëzimi juaj.

Ju faleminderit që ju përgjigjët thirrjes sime!”

*Porosia më 25 qershor 2003.*

“Të dashur fëmijë!

Edhe sot, me gëzim të madh, ju thërras që t'i jetoni porosinë e mia. Jam me ju dhe ju falënderoj që keni jetësuar atë që ju them. Ju thërras që t'i përtërinini porosinë e mia me entuziazëm dhe gëzim të ri. Le të jetë lutja përditshmëria juaj.

Ju faleminderit që ju përgjigjët thirrjes sime!”

*Porosia më 25 korrik 2003.*

“Të dashur fëmijë!

Edhe sot ju thërras në lutje. Fëmijë, lutuni deri sa lutja të bëhet gëzimi juaj. Vetëm kështu secili prej jush do ta zbulojë paqen në zemër dhe shpirti juaj do të jetë i kënaqur. Do të keni nevojë që të tjerëve t'ju dëshmoni dashurinë që ndjeni në zemrën dhe jetën tuaj. Unë jam me ju dhe ndërmjetësoj para Zotit për ju.

Ju faleminderit që ju përgjigjët thirrjes sime!”

*Porosia më 25 gusht 2003.*

“Të dashur fëmijë!

Edhe sot ju thërras që ta falënderoni Zotin në zemrën tuaj për të gjitha huret që ju jep edhe nëpërmes shenjave dhe ngjyrave që gjenden në natyrë. Zoti dëshiron që t’ju afrojë tek vetja dhe ju jep zemër që Atij t’i jepni lavdin dhe nderin. Prandaj, ju thërras përsëri, fëmijë, lutuni, lutuni, lutuni dhe mos harroni se unë jam me ju. Ndërmjetësoj para Zotit për secilin prej jush derisa gëzimi juaj të jetë i plotë në Të.

Ju faleminderit që ju përgjigjët thirrjes sime!”

*Porosia më 25 shtator 2003.*

“Të dashur fëmijë!

Edhe sot ju thërras që t’i afroheni zemrës sime. Vetëm ashtu do ta kuptoni dhuratën e pranisë sime këtu mes jush. Fëmijë, dëshiroj t’ju çoj në zemrën e Birit tim Jezusit. Por ju kundërshtoni dhe nuk dëshironi t’ia hapni zemrat tuaja lutjes. Unë ju thërras, përsëri, fëmijë, mos u bëni të shurdhër por kuptoni thirrjen time që është për ju shpëtim.

Ju faleminderit që ju përgjigjët thirrjes sime!”

*Porosia më 25 tetor 2003.*

“Të dashur fëmijë!

Përsëri ju thërras që t’i kushtoheni zemrës sime dhe zemrës së Birit tim Jezusit. Dëshiroj, fëmijë, t’ju çoj të gjithëve në rrugën e kthimit dhe të shenjtërisë. Vetëm kështu, nëpërmes jush, mund të çojmë sa më shumë shpirtra në rrugën e shpëtimit. Mos zvarrisni, fëmijë, por thoni me gjithë zemër: Dëshiroj t’i ndihmoj Jezusit dhe Marisë që sa më shumë vëllëzër dhe motra ta njohin rrugën e shenjtërisë. Kështu do të ndjeni kënaqësi të jeni miqtë e Jezusit.

Ju faleminderit që ju përgjigjët thirrjes sime!”

*Porosia më 25 nëntor 2003.*

“Të dashur fëmijë!

Ju thërras që kjo kohë t’u japë zemër edhe më shumë për lutje. Lutuni, fëmijë, që Jezusi të lind në të gjitha zemrat, sidomos në ato që nuk e njohin. Bëhuni dashuri, gëzim dhe paqe në këtë botë të trazuar. Unë jam me ju dhe ndërmjetësoj para Zotit për secilin prej jush.

Ju faleminderit që ju përgjigjët thirrjes sime!”

*Porosia më 25 dhjetor 2003.*

“Të dashur fëmijë!

Edhe sot ju bekoj të gjithëve me Birin tim Jezusin ngrykë dhe ua sjell Atë që është Mreti i Paqes

që t'ua japë paqen e vet. Jam me ju, fëmijë, dhe ju dua të gjithëve.  
Ju faleminderit që ju përgjigjët thirrjes sime!”

*Porosia më 25 janar 2004.*

“Të dashur fëmijë!

Edhe sot ju thërras që të luteni. Lutuni, fëmijë në mënyrë të veçantë për ata që nuk e kanë njohur dashurinë e Zotit. Lutuni që zemra te tyre të hapen dhe t’i afrohen zemrës sime dhe zemrës së Birit tim Jezusit, në mënyrë që t’i shndërrojmë në njerëz të paqes dhe të dashurisë.  
Ju faleminderit që ju përgjigjët thirrjes sime!”

*Porosia më 25 shkurt 2004.*

“Të dashur fëmijë!

Edhe sot, si kurrë më parë, ju thërras që t’i hapni zemrat tuaja porosive të mia. Fëmijë, bëhuni ata që tërheqin shpirtrat kah Zoti dhe jo ata që i largojnë. Unë jam me ju dhe ju dua të gjithëve me dashuri të veçantë. Kjo është kohë pendese dhe kthimi. Me krejt zemrën ju thërras bëhuni të mitë me gjithë zemër e atëherë do të shihni se Zoti juaj është i madh sepse do t’ju japë me begati bekim dhe paqe.

Ju faleminderit që ju përgjigjët thirrjes sime!”

*Porosia më 25 mars 2004.*

“Të dashur fëmijë!

Edhe sot ju thërras që t’i hapeni lutjes. Sidomos tani, në këtë kohë mëshire hapni zemrat tuaja, fëmijë, dhe shprehni dashurinë tuaj ndaj të Kryqëzuarit. Vetëm kështu do të zbuloni paqen, dhe lutja do të rrjedhë prej zemrës suaj në botë. Fëmijë, bëhuni shembull dhe nxitje për të mirë. Unë jam afër jush dhe ju dua të gjithëve.

Ju faleminderit që ju përgjigjët thirrjes sime!”

*Porosia më 25 prill 2004.*

“Të dashur fëmijë!

Edhe sot ju thërras që më shumë t’i jetoni porosinë e mia në përvujtëri dhe dashuri që Shpirti i Shenjtë t’ju mbush me hirin dhe forcën e vet. Vetëm kështu do të jeni dëshmitarë të paqes dhe faljes.

Ju faleminderit që ju përgjigjët thirrjes sime!”

*Porosia më 25 maj 2004.*

“Të dashur fëmijë!

Edhe sot ju thërras që t’i kushtoheni zemrës sime dhe zemrës së Birit tim Jezusit. Vetëm kështu

do të jeni çdo ditë e më shumë të mitë dhe do t'i jepni zemër njëri-tjetrit përherë e më shumë të shenjtëroni. Kështu gëzimi do të sundojë në të gjitha zemrat, dhe do të jeni bartës të paqes dhe dashurisë.

Ju faleminderit që ju përgjigjët thirrjes sime!”

#### *Porosia më 25 qershor 2004.*

“Të dashur fëmijë!

Edhe sot zemra ime është e gëzuar. Dëshiroj t’ju falënderoj që e bëni të realizueshëm planin tim. Secili prej jush është i rëndësishëm, prandaj fëmijë, lutuni dhe gëzohuni me mua për secilën zemër që është kthyer dhe bërë mjet paqeje në botë. Grupet e lutjes janë të forta që nëpërmes tyre mund të shoh, fëmijë, se Shpirti i Shenjtë vepron në botë. Ju faleminderit që ju përgjigjët thirrjes sime!”

#### *Porosia më 25 korrik 2004.*

“Të dashur fëmijë!

Ju thërras përsëri: jini të hapur porosive të mia. Fëmijë, dëshiroj që të gjithëve t’ju afrojnë te Biri im Jezusi, Prandaj lutuni dhe agjëroni. Në mënyrë të veçantë ju thërras që të luteni për qëllimet e mia, për t’ju paraqitur te Biri im Jezusi, dhe Ai t’ju ndryshojë dhe hapë zemrat tuaja për dashuri. Kur të keni dashuri në zemër në ju do të mbretërojë paqja. Ju faleminderit që ju përgjigjët thirrjes sime!”

#### *Porosia më 25 gusht 2004.*

“Të dashur fëmijë!

Ju thërras të gjithëve në kthim të zemrës. Përcaktohuni, si në ditët e para të ardhjes sime këtu, në ndërrimin e tërësishëm të jetës suaj. Kështu, fëmijë, do të keni forcë të gjunjëzoheni dhe ta hapni zemrën para Zotit. Zoti do t’i dëgjojë lutjet tuaja dhe do t’i plotësojë ato. Unë ndërmjetësoj për secilin prej jush para Zotit.

Ju faleminderit që ju përgjigjët thirrjes sime!”

#### *Porosia më 25 shtator 2004.*

“Të dashur fëmijë!

Edhe sot ju thërras që të jeni dashuri atje ku është urrejtja, dhe ushqim ku është uria. Fëmijë, hapni zemrat tuaja dhe duart tuaja le të jenë të shtrira dhe bujare ashtu që secila krijesë nëpërmes jush ta falënderojë Zotin Krijues. Lutuni, fëmijë dhe hapni zemrat tuaja për dashurinë e Zotit, por s’mundeni pa lutje. Prandaj lutuni, lutuni, lutuni. Ju faleminderit që ju përgjigjët thirrjes sime!”

#### *Porosia më 25 tetor 2004.*

“Të dashur fëmijë!

Kjo është kohë hiresh për familje, dhe prandaj ju thërras që të përtërinini lutjen. Le të jetë Jezusi në zemër të familjes suaj. Mësohuni në lutje që të doni çdo gjë të shenjtë. Imitoni jetën e shenjtërve që ata të jenë nxitje dhe mësues në rrugën e shenjtërisë. Le të jetë secila familje dëshmitare e dashurisë në këtë botë pa lutje dhe paqe.

Ju faleminderit që ju përgjigjët thirrjes sime!”

*Porosia më 25 nëntor 2004.*

“Të dashur fëmijë!

Ju thërras të gjithëve që në këtë kohë të luteni për qëllimet e mia. Sidomos, fëmijë, lutuni për ata të cilët ende nuk e kanë njohur dashurinë e Zotit dhe nuk e kërkojnë Zotin Shpëtimtar. Bëhuni ju, fëmijë, duart e mia të shtrira dhe me shembullin tuaj afroni ata te zemra ime dhe te zemra e Birin tim. Zoti do t’ju shpërblejë me hire dhe me çdo bekim. Ju faleminderit që ju përgjigjët thirrjes sime!”

*Porosia më 25 dhjetor 2004.*

“Të dashur fëmijë!

Me gëzim të madh edhe sot ju sjell Birin tim Jezusin ngrykë i cili ju bekon dhe thërret në paqe. Lutuni, fëmijë dhe bëhuni dëshmitarë të guximshëm të lajmit të mirë në çdo situatë. Vetëm kështu Zoti do t’ju bekojë dhe do t’ju japë çdo gjë që ia kërkonte me besim. Unë jam me ju aq sa do të më lejojë i Tejetlarti. Ndërmjetësoj për secilin prej jush me dashuri të madhe.

Ju faleminderit që ju përgjigjët thirrjes sime!”

*Porosia më 25 janar 2005.*

“Të dashur fëmijë!

Në këtë kohë hiri, përsëri ju thërras në lutje. Lutuni, fëmijë për bashkimin e të krishterëve që të gjithë të jenë një zemre. Bashkim do të ketë mes jush aq sa ju do të luteni dhe do të falni. Mos harroni: dashuria do të triumfojë vetëm nëse luteni dhe zemra juaj hapet.

Ju faleminderit që ju përgjigjët thirrjes sime!”

*Porosia më 25 shkurt 2005.*

“Të dashur fëmijë!

Sot ju thërras që të jeni duart e mia të shtrira në këtë botë e cila e vendos Zotin në vendin e fundit. Fëmijë, ju vendosni zotin në vendin e parë në jetën tuaj Zoti do t’ju bekojë dhe japë forcë që të dëshmoni Zotin e dashurisë dhe paqes. Unë jam me ju dhe ndërmjetësoj për të gjithë ju. Fëmijë, mos harroni se ju dua me dashuri të butë.

Ju faleminderit që ju përgjigjët thirrjes sime!”

*Porosia më 25 mars 2005.*

“Të dashur fëmijë!

Sot ju thërras në dashuri. Fëmijë, ta doni njëri-tjetrin me dashurinë e Zotit. Në çdo çast, në gëzim dhe pikëllim le të triumfojë dashuria, dhe kështu dashuria do të mbisundojë në zemrat tuaja. Jezusi i ringjallur do të jetë me ju kurse ju dëshmitarët e tij. Unë do të gëzohem me ju dhe do t’ju mbrojë me pelerinën time amnore. Veçanërisht do të shikoj kthimin tuaj të përditshëm me dashuri.

Ju faleminderit që ju përgjigjët thirrjes sime!”

*Porosia më 25 prill 2005.*

“Të dashur fëmijë!

Edhe sot ju thërras që të përtërin lutjen në familjet tuaja. Me lutje dhe me leximin e Shkrimit Shenjt le të hyjë në familjet tuaja Shpirti i Shenjtë i cili do t’ju përtërijë. Kështu, ju do të bëheni mësues feje në familjet tuaja. Me lutje dhe me dashurinë tuaj, bota do të shkojë në rrugë më të mirë, dhe dashuria do të zotërojë në botë.

Ju faleminderit që ju përgjigjët thirrjes sime!”

*Porosia më 25 maj 2005.*

“Të dashur fëmijë!

Përsëri ju thërras që me përvujtëri t’i jetoni porositë e mia. Veçanërisht, dëshmoni ato tani, kur i afrohem përvjetorit të dëftimeve të mia. Fëmijë, bëhuni shenjë për ata që janë larg prej Zotit dhe dashurisë së tij. Unë jam me ju dhe të gjithëve ju bekoj me bekimin tim amënor.

Ju faleminderit që ju përgjigjët thirrjes sime!”

*Porosia më 25 qershor 2005.*

“Të dashur fëmijë!

Sot ju falënderoj për çdo sakrificë që keni paraqitë për qëllimet e mia. Ju thërras, fëmijë, që të jeni apostujt e mi të paqes dhe dashurisë në familjet tuaja dhe në botë. Lutuni që Shpirti i Shenjtë t’ju shndrisë dhe t’ju prijë në rrugën e shenjtërisë. Unë jam me ju dhe të gjithëve ju bekoj me bekimin tim amënor.

Ju faleminderit që ju përgjigjët thirrjes sime!”

*Porosia më 25 korrik 2005.*

“Të dashur fëmijë!

Edhe sot ju thërras që me lutje të shkurta dhe të zjarrta ta mbushni ditën tuaj. Kur luteni zemra juaj është e hapur, Zoti ju do me dashuri të veçantë dhe ju jep hire të veçanta. Prandaj,



shfrytëzoheni këtë kohë hiri dhe kushtojani Zotit më shumë se kurdoherë më parë. Agjëroni dhe mohoni me nëntëshe që djalli të jetë larg jush kurse hiri rreth jush. Mua më keni afër dhe ndërmjetësoj para Zotit për secilin prej jush.

Ju faleminderit që ju përgjigjët thirrjes sime!”

### *Porosia më 25 gusht 2005.*

“Të dashur fëmijë!

Edhe sot ju thërras që t’i jetoni porosinë e mia. Këtë kohë Zoti ua ka dhuruar si kohë mëshire. Prandaj, fëmijë, shfrytëzoni çdo çast dhe lutuni, lutuni, lutuni. Unë ju bekoj dhe ndërmjetësoj para të Tejetlartit për secilin prej jush.

Ju faleminderit që ju përgjigjët thirrjes sime!”

### *Porosia më 25 shtator 2005.*

“Të dashur fëmijë!

Me dashuri ju thërras: kthehuni, edhe pse jeni larg zemrës sime. Mos harroni: unë jam nëna juaj dhe kam dhëmbje për secilin që është larg zemrës sime, por nuk ju lë vetëm. Besoj se mund ta leni rrugën e mëkatit dhe të përcaktoheni për shenjtëri.

Ju faleminderit që ju përgjigjët thirrjes sime!”

### *Porosia më 25 tetor 2005.*

“Fëmijë, besoni, lutuni e të doni dhe Zotin do ta keni afër. Do t’ju dhurohen hirit që i kërkoni prej tij. Unë jam dhuratë për ju, sepse Zoti më lejon prej ditës në ditë të jem me ju dhe ta dua secilin prej jush me dashuri të pakufishme. Prandaj, fëmijë, në lutje dhe përvujtëri hapni zemrat tuaja dhe bëhuni dëshmitarë të pranisë sime.

Ju faleminderit që ju përgjigjët thirrjes sime!”

### *Porosia më 25 nëntor 2005.*

“Të dashur fëmijë!

Edhe sot ju thërras që të lutuni, lutuni, lutuni derisa lutja të bëhet jeta juaj. Fëmijë, në këtë kohë në mënyrë të veçantë lutem para Zotit që t’ju japë dhuratën e fesë. Vetëm në fe do të zbuloni gëzimin e dhuratës së jetës që ua ka dhënë Zoti. Zemra juaj do të jetë e gëzuar duke menduar për amshimin. Unë jam me ju dhe ju dua me dashuri skofiare.

Ju faleminderit që ju përgjigjët thirrjes sime!”

### *Porosia më 25 dhjetor 2005.*

“Të dashur fëmijë!

Edhe sot ua sjell ngrykë Jezusin e vogël, Mbretin e paqes që t'ju bekojë me paqen e tij. Fëmijë, në mënyrë të posaçme sot ju thërras që të jeni bartësit e mi të paqes në këtë botë të trazuar. Zoti do t'ju bekojë. Fëmijë, mos harroni, unë jam nëna juaj. Ju bekoj të gjithëve me bekim të veçantë me Jezusun e vogël ngrykë.

Ju faleminderit që ju përgjigjët thirrjes sime!”

*Porosia më 25 janar 2006.*

“Të dashur fëmijë!

Edhe sot ju thërras që të bëheni bartës të Ungjillit në familjet tuaja. Mos harroi, fëmijë, që ta lexoni Shkrimin Shenjt. Vendoseni në vend të dukshëm dhe dëshmoni me jetën tuaj se besoni dhe jetoni Fjalën e Zotit. Unë jam pranë jush me dashurinë time dhe ndërmjetësoj për secilin prej jush para Birit tim.

Ju faleminderit që ju përgjigjët thirrjes sime!”

*Porosia më 25 shkurt 2006.*

“Të dashur fëmijë!

Në këtë kohë mëshire të kreshmëve ju thërras që t'ia hapni zemrat tuaja dhuratave, të cilat Zoti dëshiron t'ua japë. Mos jini të mbyllur, por me lutje dhe sakrifica thoni Zotit Po dhe ai do t'ju japë me begati. Ashtu si në pranverë toka i hapet farës dhe jep fryt njëqind fish ashtu edhe Ati juaj qiellor do t'ua japë me begati. Unë jam me ju dhe ju dua, fëmijë, me dashuri skofjare.

Ju faleminderit që ju përgjigjët thirrjes sime!”

*Porosia më 25 mars 2006.*

“Të dashur fëmijë!

Kam vendosur t'ju prij në rrugën e shenjtërisë. Hiqni dorë nga mëkati dhe nisuni rrugës së shpëtimit, rrugës të cilën e ka zgjedhur Biri im. Përkundër do mundimi dhe vuajtjeje Zoti do të gjejë për ju rrugën e gëzimit. Prandaj, ju fëmijë, lutuni. Ne jemi pranë jush me dashurinë tonë.

Ju faleminderit që ju përgjigjët thirrjes sime!”

*Porosia më 25 prill 2006.*

“Të dashur fëmijë!

Edhe sot ju thërras që të keni më shumë besim në mua dhe në Birin tim. Ai ka triumfuar me vdekjen dhe ngjalljen e tij dhe ju thërret që nëpërmes meje të jeni pjesë e gëzimit të tij. Ju nuk e shihni Zotin, fëmijë, por nëse luteni, do ta ndjeni afërsinë e tij. Unë jam me ju dhe ndërmjetësoj para Zotin për secilin prej jush.

Ju faleminderit që ju përgjigjët thirrjes sime!”

*Porosia më 25 maj 2006.*

“Të dashur fëmijë!

Edhe sot ju thërras që t’i praktikoni dhe t’i jetoni porosinë e mia, të cilat ua jap. Parapëlqejeni shenjtërinë, fëmijë, dhe mendoni në parajsë. Vetëm kështu do të keni në zemrën tuaj paqen, të cilën askush nuk mund ta shkatërrojë. Paqja është dhuratë, të cilën Zoti ua jep në lutje. Fëmijë, kërkoni dhe punoni me të gjitha forcat që paqja të sundojë në zemrat tuaja dhe në botë. Ju faleminderit që ju përgjigjët thirrjes sime!”

*Porosia më 25 qershor 2006.*

“Të dashur fëmijë!

Me gëzim të madh në zemër ju falënderoj për të gjitha lutjet, të cilat këto ditë i keni paraqitë për qëllimet e mia. Dijeni, fëmijë, nuk do të pendoheni as ju as fëmijët tuaj. Zoti do t’ju shpërblejë me hire të shumta dhe do ta meritoni jetën e pasosur. Unë jam pranë jush dhe i falënderoj të gjithë ata që i kanë pranuar porosinë e mia këto ditë, i kanë jetësuar dhe janë përcaktuar për shenjtëri dhe paqe. Ju faleminderit që ju përgjigjët thirrjes sime!”

*Porosia më 25 korrik 2006.*

“Të dashur fëmijë!

Në këtë kohë mos mendoni vetëm për pushimin e trupit tuaj, por, fëmijë, kërkoni kohë edhe për shpirt. Le t’ju flasë në qetësi Shpirti i Shenjtë dhe lejoni Atij që t’ju kthejë dhe t’ju ndryshojë. Unë jam me ju dhe ndërmjetësoj para Zotit për secilin prej jush. Ju faleminderit që ju përgjigjët thirrjes sime!”

*Porosia më 25 gusht 2006.*

“Të dashur fëmijë!

Edhe sot ju thërras lutuni, lutuni, lutuni. Vetëm në lutje do të jeni pranë meje dhe Birit tim dhe do të shihni sa e shkurtë është kjo jetë. Në zemrën tuaj do të lind dëshira për qiellin. Gëzimi do të mbretërojë në zemrën tuaj dhe lutja do të rrjedhë si lumë. Në fjalët tuaja do të ketë vetëm falënderime për Zotin, i cili ju ka krijuar dhe dëshira për shenjtëri do t’ju bëhet realitet. Ju faleminderit që ju përgjigjët thirrjes sime!”

*Porosia më 25 shtator 2006.*

“Të dashur fëmijë!

Edhe sot jam me ju dhe ju thërras në kthim të tërësishëm. Parapëlqejeni për Zotin, fëmijë, dhe në Zotin do të gjeni paqen që kërkon zemra. Ndiqni jetën e shenjtërve dhe le të jenë ata shembull për ju, e unë do t’ju deri sa i Tejetlarti të më lejojë të jem me ju.

Ju faleminderit që ju përgjigjët thirrjes sime!”

*Porosia më 25 tetor 2006.*

“Të dashur fëmijë!

Zotëria më ka lejuar sot, që përsëri, t’ju them, se jetoni në kohë mëshire. Nuk jeni të vetëdijsëm, fëmijë, se Zoti po ju jep shans që të ktheheni dhe të jetoni në paqe dhe dashuri. Ju jeni kaq të verbët dhe të lidhur për gjërat tokësore, dhe mendoni në jetën tokësore. Zoti më ka dërguar që t’ju prij drejt jetës së pasosur. Unë nuk jam e lodhur, fëmijë, edhe pse shoh zemrat tuaja të rënduara dhe të lodhura për çdo gjë që është hir e dhuratë.

Ju faleminderit që ju përgjigjët thirrjes sime!”

*Porosia më 25 nëntor 2006.*

“Të dashur fëmijë!

Edhe sot ju thërras lutuni, lutuni, lutuni. Fëmijë, kur luteni jeni afër Zotit dhe Ai ju jep dëshirën për amshim. Kjo është koha kur mund të flisni më shumë për Zotin dhe të bëni më shumë për Zotin. Prandaj, mos kundërshtoni, fëmijë, por lejoni që Ai t’ju prijë t’ju ndryshojë dhe të hyjë në jetën tuaj. Mos harroni se jeni udhëtarë në rrugën drejt amshimit. Prandaj, fëmijë, lejoni që Zoti t’ju prijë si bariu grigjës së vet.

Ju faleminderit që ju përgjigjët thirrjes sime!”

*Porosia më 25 dhjetor 2006.*

“Të dashur fëmijë!

Edhe sot ua sjell Jezusin e porsalindur ngrykë. Ai që është Mbreti i qiellit dhe tokës, Ai është paqja juaj. Fëmijë, askush nuk mund t’ua japë paqen si Ai që është Mbreti i paqes. Prandaj, t’i dhurojani vetveten Atij në zemrat tuaja, zgjidheni Atë dhe do ta keni gëzimin në Të. Ai do t’ju bekojë me bekimin e vet të paqes.

Ju faleminderit që ju përgjigjët thirrjes sime!”

*Porosia më 25 janar 2007.*

“Të dashur fëmijë!

Vendosni Shkrimin Shenjt në vend të dukshëm në familjet tuaja dhe lexoni atë. Kështu do ta njihni lutjen e zemrës dhe mendimet tuaja do të jenë në Zotin. Mos harroni se jeni kalimtar si lulja e fushës, që shihet prej së largu, por zhduket në çast. Fëmijë, leni shenja mirësie dhe dashurie kah do që të kaloni dhe Zoti do t’ju bekojë me begatinë e bekimit të tij.

Ju faleminderit që ju përgjigjët thirrjes sime!”

*Porosia më 25.shkurt 2007.*

“Të dashur fëmijë!

Hapni zemrën tuaj mëshirës së Zotit në këtë kohë kreshmësh. Ati Qiellor dëshiron që ta nxjerrë nga robëria e mëkatit secilin prej jush. Prandaj, fëmijë, shfrytëzoni këtë kohë dhe nëpërmes të takimit me Zotin dhe rrëfimit braktisni mëkatin dhe përcaktohuni për shenjtëri. Bëni këtë nga dashuria për Jezusin, i cili ju ka shpërblyer të gjithëve që të jeni të gëzuar në paqe. Mos harroni, fëmijë, liria juaj është dobësia juaj, prandaj përmbajuni porosive të mia me seriozitet. Ju faleminderit që ju përgjigjët thirrjes sime!”

*Porosia më 25 mars 2007.*

“Të dashur fëmijë!

Dëshiroj t’ju falënderoj nga zemra për sakrificat tuaja të kreshmëve. Dëshiroj që me zemër të hapur edhe më tutje të jetoni agjërimin. Me agjërim dhe mohim, fëmijë, do të jeni më të fortë në fe. Në Zotin do të gjeni paqen e vërtetë, nëpërmes të lutjes së përditshme. Unë jam me ju dhe nuk jam e lodhur. Dëshiroj që të gjithëve t’ju çoj me mua në parajsë, prandaj çdo ditë përcaktohuni për shenjtëri.

Ju faleminderit që ju përgjigjët thirrjes sime!”

*Porosia më 25 prill 2007.*

“Të dashur fëmijë!

Edhe sot ju thërras përsëri në kthim. Hapni zemrat tuaja. Kjo është kohë mëshire deri sa jam me ju, shfrytëzoheni. Thoni: „Kjo është koha për shpirtin tim“. Unë jam me ju dhe ju dua me dashuri të pamasë.

Ju faleminderit që ju përgjigjët thirrjes sime!”

*Porosia më 25 maj 2007.*

“Të dashur fëmijë!

Lutni me mua Shpirtin e Shenjtë që t’ju prijë në kërkimin e vullnetit të Zotit në rrugën e shenjtërisë suaj. E ju që jeni larg nga lutja, kthehuni dhe kërkoni në qetësinë e zemrës suaj shpëtimin e shpirtit tuaj, dhe ushqejeni me lutje. Unë ju bekoj të gjithëve veç e veç me bekimin tim amënor.

Ju faleminderit që ju përgjigjët thirrjes sime!”

*Porosia më 25 qershor 2007.*

“Të dashur fëmijë!

Edhe sot, me gëzim të madh në zemër, ju thërras në kthim. Fëmijë, mos harroni se jeni të rëndësishëm në këtë plan të madh që Zoti ka në Megjugorje. Zoti dëshiron ta kthejë mbarë botën dhe ta thërrasë në shpëtim dhe në rrugën drejt Tij që është fillimi dhe mbarimi i çdo qenieje. Në mënyrë të veçantë, fëmijë, ju thërras të gjithëve nga thellësia e zemrës sime që t’i hapeni kësaj mëshire të madhe që Zoti ju jep nëpërmes të pranisë sime këtu. Dëshiroj të falënderoj secilin prej

jush në sakrificat dhe lutjet. Jam me ju dhe ju bekoj të gjithëve.  
Ju faleminderit që ju përgjigjët thirrjes sime!”

*Porosia më 25 korrik 2007.*

“Të dashur fëmijë!

Sot, në ditën e mbrojtësit të famullisë suaj, ju thërras që ta ndiqni jetën e shenjtërve. Le të jenë ata shembuj dhe nxitje në jetën e shenjtë. Lutja le të jetë për ju si ajri që thithni, e jo barrë. Fëmijë, Zoti do t’ju zbulojë dashurinë e vet, e ju do të përjetoni gëzimin se jeni të dashurit e mi. Zoti do t’ju bekojë dhe japë mbushulli hiresh.  
Ju faleminderit që ju përgjigjët thirrjes sime!”

*Porosia më 25 gusht 2007.*

“Të dashur fëmijë!

Edhe sot ju thërras në kthim. Le të jetë jeta juaj, fëmijë, reflektim i mirësisë së Zotit e jo i urrejtjes dhe pabesisë. Lutuni, fëmijë, që lutja t’ju bëhet jetë. Kështu do të zbuloni në jetën tuaj paqen dhe gëzimin, të cilin Zoti ua jep atyre që janë zemër hapur ndaj dashurisë së Tij. Kurse ju që jeni larg nga hiret e Zotit, kthehuni që Zoti të mos i mbyll veshët për lutjen tuaj dhe të mos ju bëhet vonë. Prandaj, kthehuni në këtë kohë mëshire dhe vendosni Zotin në vend të parë në jetën tuaj.  
Ju faleminderit që ju përgjigjët thirrjes sime!”

*Porosia më 25 shtator 2007.*

“Të dashur fëmijë!

Edhe sot ju thërras që zemrat tuaja të digjen me dashuri sa më të zjarrtë për të Kryqëzuarit dhe mos harroni se nga dashuria për ju e ka dhënë jetën e vet që të jeni të shpëtuar. Fëmijë, meditoni dhe lutuni që zemra juaj të hapet për dashurinë e Zotit.  
Ju faleminderit që ju përgjigjët thirrjes sime!”

*Porosia më 25 tetor 2007.*

“Të dashur fëmijë!

Zoti më ka dërguar mes jush nga dashuria që t’ju prij drejt rrugës së shpëtimit. Shumë prej jush i kanë hapur zemrat dhe i kanë pranuar porosinë e mia, por shumë kanë humbur në këtë rrugë dhe kurrë nuk e kanë njohur me plot zemër Zotin e dashurisë. Prandaj ju thërras, që ju të jeni dashuria dhe drita atje ku është terri dhe mëkati. Jam me ju dhe ju bekoj të gjithëve.  
Ju faleminderit që ju përgjigjët thirrjes sime!”

*Porosia më 25 nëntor 2007.*

“Të dashur fëmijë!

Sot kur festoni Krishtin Mbret të të gjitha krijesave, dëshiroj që Ai të jetë mbreti i jetës suaj. Vetëm nëpërmes dhurimit, fëmijë, mund ta kuptoni dhuratën e flijimit të Jezusit në kryq për secilin nga ju. Fëmijë, dhurojini kohë Zotit që Ai t’ju transformojë dhe t’ju mbushë me huret e tij, që ju të jeni hir për të tjerët. Unë jam për ju, fëmijë, dhuratë mëshire që vjen prej Zotit në këtë botë të trazuar.

Ju faleminderit që ju përgjigjët thirrjes sime!”

*Porosia më 25.dhjetor 2007.*

“Të dashur fëmijë!

Me gëzim të madh ju sjell Mbretin e paqes që ai t’ju bekojë me bekimin e tij. Ju përkuluni para tij dhe jepni kohë Krijuesit, të cilin e dëshiron zemra juaj. Mos harroni se jeni kalimtarë në këtë tokë dhe gjërat mund t’ju ofrojnë gëzime të vogla, kurse nëpërmes të Birit tim ju është dhuruar jeta e pasosur. Prandaj jam me ju që t’ju prij drejt asaj që dëshiron zemra juaj.

Ju faleminderit që ju përgjigjët thirrjes sime!”

*Porosia më 25 janar 2008.*

“Të dashur fëmijë!

Me kohën e kreshmëve ju i afroheni kohës së hirit. Zemra juaj është si toka e lëvruar, e cila do ta pranojë frytin dhe do të rritet e mira. Fëmijë, ju jeni të lirë të zgjidhni të mirën ose të keqen. Prandaj ju thërras: lutuni dhe agjëroni. Mbillni gëzimin në zemrat tuaja dhe fryti i gëzimit do të rritet për të mirën tuaj dhe të tjerët do ta shohin dhe do ta pranojnë prej jetës suaj. Hiqni dorë prej mëkatit dhe zgjidhni jetën e pasosur. Unë jam me ju dhe ndërmjetësoj për ju para Birit tim.

Ju faleminderit që ju përgjigjët thirrjes sime!”

*Porosia më 25 shkurt 2008.*

“Të dashur fëmijë!

Në këtë kohë të hirit, përsëri, ju thërras në lutje dhe sakrifica. Dita juaj le të jetë e thurur me lutje të vogla dhe të zjarra për të gjithë ata që nuk e kanë njohur dashurinë e Zotit. Ju faleminderit që ju përgjigjët thirrjes sime!”

*Porosia më 25 mars 2008.*

“Të dashur fëmijë!

Ju thërras që të punoni në kthimin personal. Ende jeni larg nga takimi me Zotin në zemrën tuaj. Prandaj kaloni sa më shumë kohë në lutje dhe adhurimin e Jezusit në sakramentin Tejet të shenjtë të altarit që Ai t’ju ndërrojë dhe të vendos në zemrat tuaja fenë e gjallë dhe dëshirën për jetën e pasosur. Çdo gjë është e përkohshme, fëmijë, vetëm Zoti është i përhershëm. Jam me ju dhe ju nxis me dashuri.

Ju faleminderit që ju përgjigjët thirrjes sime!”

*Porosia më 25 prill 2008.*

“Të dashur fëmijë!

Edhe sot ju thërras që të rriteni në dashurinë e Zotit, si lulja që i ndjen rrezet e ngrohta të pranverës. Kështu edhe ju, fëmijë, rrituni në dashurinë e Zotit dhe çojeni atë tek ata që janë larg Zotit. Kërkoni vullnetin e Zotit dhe bëjuni mirë atyre që Zoti ua ka vënë në rrugën tuaj dhe jini dritë e gëzim.

Ju faleminderit që ju përgjigjët thirrjes sime!”

*Porosia më 25 maj 2008.*

“Të dashur fëmijë!

Në këtë kohë hires, kur Zoti më ka lejuar të jem me ju, fëmijë, ju thërras përsëri në kthim. Punoni për shpëtimin e botës në mënyrë të veçantë deri sa jam me ju. Zoti është i mëshirshëm dhe jep hire të veçanta prandaj kërkoni nëpërmes lutjes. Unë jam me ju dhe nuk ju lë vetëm.

Ju faleminderit që ju përgjigjët thirrjes sime!”

*Porosia më 25 qershor 2008.*

“Të dashur fëmijë!

Edhe sot, me gëzim të madh në zemër ju thërras që të më ndiqni dhe të dëgjoni porosinë e mia. Bëhuni bartës të paqes dhe dashurisë në këtë botë të trazuar. Unë jam me ju dhe ju bekoj të gjithëve me Birin tim Jezusin Mbretin e paqes.

Ju faleminderit që ju përgjigjët thirrjes sime!”

*Porosia më 25 korrik 2008.*

“Të dashur fëmijë!

Në këtë kohë kur mendoni për pushimin trupor, unë ju thërras në kthim. Lutuni dhe punoni që zemra juaj ta dëshirojë Zotin Krijues, i cili është pushimi i vërtetë i shpirtit dhe i trupit tuaj. Le t’ua zbulojë Ai fytyrën e vet dhe le t’ua japë paqen e vet. Unë jam me ju dhe ndërmjetësoj para Zotit për secilin prej jush.

Ju faleminderit që ju përgjigjët thirrjes sime!”

*Porosia më 25 gusht 2008.*

“Të dashur fëmijë!

Edhe sot ju thërras në kthim personal. Bëhuni ju ata që do të kthehen dhe me jetën tuaj dëshmoni, doni, falni dhe sillni gëzimin e Të Ngjallurit në këtë botë, ku Biri im ka vdekur dhe ku



njerëzit nuk ndiejnë nevojë që ta kërkojnë dhe ta zbulojnë në jetën e tyre. Ju adhuroni dhe le të jetë shpresa juaj shpresë për ato zemra, të cilat nuk e kanë Jezusin.  
Ju faleminderit që ju përgjigjët thirrjes sime!”

### *Porosia më 25 shtator 2008.*

“Të dashur fëmijë!

Le të jetë jeta juaj vendim i ri për paqe. Bëhuni bartës të gëzueshëm të paqes dhe mos harroni se po jetoni në kohë mëshire, kur Zoti, nëpërmes të pranisë sime, ju jep hire të shumta. Mos u mbyllni, fëmijë, por shfrytëzoheni këtë kohë dhe kërkojeni dhuratën e paqes dhe të dashurisë për jetën tuaj që të jeni dëshmitarë për të tjerët. Ju jap bekimin tim amënor.  
Ju faleminderit që ju përgjigjët thirrjes sime!”

### *Porosia më 25 tetor 2008.*

“Të dashur fëmijë!

Në mënyrë të veçantë ju thërras të gjithëve që të luteni për qëllimet e mia, që me lutjet tuaja ta ndaloni planin e djallit për këtë vend, i cili është çdo ditë më larg Zotit dhe në vend të Zotit vendos veten duke shkatërruar çdo gjë që është e bukur dhe e mirë në shpirtrat e secilit prej jush. Prandaj, fëmijë, armatosuni me lutje dhe agjërim që të jeni të vetëdijshëm sa ju do Zoti, dhe bëjeni vullnetin e Zotit.  
Ju faleminderit që ju përgjigjët thirrjes sime!”

### *Porosia më 25 nëntor 2008.*

“Të dashur fëmijë!

Edhe sot ju thërras që në këtë kohë mëshire të luteni që Jezusi i vogël të lind në zemrën tuaj. Ai që është vetë paqja, le t’ia dhurojë paqen mbarë botës nëpërmes jush. Prandaj, fëmijë, lutuni pa pushim për këtë botë të shqetësuar dhe të pashpresë, që ju të bëheni dëshmitarët e paqes për të gjithë. Shpresa le të rrjedhë në zemrat tuaja si lumë mëshire.  
Ju faleminderit që ju përgjigjët thirrjes sime!”

### *Porosia më 25 dhjetor 2008.*

“Të dashur fëmijë!

Ju vraponi, punoni, grumbulloni, por pa bekim. Ju nuk luteni! Sot ju thërras që të ndaleni para grazhdit dhe të meditoni për Jezusin që ua jap edhe sot që t’ju bekojë dhe t’ju ndihmojë të kuptoni, se pa të nuk keni ardhmëri. Prandaj, fëmijë, besojani jetët tuaja Jezusit në dorë, që Ai t’ju prijë dhe t’ju mbrojë nga çdo e keqe.  
Ju faleminderit që ju përgjigjët thirrjes sime!”

